

ଉତ୍ତରାଳୟ

(ପୌରାଣିକ ନାଟକ)

[ସୁପ୍ରସିଦ୍ଧ ମଥୁରାନାଥ ସାହାର ଥିଏଟ୍ରି କ୍ୟାଲ
ଯାତ୍ରାପାର୍ଟିରେ ଅଭିନୀତ]

ଶ୍ରୀପାଞ୍ଚକଡ଼ି ଚଟ୍ଟୋପାଧ୍ୟାୟ
ପ୍ରଣୀତ

ସପ୍ତମ ମୁଦ୍ରଣ

ଭାର୍ତ୍ତାଚାର୍ଯ୍ୟ ଦାସ ଏଓ ସନ୍ତ
୪୧ ନଂ ଆହିରୀଫୋଲୋ ଷ୍ଟ୍ରିଟ, କଲିକତା

প্রকাশক—শ্রী অমরেন্দ্রনাথ দাস

৮২, আহিরীটোলা ষ্ট্রীট,

কলিকাতা

আনন্দ সংবাদ ! আনন্দ সংবাদ !!

যাঁহার লিখিত নাটকাবলী নাট্যজগতে যুগান্তর
আনিয়াছে—

সেই লক্ষপ্রতিষ্ঠ স্বকবি বিনয়বাবুর অমর
লেখনী প্রসূত পৌরাণিক নাটক

অর্জুন

কোথায় অভিনীত হইতেছে জানেন তো ?
সেই বনের অপ্রতিদ্বন্দী যাত্রা সম্প্রদায়
“সত্যেশ্বর অপেরা-পাটিতে”

ক্ষত্রনারী শূভদ্রার বীরঙ্গনা-মূর্তির কাছে ব্যর্থ
হ'য়ে গেল বিরাট যাদবকুলের স্ত্রীস্বতন্ত্র তরবারী ।
মহাবীর অর্জুনের পদতলে বীরত্বের অর্ব্যরূপে এসে
দাঁড়ালেন ভারত-মহিলা শূভদ্রা । দিকে দিকে
জয়ধ্বনি । মূল্য ২/- দুই টাকা ।

ভারতীন্দ্র দাস এণ্ড সন্স

৮২, আহিরীটোলা ষ্ট্রীট, কলিকাতা

ভূমিকা

বর্তমান যুগের সুপ্রসিদ্ধ মথুরানাথ সাহার থিয়েটার ক্যাল বাজাপাটির স্বত্বাধিকারী ও মদীয় সুহৃদ শ্রীযুক্ত সুরেন্দ্রনাথ সাহা মহাশয়ের অনুরোধে তাহারই সম্প্রদায়ে অভিনয়ের উপযোগী করিয়া পৌরাণিক আখ্যায়িকা অবলম্বনে এই নাটকখানি লিখিয়াছিলাম। শ্রেষ্ঠ ও প্রতিষ্ঠিত সম্প্রদায়ের হাতে পড়িয়া নাটকখানি যেরূপ সুখ্যাতির সহিত অভিনীত হইয়াছে, তাহাতে মনে হয়, সে গৌরবের অংশভাগী আমি একা নই—
জয়মাল্য বন্ধুবর সুরেন্দ্রনাথের।

এ প্রসঙ্গে আরও বলিতে হইবে যে, সুপ্রসিদ্ধ সঙ্গীতকলাবিদ শ্রীযুক্ত ভূতনাথ দাস মহাশয়ের নাটকীয় সঙ্গীতগুলিতে সুরলয় সংযোগ করিয়া নাটকের প্রাণপ্রতিষ্ঠা করিয়াছেন এবং বন্ধুবর শ্রীযুক্ত ভূপেন্দ্রনাথ চট্টোপাধ্যায় সময়োপযোগী নৃত্যকলায় নাটকখানিকে অভিনব সৌষ্ঠবসম্পন্ন করিয়া আমাদের কৃতজ্ঞতাপাশে আবদ্ধ করিয়াছেন। অলমিতিবিস্তরেণ—

কোজাগরী পূর্ণিমা

১৩৩২ সাল

শ্রীর্গাচকড়ি চট্টোপাধ্যায়


নাটোল্লিখিত ব্যক্তিগণ

পুরুষগণ

শ্রীকৃষ্ণ, যুধিষ্ঠির, অর্জুন, বৃষকেতু, বল্লভবাহন, (মণিপুর-রাজ),
দুর্জয়সিংহ (মণিপুর-সেনাপতি), আনন্দরাম (মণিপুর-রাজের
শুভামুখ্যায়ী ব্রাহ্মণ), শাস্তি (দুর্জয়সিংহের নিরুদ্ভিষ্ট পুত্র),
অনন্ত (নাগরাজ), জগাপাগলা, দৌবারিক, চর,
প্রজাগণ, পাণ্ডবসৈন্যগণ, মণিপুর-সৈন্যগণ,
বেদেগণ, মণিপুর-রাজমন্ত্রী, দস্যুসদার,
রক্ষিগণ, ভক্তগণ, বন্দীগণ,
ভৈরবগণ, চোরগণ, ঘেসেড়া
ইত্যাদি ।

স্ত্রীগণ

জাহ্নবী, চিত্রাঙ্গদা (গন্ধর্ষরাজনন্দিনী), উলূপী
(নাগরাজ-নন্দিনী), সুধা (দুর্জয়সিংহের
নিরুদ্ভিষ্টা কন্যা), পুরবাসিনীগণ,
গন্ধর্ষ-কুমারীগণ, তরঙ্গবালাগণ,
নাগরিকাগণ, ভৈরবীগণ
ইত্যাদি ।



শ্রীপাঁচকড়ি চট্টোপাধ্যায়

জয়মাল্য

প্রথম অঙ্ক

প্রথম দৃশ্য

হস্তিনাপুর—রাজসভা

যুধিষ্ঠির

যুধিষ্ঠির । ভীষণ কুরুক্ষেত্র-সমরানল নির্ঝাপিত হয়েছে বটে, কিন্তু
প্রাণে শান্তির পরিবর্তে একি অশান্তির কালানল ! সমস্ত আত্মীয় স্বজন
—বান্ধব—গুরুজন—অষ্টাদশ অক্ষৌহিণী সেনা একমাত্র অসার রাজ্য-
সিঙ্গায় এই মহাসমরে প্রাণ বিসর্জন দিয়েছে । শত শত পতিহীন
অনাথার করুণ বিলাপ ধ্বনি আমার নিশীথ-নিদ্রা ভেঙ্গে দিয়ে হৃদয়ে
কি একটা উন্মাদনার সৃষ্টি করেছে । ভীষণ সমরক্ষেত্রে স্তম্ভিত
বিকলাঙ্গ শবের বিভীষিকাময়ী মূর্তিসকল অহর্নিশি আমার নয়নপথে
ভেসে উঠে কি এক ভীষণ আতঙ্কের সৃষ্টি করেছে । বিশ্বগ্রাসী ভীষণ
হুর্ভিক্ষ—মহামারী বিশাল বদন ব্যাদন ক'রে সমস্ত রাজ্যটা গ্রাস করতে
ছুটে আসছে । আমার পাপে আমার হৃদয়ে অশান্তির কালানল—চির-
পবিত্র ভারতে অধর্মের ঘনাক্ষকারে রাজভক্ত দীন প্রজাগণ ধ্বংসের মুখে
অগ্রসর । বিপদভঞ্জন মধুসূদন ! একি বিপদে ফেললে দয়াময় ! ব'লে
দাও প্রভু—ব'লে দাও, কি করলে এ মহাপাপের প্রায়শ্চিত্ত হবে !

দৌবারিকের প্রবেশ

যুধিষ্ঠির । কি সংবাদ ?

দৌবারিক । মহারাজ ! দুর্ভিক্ষ-পীড়িত শতাধিক প্রজা রাজদর্শন-
আশায় দ্বারদেশে অপেক্ষা করছে ।

যুধিষ্ঠির । অপেক্ষা করছে ! পিতার কাছে সন্তান আসবে, তার
জন্ম আবার অনুমতির অপেক্ষা কেন দৌবারিক ? যাও, অবিলম্বে
তাদের এখানে নিয়ে এস ।

দৌবারিক । যথা আদেশ ।

যুধিষ্ঠির । এই রাজ্য-লিপ্সার পরিণাম ! ভারতের ঘরে ঘরে দুর্ভিক্ষ-
পীড়িত দীন মর্শ্বস্তুদ আর্তনাদ ! রাজা আমি, উপাদেয় রাজভোগে
আত্মতৃপ্তি সম্পাদন করছি—আর সন্তানতুল্য [দীন প্রজারা একমুষ্টি
উদরায়ের জন্ম লালায়িত ! উঃ—কি পরিতাপ !

গীতকণ্ঠে প্রজাগণের প্রবেশ

গীত

প্রজাগণ ।—

ভাগ্যবিধাতা তুমি আমাদের
পাতা ত্রাতা—তুমি হুমহান্ ।
জঠর জ্বালায় বুঝি প্রাণ যায়
ভিক্ষা দিয়ে মোদের রাখ হে প্রাণ ।
শস্ত্রহীনা ক্ষিতি লুপ্ত প্রায় পণ্য,
ঘরে হাহাকার “হা অন্ন হা অন্ন,”
অনশনে হেরি চারিদিক শূন্য
করহে পুণ্য করি অন্নদান ।

(!)

ফালিয়ে দারুণ সময় অনল,
আজ ভারত শ্মশান প্রেতলীলাস্থল,
অনাথ আতুর রোদন সম্বল

পতিপুত্র ভ্রাতা দিয়ে বলিদান ॥

প্রজাগণ । মহারাজের জয় হোক !

যুধিষ্ঠির । ক্ষান্ত হও বৎসগণ ! মৌখিক জয়োল্লাস-ধ্বনিতে হৃদয়ের মর্ম্মস্তদ বেদনা চেপে রাখতে চেষ্টা করো না । তোমাদের অভাব অভিযোগ প্রকাশ করবার আগে তোমাদের বিষাদ মাথা মলিন মুখের প্রতি শিরা উপশিরায় তোমাদের অশ্রুসিক্ত নয়নযুগলের প্রতি পলকে অব্যক্ত গভীর বেদনারাশি আপনা আপনি ফুটে উঠেছে । আমি তোমাদের হতভাগ্য রাজা, তাই তার প্রতিবিধানের জন্ম একটীমাত্র অঙ্গুণী-সঞ্চালন না করে স্থাপুর মত নিশ্চেষ্ট হয়ে দাঁড়িয়ে তাই দেখছি । জান না কি বৎসগণ ! রাজার পাপে রাজ্য নষ্ট হয়, আমারই মহাপাপে আজ রাজ্যময় অশান্তির স্রোত অবাধ গতিতে চলেছে—প্রতিবিধানের কোন পন্থা নেই ।

১ম-প্রজা । এ কি কথা বলছেন মহারাজ ! ঞায়ধর্ম্মের অবতার সত্যপরায়ণ মহারাজ যুধিষ্ঠিরের মুখে এ কথা শোভা পায় না ।

যুধিষ্ঠির । ভুল ধারণা বৎস ! তুমি কোন্ যুধিষ্ঠিরের কথা বলছো ? মহাত্মা পাণ্ডুর বংশে একজন যুধিষ্ঠির ছিল—তার রাজ্য ছিল না, কিন্তু সে ছিল ঞায়পরায়ণ, ধর্ম্মপ্রাণ সত্যবাদী—তারপর সে ম'লো—মরে আর এক যুধিষ্ঠির জন্মালো, রাজ্যলোভে সে স্বার্থপর মনুষ্যত্ব হারিয়ে গুরুহত্যা করলে—স্বজনহত্যা করলে—জ্ঞাতিহত্যা করে রাজ্যলিপ্সা চরিতার্থ করলে—রাজ্যে অশান্তির আগুন ধু ধু করে জলে উঠলো—পতি-পুত্র-হীনা অভাগিনীগণের অশ্রুজলে ভারতবর্ষ কর্দমিত হয়ে উঠলো, ভীষণ দুর্ভিক্ষ মহাসাধে সমস্ত রাজ্যখানাকে গ্রাস করতে ছুটে এলো, সহায়হীন

বুড়ু প্রকৃতিপুঞ্জের গগনভেদী হাহাকারে দিগন্ত কেঁপে উঠলো—আর এই স্বার্থপর রাজা যুধিষ্ঠির তার কোন প্রতিবিধান করতে পারলে না ! কোন প্রতিবিধান করতে পারলে না !

ব্যাসদেবের প্রবেশ

ব্যাসদেব । অমন নিরাশ হ'লে চলবে না বৎস ! এর প্রতিবিধান তোমাকেই করতে হবে । প্রায়শ্চিত্ত কর পাণ্ডুপুত্র—প্রায়শ্চিত্ত কর । প্রায়শ্চিত্তে পাপের বোঝা লঘু ক'রে নাও ! তোমার রাজ্যরক্ষা কর—প্রজা রক্ষা কর—ভারতের লুপ্তপ্রায় গৌরবের পুনঃপ্রতিষ্ঠা কর ।

যুধিষ্ঠির । এর প্রতিবিধানের কি কোন উপায় আছে গুরুদেব ?

ব্যাসদেব । কেন থাকবে না বৎস ! তাহ'লে যে শাস্ত্র মিথ্যা হবে—ব্রাহ্মণ মিথ্যা হবে—আর্য্যধর্ম মিথ্যা হবে ।

যুধিষ্ঠির । তাহ'লে অনুমতি করুন গুরুদেব ! কি করলে এ মহাপাপের প্রায়শ্চিত্ত হয় ?

ব্যাসদেব । শাস্ত্রোক্ত বিধান অনুসারে তুমি অশ্বমেধ যজ্ঞে ব্রতী হও, রাজ্যের লুপ্তশাস্তি আবার ফিরে আসবে ।

যুধিষ্ঠির । তাতেই কি রাজ্যের মঙ্গল হবে দয়াময় ?

ব্যাসদেব । অবশ্য হবে বৎস ! যজ্ঞে দেবতার সন্তোষ, দেবতা তুষ্ট হ'লে রাজ্য রক্ষা হবে ; কিন্তু কলি সমাগতপ্রায়, কলি অধিকারের পূর্বেই যজ্ঞ সম্পূর্ণ করতে হবে ।

যুধিষ্ঠির । আমি প্রস্তুত—কৃপা ক'রে আপনি যজ্ঞের কাল নির্ণয় ক'রে আমায় দীক্ষা দিন ।

ব্যাসদেব । যাবতীয় দ্রব্য সংগ্রহের আয়োজন কর বৎস ! আগামী চৈত্র পূর্ণিমাতেই আমি তোমায় দীক্ষিত করবো । [প্রজাগণের প্রতি]

বৎসগণ, তোমরা নিশ্চিত হও ! ধর্মপ্রাণ রাজা যুধিষ্ঠিরের রাজ্যে অধর্মের প্রভাব কখনই বিস্তৃত হবে না। এই মহাযজ্ঞ অনুষ্ঠানের সঙ্গে সঙ্গে দেশের অন্নকষ্ট নিবারণকল্পে স্থানে স্থানে এক একটা অনাথ আশ্রম প্রতিষ্ঠিত হবে, আর তার প্রারম্ভকাল পর্যন্ত রাজভাণ্ডার প্রজাগণের জন্য সর্বদা উন্মুক্ত থাকবে।

প্রজাগণ । ধর্মরাজের জয় হোক !

গীত

প্রজাগণ ।—

জয় — জয়—জয়—

ধর্মপ্রাণ ধর্মরাজ ভারত-ঈশ্বর জয় ।

অরাতি দমন অনাথ পালন

যশোভাতি যার ভুবনময় ॥

কস্মী পুরুষ স্বনাম ধন্য,

বিশ্ব বিঘোষিত কীর্তি-পুণ্য;

ত্যাগ নিষ্ঠার যিনি অতুলন

সত্যের প্রভায় মহিমাময় ॥

[প্রজাগণের প্রশ্নান

ব্যাসদেব । যাও বৎস ! মহাযজ্ঞ অনুষ্ঠানের আয়োজন কর ।

শ্রীকৃষ্ণের প্রবেশ

শ্রীকৃষ্ণ । কিসের আয়োজন মহারাজ ?

যুধিষ্ঠির । মহাপাপের প্রায়শ্চিত্ত করতে ঋষির আদেশে অশ্বমেধ বহু অনুষ্ঠানের আয়োজন করতে হবে ভাই !

শ্রীকৃষ্ণ । ধর্মপরায়ণ রাজচক্রবর্তী মহারাজ যুধিষ্ঠির মহাপাপী ! এ কথার তাৎপর্য কি মহারাজ ?

যুধিষ্ঠির । শ্রীতির চক্ষে তোমরা বড় দেখ ব'লে কি মনে কর জগতের চক্ষে আমি নিষাপ ? তা নয় ভাই, সত্যই আমি মহাপাপী—আর সেই পাপের প্রায়শ্চিত্ত করতেই এই মহাযজ্ঞের অনুষ্ঠান । যজ্ঞেশ্বর ! তোমারই ভরসায় এই মহাযজ্ঞ ব্রতী হ'তে চলেছি, এখন তুমি উপস্থিত থেকে এ মহাযজ্ঞ সম্পূর্ণ কর ভাই !

শ্রীকৃষ্ণ । তাই তো মহারাজ ! আমি যে দ্বারকা যেতে মনস্থ ক'রে মহারাজের কাছে বিদায় নিতে এসেছিলাম ।

যুধিষ্ঠির । তা কি হয় ভাই ? যজ্ঞেশ্বর ভিন্ন যজ্ঞ সম্পন্ন করবে কে ? বিশেষ যজ্ঞাশ্ব নিয়ে হয় তো কোন শক্তিমান রাজার সঙ্গে বিবাদ বাধতে পারে । পাণ্ডবের বল বৃদ্ধি ভরসা সবই ত তুই, তোকে বিদায় দিয়ে কি একটা নতুন বিপদকে আমন্ত্রণ ক'রে আনবো ? না ভাই, তা হবে না—তোমার এখন যাওয়া হবে না ।

শ্রীকৃষ্ণ । যখন মহারাজের তাই অভিরুচি, তখন বাধ্য হ'য়েই থাকতে হবে ।

অর্জুনের প্রবেশ

অর্জুন । কোন প্রয়োজন নেই সখা, তুমি স্বচ্ছন্দে যেতে পার । দাদা, আপনি বৃথা চিন্তিত হচ্ছেন কেন ? কুরুক্ষেত্র মহাসমরে সখার উপস্থিতির প্রয়োজন হয়েছিল—কিন্তু এখন আর তেমন প্রয়োজন নেই । ভারত এখন বীরশূণ্য—প্রয়োজন হ'লে আপনার আশীর্বাদে একা গান্ধীবি বিশ্ব বিজয়ে সক্ষম হবে ।

শ্রীকৃষ্ণ । সত্যই তো, হেলায় সমুদ্র পার হ'য়ে এসে ক্ষুদ্র সরিৎ পার হ'তে এত চিন্তিত হচ্ছেন কেন মহারাজ ? নিজের সামর্থের উপর দৃঢ় বিশ্বাস না থাকলে গান্ধীবি কখনও একথা বলতেন না ।

অর্জুন । নিশ্চয়ই, সে বিশ্বাস আছে বলেই বলছি এই তিন লোকের মধ্যে অর্জুনের পরাক্রমের বিষয় কে না জানে ? দাদা, আপনি নিশ্চিত হোন—একটা অসম্ভব বিষয়ের কল্পনা ক’রে মনে অশান্তিকে প্রশ্রয় দেবেন না । প্রিয়সন্দর্শনেচ্ছা সখার প্রাণে এখন বলবতী, সে ইচ্ছায় বাধা দিলে মুখে কিছু না বললেও সখা যে মনে মনে রুট হবে তাতে আর অণুমাত্র সন্দেহ নেই । না সখা, তুমি স্বচ্ছন্দে দ্বারকায় যেতে পার ।

শ্রীকৃষ্ণ । সত্য সখা, প্রিয়সন্দর্শন ইচ্ছা হৃদয়ে প্রবল হয়ে আমাকে কেমন উন্মনা ক’রে দিয়েছে—তা’ ছাড়া যুদ্ধ বিগ্রহ বাধলেও একমাত্র রথের সারথ্য ভিন্ন আমি আর কি উপকারে আসতে পারি ভাই ? আমার অবর্তমানে এ কার্যে আমি অপেক্ষা অনেক যোগ্যতর লোক পাবে, বিশেষতঃ ভুবনবিজয়ী তৃতীয় পাণ্ডবের রথের সারথ্য গ্রহণ ক’রে আপনাকে গৌরবান্বিত করতে অনেক মহা মহারথী সানন্দে ছুটে আসবে ।

যুধিষ্ঠির । কার উপর অভিমান ক’রে এ কথা বলছি ভাই ?

অর্জুন । দাদা, এ সখার অভিমান নয়—বাসববিজয়ী ফাল্গুনীর বীরত্বের উপর বিশ্বাস আছে বলেই সখা এ কথা বলছে ! আপনি নিশ্চিত হোন ; যজ্ঞাশ্ব নিয়েই যখন যুদ্ধ বিগ্রহের সূচনা, তখন অশ্বরক্ষার ভার আমার উপর দিন ।

ব্যাসদেব । ফাল্গুনীর ইচ্ছাই পূর্ণ হোক মহারাজ, আমি ঐরূপ সঙ্কল্পই করেছিলাম । এক্ষণে তৃতীয় পাণ্ডব যখন স্বতঃপ্রবৃত্ত হ’য়ে যজ্ঞাশ্ব রক্ষার ভার গ্রহণে ইচ্ছা প্রকাশ করছে, তখন তাই হোক । গাণ্ডীবি ! অশ্বরক্ষার ভার আমি তোমাকেই দিলাম, প্রয়োজন হয় তোমার ভ্রাতৃপুত্র বীর-বালক বৃষকেশুকে সঙ্গে নিও । আর মাধব ! প্রিয়সন্দর্শনে দ্বারকায় যেতে অভিলাষ হ’য়ে থাকে যেতে পার, কিন্তু এ মহাযজ্ঞে তোমার উপস্থিত থাকতেই হবে । শুধু উপস্থিত থাকা নয়, কৃষ্ণগত প্রাণ পাণ্ডবদের করণীয়

কার্যাবলীর কোন একটার ভার নিয়ে তাদের সাহায্য করতে হবে, এই আমার অনুরোধ।

শ্রীকৃষ্ণ । আমি সানন্দে প্রস্তুত ঋষিরাজ ! রাজসূয়যজ্ঞে আমায় যে কার্যভার দিয়ে ধন্য করেছিলেন, এবারও আমায় সেই কার্যভার দিন—সমাগত ব্রাহ্মণদের সেবার ভার আমার উপর দিয়ে আমায় কৃতার্থ করুন।

ব্যাসদেব । উত্তম, তাই হবে। এসো ধর্মরাজ, অগ্ন্যাগ্নি কার্যভার উপযুক্ত ব্যক্তির হস্তে গুপ্ত করবার বাবস্থা করে দিই।

[শ্রীকৃষ্ণ ও অর্জুন ব্যতীত সকলের প্রস্থান।

অর্জুন । সখার তবে কি দ্বারকা যাওয়াই স্থির ?

শ্রীকৃষ্ণ । তুমি ত ভাই অনুমতি দিলে।

অর্জুন । প্রিয়সন্দর্শন ইচ্ছা যখন এতখানি বলবতী, তাতে বাধা দোব, আমি এতটা স্বার্থপর নই। যার মুহূর্ত্ত অদর্শনে ফাল্গুনীর চক্রে সমস্ত ব্রহ্মাণ্ড অন্ধকার বলে মনে হয়—তার অদর্শন যাতনা এতগুলো দিন সহ করতে হবে এই চিন্তাই আমায় বড় আকুল ক'রে তুলছে।

শ্রীকৃষ্ণ । কার্যের গুরুভারে হৃদয়ে এ দৌর্বল্য স্থান পাবে না সখা!

অর্জুন । শুধু ঐ একটা আশ্বাস।

শ্রীকৃষ্ণ । তা হ'লে বিদায় দাও সখা!

অর্জুন । এখনই। না, আর তোমায় মুহূর্ত্তের জন্যও বাধা দোব না। চল সখা! আমি তোমায় রথে তুলে দ্বিয়ে আসি।

শ্রীকৃষ্ণ । [স্বগত] কুরুক্ষেত্র মহাসমরে জয়লাভ ক'রে সখার হৃদয়ে অহঙ্কারের তমোরাশি বেশ একটু একটু ক'রে ঘনীভূত হ'য়েছে—আত্মশক্তিতে এতখানি বিশ্বাসই বলদর্পের নামান্তর। সখার হৃদয়ের এ অহমিকার অন্ধকার দূর ক'রে যদি তাতে জ্ঞানের শুভ্র আলোক না জ্বলে দিই—তাহ'লে আমার পাণ্ডবসখা নামে সার্থকতা কি?

অৰ্জুন । সখা ! দাঁড়িয়ে দাঁড়িয়ে কি ভাবছো ? চল—

শ্রীকৃষ্ণ । ভাবছি—হ্যাঁ ভাবছি বৈকি সখা, ভাবছি একদিকে প্রিয়সন্দর্শনের প্রবল তৃষ্ণা—অন্যদিকে প্রিয় বিরহবেদনার একটা তীব্র ব্যাকুলতা—এ দু'য়ের সংঘর্ষে মনটাকে যেন দিশাহারা ক'রে তুলছে ।

অৰ্জুন । জয়লক্ষ্মী যখন ঐ তৃষ্ণাকেই বরণ ক'রে নিয়েছে, তখন এ সংঘর্ষে কি যায় আসে সখা !

শ্রীকৃষ্ণ । তবু এ হৃদয়ের মাঝে প'ড়ে মনটা ক্ষত বিক্ষত হয়ে যাবে—
[অন্তমনস্ক ভাবে] যাক—তথাপি কর্তব্য—চল সখা !

[উভয়ের প্রস্থান ।

দ্বিতীয় দৃশ্য

মন্ত্রণাগৃহ

দুর্জয়সিংহ ও সভাসদগণ

দুর্জয়সিংহ । আপনারাই বলুন সিংহাসনের শ্রায়্য অধিকারী কে ? একটা পরিচয়হীন কুলটার সম্ভান কি এই রাজ্যের যোগ্যতর ব্যক্তি ? স্বর্গগত মহারাজ চিত্রসেনের পবিত্র সিংহাসন যে একটা ঘৃণিত আরজ শিশুর দ্বারা কলঙ্কিত হবে, এ আমি চোখে দেখতে পারবো না—তাই এর একটা বিহিত করতে আপনাদের আহ্বান ক'রেছি—এক্ষণে বলুন আপনারা কি চান ? স্বর্গগত দেবোপম মহারাজ চিত্রসেনের প্রতিষ্ঠিত গৌরব অক্ষুণ্ণ রেখে রাজ্যের মঙ্গল—প্রজার মঙ্গল—দেশের মঙ্গল বিধান করতে চান—না সেই শুভকীর্তিকিরিটিনী জননী জন্মভূমির

প্রশান্ত বদনে অকীর্্তির গাঢ় কালিমা লেপন ক'বে জগতের ঘৃণ্য হ'য়ে
লোকসমাজের অন্তরালে আপনাদের লুকিয়ে রাখতে চান? বলুন
আপনারা কি চান?

১ম সভাসদ। আমরা চাই মহারাজ চিত্রসেনের প্রতিষ্ঠিত গৌরব
অক্ষুণ্ণ রাখতে।

দুর্জয়সিংহ। উত্তম, তাহ'লে আসুন আমরা প্রস্তুত হই। সকলে
এক মন এক প্রাণ হ'য়ে একযোগে স্বকার্য সাধনে প্রবৃত্ত হই। রাজ্যের
সেনাদল সমস্তই আমার আজ্ঞাধীন—আমার একটি ইচ্ছিতে তা'দের
এককালীন কোষমুক্ত অসির ঝঞ্ঝনা দিগন্ত কম্পিত ক'রে আততায়ীকে
জানিয়ে দেবে যে, এ রাজ্যে অশ্রায়ে প্রতীবাদ করিতে এখনও উপযুক্ত
শক্তির অভাব হয়নি।

১ম সভাসদ। আপনি কি আমাদের রাজদ্রোহী হ'তে বলেন?

দুর্জয়সিংহ। রাজা কোথায় যে, আপনারা রাজদ্রোহিতা হবে ব'লে
একটা অলীক চিন্তায় এতখানি শিউরে উঠছেন? আমাদের এ
আয়োজন—রাজ্যে উপযুক্ত রাজার প্রতিষ্ঠা। বেশ, আপনাদের অভিক্রটি
হয় ঐ কুলটার পুত্র বল্লবাহনকেই রাজপদে অভিষিক্ত করুন—ঐ বেণ্ডা-
পুত্রের চরণে আভূমি নত হ'য়ে আপনাদের মানমর্ষ্যাদা সমস্ত রাজভক্তির
পরাকাষ্ঠা স্বরূপ প্রথম উপহার প্রদান করুন! আর আমার কথা
জিজ্ঞাসা করেন—আমি অসিদ্ধীবি ভৃত্য মাত্র। পরের জন্ত আত্মোৎসর্গই
আমার জীবনের একমাত্র লক্ষ্য। এই উদ্দেশ্য নিয়ে জননী জন্মভূমির
কাছে চিরবিদায় গ্রহণ করবো। তারপর—তারপরের কথা তারপর।

২য় সভাসদ। কুমার বল্লবাহনের অভিষেকের সমস্ত আয়োজন
হয়েছে, এখন তার প্রতিবাদ করা কেমন ক'রে হ'তে পারে?

দুর্জয়সিংহ। ইচ্ছা থাকিলে সমস্তই সম্ভব, আপনারা সকলে সম্মত

হ'লে আমি মুহূর্তে ঐ ঘৃণিত কুলটানন্দন বক্রবাহনকে সিংহাসন হ'তে হাত ধ'রে টেনে নামিয়ে এনে তার আসনে একজন যোগ্যতর ব্যক্তিকে বসাতে পারি ।

৩য় সভাসদ । তা' তো পারেন—কিন্তু রাজকন্যা চিত্রাঙ্গদার চরিত্রে সম্বন্ধে জনশ্রুতি কি সত্য ?

৪র্থ সভাসদ । ভায়া হে, যা রটে তার কিছুও বটে—তবে বড় ঘরের কথা সবই মানায়—আবার একটা চোখ রাজানিতে সব চাপা পড়ে যায় । আমাদের মত লোকের ঘরে এ সব ব্যাপারগুলো একটা হৈ হৈ—
রৈ রৈ কাণ্ডে দাঁড়ায় ।

৩য় সভাসদ । আমার মতে প্রথমে অমনভাবে প্রকাশ্য বিদ্রোহটা না ক'রে যদি কৌশলে কার্যসিদ্ধি হয় সেই চেষ্টাই করা উচিত ।
আপনারা কি বলেন ?

সভাসদগণ । এ যুক্তি মন্দ নয় ।

দুর্জয়সিংহ । বেশ এই যুক্তিই যদি আপনারা সমীচীন মনে করেন,
করুন ।

৪র্থ সভাসদ । [৩য় সভাসদের প্রতি] বল হে, কি কৌশলে কার্য-
সিদ্ধি করতে চাও ?

৩য় সভাসদ । কৌশল আর কি—যাকে রাজা বলে বরণ ক'রে
নোব—তার শক্তির পরীক্ষা করা আর কি ?

৪র্থ সভাসদ । কেমন ক'রে ?

৩য় সভাসদ । তা' যে উপায়েই হোক—আমার মতে ^{*}দম্বযুদ্ধই
শক্তি পরীক্ষার প্রশস্ত পন্থা !

দুর্জয়সিংহ । দম্বযুদ্ধ ? কার সঙ্গে ?

৩য় সভাসদ । কেন—আপনি রাজ্যের সেনাপতি আপনার সঙ্গে—

দুর্জনসিংহ । অসম্ভব—আমি কি এতই হীন যে, আত্মসম্মানে পদাঘাত ক'রে একটা কুলটাপুত্রের সঙ্গে দ্বন্দ্বযুদ্ধে প্রবৃত্ত হ'বো? তার চেয়ে পশুর সঙ্গে পশুর শক্তি পরীক্ষা হোক । যোগ্যং যোগ্যে—

৩য় সভাসদ । বেশ তাই হোক—তাহ'লে আপনারা সমগ্র প্রজার পক্ষ হ'তে ঘোষণা করুন যে—রাজ্যের পূর্বকৃত্তম নিয়ম অনুসারে অভিষেকের পূর্বদিনে কুমারকে মণিকূপ হ'তে একাকী বারিপূর্ণ ঘটি আনতে হ'বে—সেই বারি দ্বারা অভিষেক-কার্য সম্পন্ন হবে । যদি তাতে সক্ষম হন তাহ'লে তিনি অপ্রাপ্ত বয়স্ক ও রাজ্য পরিচালনে অসক্ত ব'লে অভিষেক-কার্য স্থগিত রাখা যাবে । সে স্থাপদসঙ্কুল দুর্গম অরণ্যে প্রবেশ করলে আর জীবন্ত ফিরতে হবে না ।

৪র্থ সভাসদ । আর যদি তাতে সক্ষম হয় ?

৩য় সভাসদ । যদি সক্ষম হয় তখন অন্য যুক্তি স্থির করতে হবে । তবে এটা স্থির জানবেন, যে শক্তিমান এমন একটা কঠিন পরীক্ষায় উত্তীর্ণ হ'তে পারে, কালে সে যে স্বরাজ্যের পুনরুদ্ধার করবে তাতে আর কোন সন্দেহ নাই ।

দুর্জনসিংহ । সে চিন্তা পরে—এখন ঘোষণা করবার ব্যবস্থা করুন ।

চিত্রাঙ্গদার প্রবেশ

চিত্রাঙ্গদা । কিসের ঘোষণা দুর্জনসিংহ ?

দুর্জনসিংহ । রাজ্যের চিরস্থান নিয়ম যা তাই—আর কিছু নয় ।

চিত্রাঙ্গদা । সেই নিয়মের কথাই শুনে চাই দুর্জনসিংহ ।

দুর্জনসিংহ । সমগ্র প্রজার পক্ষ হ'তে যখন রাজ্যের নিয়ম-সংক্রান্ত তাদের আবেদনপত্র ঘোষিত হবে—রাজমাতা তখনই সমস্ত অবগত হবেন ।

চিত্রাঙ্গদা । তৎপূর্বে কি রাজমাতার এই চিরস্থান নিয়মের মর্মটুকু জানবার কোন অধিকার নেই দুর্জনসিংহ ?

ওয় সভা। কেন থাকবে না মা—এই রাজ্যের প্রথা অনুযায়ী কুমারকে অভিষেকের পূর্কদিন মণিকূপ হ'তে বারিপূর্ণ ঘট আনতে হবে—তদ্বারা অভিষেক কার্য সম্পন্ন হবে। তাতে যদি তিনি অসমর্থ হন, তা' হ'লে যোগ্যতালাভের পূর্ক পর্য্যন্ত এ অভিষেক ক্রিয়া স্থগিত থাকবে।

চিত্রাঙ্গদা। বৃদ্ধ, তোমার পালিত কেশ—তোমার জীবন সঙ্ক্যার আগমন ঘোষণা করুচে—জীবন-মরণের সন্ধিস্থলে দাঁড়িয়ে সত্য বল বৃদ্ধ—এই কি রাজ্যের চিরস্তন প্রথা ?

দুর্জনসিংহ। প্রথা না হ'লে সমগ্র প্রজা আমাদের কাছে আবেদন করবে কেন ?

চিত্রাঙ্গদা। আমি তোমায় প্রশ্ন করিনি দুর্জনসিংহ, বৃদ্ধ আমার কণার উত্তর দাও—

দুর্জনসিংহ। আপনারাই বলুন না প্রজারা আবেদন ক'রেছে কি না ?

আনন্দরামের প্রবেশ

আনন্দরাম। আবেদন করলেও করেছে, আর না করলেও ক'রেছে—আবাগের বেটীর ঘটে যদি এতটুকু বুদ্ধি থাকে—যদি ভালই চাও, ছেলেটাকে কাল মণিকূপের জল আনতে পাঠাও।

চিত্রাঙ্গদা। আপনি বলুন, এই কি রাজবংশের চিরস্তন প্রথা ?

আনন্দরাম। প্রথা হ'লেও প্রথা—না হ'লেও প্রথা, বিশেষ যখন রাজ্যের মাথা নেই—এখন ছেলেটাকে পাঠাবে কিনা তাই বল ?

চিত্রাঙ্গদা। বক্রবাহন বালক, সে কি সেই হিংস্রজন্তুপূর্ণ অরণ্যে যেতে পারে !

আনন্দরাম। বালক হ'লেও বালক—আর না হ'লেও বালক। কিন্তু জানেন না কি মা, কার রক্তশ্রোত ও দেহের শিরায় শিরায় বইছে,

তা'তে ক'টা বগ্ন জন্তর মুখ থেকে একটু জল আনা ওর পক্ষে ছেলেখেলা বইত নয় !

চিত্রাঙ্গদা । ব্রাহ্মণ ! পুত্রকে পাঠান কি আপনার অভিমত ?

আনন্দরাম । আহা হা, আমার মত হ'লেও মত—আর না হ'লেও মত । আমার মতামতের কথা ছেড়ে দাও না মা লক্ষ্মী, আমার মতামতের কি যায় আসে ? ছেলেটাকে এতটুকু থেকে কোলে পিঠে ক'রে মানুষ ক'রেছি—তাই একটু টান ।

চিত্রাঙ্গদা । কিন্তু এ কি অত্যাচার ! রাজ্য কি এমনি অরাজক ?

আনন্দরাম । হ'লেও হয়েছে—আর না হ'লেও হয়েছে—কারণ রাজ্যমশায় যে এখন মাথাবিহীন কঙ্ককাটা ! এখন যাও ছেলেটাকে শিকারী সাজিয়ে দাওগে ।

বক্রবাহনের প্রবেশ

বক্রবাহন । তার চেয়ে আমায় ভিখারীর সাজে সাজিয়ে দিতে অনুমতি করুন দাদামশায় ! আমি বেশ বুঝেছি, এ বারি আনয়নের অন্ততম উদ্দেশ্য প্রাণিহত্যা—হিংস্র পশুর মত আমায় অকারণ প্রাণিহত্যায় উৎসাহিত করবেন না ।

চিত্রাঙ্গদা । কাপুরুষ ! এই কথা তোমার মুখ দিয়ে উচ্চারিত হ'ল ? তুমি না বীর ? তুমি না আমার পুত্র ? দিক্ কাপুরুষ !

বক্রবাহন । মা ! যা তিরস্কার করতে চাও কর—কিন্তু আমায় কাপুরুষ ব'লো না—সিংহিনীর গর্ভে কখনও শৃগাল শিশু জন্মে না ! আমি ভয়ের জগ্ন বলাছি না মা, অহেতুক প্রাণিহত্যায় আমার প্রবৃত্তি হয় না—তাই এমন কথা বলেছি মা ! তোমার পায়ে ধরি এমন নিষ্ঠুর কার্ষ্য আমায় উৎসাহিত ক'রো না ।

চিত্রাঙ্গদা । বক্রবাহন—

[দুর্জনসিংহ ও সভাসদগণের পরস্পরের ইঙ্গিতাভিনয়]

আনন্দরাম । তা' হ'চ্ছে না ভায়া, স্বেচ্ছায় না পার, তোমায় ওষুধ
গেলা ক'রেও করতে হবে—নইলে সিংহাসনের দফা রফা । দেখ্‌ছো
না ভায়া—সিঁড়ি চোখ পাকাচ্ছে আর ফেউগুলো লেজ নাড়্‌ছে !

বক্রবাহন । এরূপ নিষ্ঠুর আচরণের উদ্দেশ্য কি মা ?

চিত্রাঙ্গদা । উদ্দেশ্য তোমার শক্তি পরীক্ষা—তুমি রাজ্য-পরিচালনে
সক্ষম হবে কিনা তার পরীক্ষা দিতে হবে ।

বক্রবাহন । সে পরীক্ষা পশুহত্যায় ! পশুহত্যায় শক্তির পরীক্ষা
দেওয়া মণিপুর রাজবংশের প্রথা ?

চিত্রাঙ্গদা । তর্ক ক'রো না পুত্র ! তোমার শক্তির পরীক্ষা দিতেই
হবে—এসো, আসুন ব্রাহ্মণ !

[বক্রবাহন, আনন্দরাম ও চিত্রাঙ্গদার প্রস্থান]

৪র্থ সভাসদ । হাঃ-হাঃ-হাঃ ! সেনাপতি মশায়, বোধ হয় এক
চালেই মাৎ হবে । ছেলেটা একেবারে ঘাবড়ে গেছে ।!

দুর্জনসিংহ । এখন বুঝুন—গাণ্ডীবধন্যা বীরকেশরী অর্জুনের পুত্র
হ'লে কি এতটা কাপুরুষ হয় !

৪র্থ সভাসদ । ঠিক বলেছেন । আসুন আমরা প্রকাশ্যভাবে ঘোষণার
ব্যবস্থা করিগে ।

[দুর্জনসিংহ ব্যতীত সকলের প্রস্থান]

দুর্জনসিংহ । এই তো সুযোগ—এই সুযোগে নিজের শিকার আয়ত্তে
আনতে হবে । জঙ্গলের অনতিদূরে লুকিয়ে থেকে যদি দেখি নির্ঝিয়ে
ফিরে আস্‌ছে, তখন জনকয়েক বাছা বাছা সৈন্য নিয়ে ক্ষিপ্ত শার্দূলের মত
অকস্মাৎ বক্রবাহনের উপর বাঁপিয়ে পড়বো—দেখবো কেমন ক'রে
সে অধম বালক আত্মরক্ষা করে ।

[প্রস্থানোত্তত]

জগা পাগলার প্রবেশ

জগা । রাখে হরি মারে কে—আর মারে হরি রাখে কে, এ কথা কি জানেন না সেনাপতি মশায় ?

দুর্জনসিংহ । [স্বগতঃ] অপদার্থ ! বড় ভুল ক'রেছি এই বাতুলকে প্রথয় দিয়ে—কিন্তু উপায় নাই, গুরুদেবের আজ্ঞা । [প্রকাশ্যে] জগা, কি মনে ক'রে ?

জগা । থাকায়—তা' নিজেই হোক, আর পরেরই হোক ।

গীত

জগা ।—

দুনিয়ার ব্যাপার চমৎকার ।
 আপন ধাঁধায় সবাই ঘোরে ভাবে নাকো একটাবার ॥
 আমি ভাবি আমি পাকা,
 আর সবাই বেজায় বোকা,
 একটা থাকায় মনের ধোঁকা ঘুচে যায় গেল সবাকার ॥
 আটি আটি বাঁধন যত,
 কসতে গিয়ে আলুগা তত,
 শুগার ঘুরবে চাকা ইচ্ছামত সে ধারে নাকো কারো ধার ॥

দুর্জনসিংহ । দূর হ রে অধম বাতুল !
 নহে ইহা বাতুল আগার ।

পূর্ব গীতাংশ

মিছে কেন আসছো ভেড়ে
 যাচ্ছি সরে আমি বাতুল ।
 তুমি সিঁড়ি বেজায় খিঁড়ি
 নাইকো ভবে তোমার ফুল ।

পেতেছ জাল মনের মত
যার মূলেতে বেজায় ভুল ।
আপন জালে জড়িয়ে যেন
ক'রো নাকো হাহাকার ॥

[প্রস্থান ।

তুর্জনসিংহ । সত্য কি এ উন্মাদ প্রলাপ ?
শুনি গান —
প্রাণ যেন হ'ল বিচঞ্চল ।
উন্মাদের উন্মত্ত প্রলাপ
এখনও বাজিছে কাণে,
আতঙ্কে শিহরে প্রাণ !
মৃত প্রাণ—কিসের আতঙ্ক তব ?
মণিপুর-সেনানায়ক আমি—
সশঙ্কিত বালকের ভয়ে !
অসম্ভব—অসম্ভব—
অমৃত কল্পনা ইহা ।
মৃত মন—
বাতুলতা করেছে আশ্রয় তোমা ।
অথবা—অথবা ইহা
ভীকৃতার শুষ্ক অবসাদ !
জীর্ণবস্ত্র সময়—
তেয়াগিয়া শুষ্ক অবসাদ—
জাগাও সুষুপ্ত তেজ—
ভস্মাবৃত বহিসম লুক্কায়িত বাহা ।

ওঠো মন ওঠো রে জাগিয়া—
দৃঢ় হও স্বকাৰ্য্য সাধিতে ।

[বেগে প্রস্থানোচ্চত ।

গীতকণ্ঠে কুবুদ্ধির প্রবেশ
গীত

কুবুদ্ধি ।—

প্রেমের বেসাত করি আমি
প্রেম বাজারে বেচি কিনি ।
প্রেমিকে প্রেম অমনি বিলাই
খুলে দিয়ে হৃদয়খানি ॥
চোখে খেলে প্রেমের হাসি,
প্রেমিকের প্রাণ উদাসী,
লোটে পায় প্রেমিক পুরুষ
প্রাণটা নিয়ে টানাটানি ॥

দুৰ্জ্জনসিংহ । কে তুমি সুন্দরী ?

গীত

কুবুদ্ধি ।—

চেন না প্রেমিক সৃজন আমি তোমারি ।
তব ছবি অঁকা হৃদে দেখ না চিরি ॥
তুমি যে হৃদয় আলো,
প্রাণ দিয়ে বাসি ভালো,
অবলায় মজিয়ে তুমি ক'রেছ প্রাণটা চুরি ॥

কুবুদ্ধি । এখন এস প্রিয়তম—যে পথে অগ্রসর হ'য়েছ, আমার হাত
ধর. আমি তোমার পথের বাধা সরিয়ে দোব ।

[দুৰ্জ্জনসিংহের হাত ধরিয়া প্রস্থান

তৃতীয় দৃশ্য

যদিপুৰ ৰাজ্য-সীমান্ত অরণ্যেৰ একাংশ
একটা ব্যাঘ্ৰশিশু ক্ৰোড়ে লইয়া গীতকণ্ঠে সুধাৰ প্ৰবেশ

গীত

সুধা —

আমি কোথা হ'তে এসে বেড়াই ভেসে ভেসে

কোথা যেতে হবে জানি না ।

আপনার বলি রয়েছে সকলি

তবু প্ৰাণেৰ অভাব গেল না ॥

আশ্ৰয় দিয়েছে কাননেৰ শাখী,

খেলাৰ সাথী মোৰ বিহঙ্গিনী সখী,

সুধায় বনফল, পিপাসায় জল

কৰুণায় দেয় বৰণা ॥

আপনার মনে আপনি কাঁদি হাসি,

বনেৰ পাখী আমি—বন ভালবাসি,

তবু বুকুেৰ বোকা কি বেদনা রাশি

বুঝি না—ভাবিতে পাৰি না ॥

একটা ব্যাঘ্ৰশিশু ক্ৰোড়ে লইয়া শাস্তিৰ প্ৰবেশ

শাস্তি । দিদি, তুই এখানে—আমি তোকে কত খুঁজছি ।

সুধা । কেন ভাই, তুই আমায় খুঁজছিস্ ?

শাস্তি । ভাৰি দৰকাৰ—হ্যাঁ দিদি ! আমাদেৰ এ জঙ্গলে কেউ

ৰাজা আছে ?

সুধা । দেশের যিনি রাজা—এ জঙ্গলের তিনি রাজা । একেবারে রাজার খবর কেন বল্ দেখি ?

শাস্তি । তাই তোকে বলতে এসেছি দিদি, ! আমি বাঘা সিঙ্গিদের কটা ছানা নিয়ে ঐ যে ঐ ড্রাকাক্কেত—তাব পাশে ঐ ছোট ঝোপটা—তার আগে ঐ খাল, ঐ খালের ধারে খেলছিলুম—দেখলুম দিদি একদল ডাকাত কি রাজ-রাজড়া—এই মাজোয়া পরা—এত বড় ছোরা—এত বড় কাঁড়—এত বড় ধনুক—মাঁ মাঁ করে ঐ জঙ্গলের উত্তর দিকে চলে গেল—তারা কে দিদি ?

সুধা । বোধ হয়, রাজার সৈন্য তারা ।

শাস্তি । সৈন্য কি দিদি, তারা তবে ডাকাতও নয়—রাজাও নয় ?

সুধা । রাজার জন্তু যারা যুদ্ধ করে—অস্লানবদনে যুদ্ধক্ষেত্রে প্রাণ দেয় তাহারাই রাজার সৈন্য ।

শাস্তি । তাহ'লে রাজারা সৈন্যদের চেয়েও খুব জম্‌কালো দেখতে, নয় দিদি ?

সুধা । তা আর বলতে—

শাস্তি । ওরা এদিকে এসেছে কেন দিদি ?

সুধা । বোধ হয় কোন যুদ্ধ বিগ্রহ বেধেছে, তাই ওরা যুদ্ধ করতে বেরিয়েছে, কিম্বা শিকার করতে বেরিয়েছে । তা যদি হয় শাস্তি, ওদের এখান থেকে ফিরিয়ে দিতে হবে, আমরা থাকতে যে ওরা এ জঙ্গলে বাঘ সিঙ্গি মারবে সেটা হবে না ।

শাস্তি । তা মারতে দোব না দিদি ! কেন দেবো ? আমাদের জঙ্গলে বাঘ সিঙ্গিরা আমাদের খেলার সাথী, তাদের মারতে দেবো না । আচ্ছা দিদি, তাদের মারছে কেন ?

সুধা । নির্দোষ শিশুগুলোকে হত্যা করাই ওদের শিকার, আর তাতেই ওদের আনন্দ ।

শান্তি । হত্যায় আনন্দ ! দিদি, ওরা কি তাহ'লে মানুষ নয় ? না দিদি ! তা হবে না, আমি কিছুতেই ওদের হত্যা করতে দেবো না, এখনই আমাদের বুড়ো দেবতাকে গিয়ে বলবো । আয় দিদি, তুইও আয়—উঃ কি নির্ভর এরা !

গীত

শান্তি ।—

ওগো কেমন কঠিন প্রাণ ।

সেখা নাইকো স্নেহ, নাইকো দয়া

নাইকো মমতার স্থান ।

পরের ব্যথায় সুখে ভাসে,

পরের ছুঃখ বোঝে না সে,

জীবন নিয়ে সখের খেলা

যা জগৎপতির দান ॥

[গীতান্তে প্রস্থান

সুধা । তরলমতি বালক সংসারের কোন ধারই ধারে না, তাই এই অন্টায়ের প্রতিকার করতে ঋষি ঠাকুরের কাছে ছুটলো । যাক, ওর কাজে বাধা দেবো না । অবোধ বালক জানেনা যে, রাখে হরি মারে কে—মারে হরি রাখে কে ?

[প্রস্থান

চতুর্থ দৃশ্য

অরণ্যের অপরাংশ

দুর্জনসিংহ ও সৈন্যগণ

১ম সৈন্য । শুন্তে পাচ্ছেন সেনাপতি মশায় ! হিংস্র ঝাপদের কি ভীষণ গর্জনধ্বনি, [সমস্ত বনটাকে প্রকম্পিত করে দিগন্ত প্রতিধ্বনিত করছে । আমরা আর এক পাও অগ্রসর হব না । যাকে মনে করলে নিমিষে নখে টিপে মারতে পারি—তার বৃকে গুপ্ত ছুরিকা আঘাত করতে লেলিহান হিংস্র শার্দূলের আহাৰ্য্য হ'তে পারবো না ।

দুর্জনসিংহ । ধিক্ কাপুরুষের দল ! তোমরা না বীরদের বড়াই কর—তোমরা না জনে জনে অসীম সাহসী ব'লে বীর সমাজে পরিচয় দাও ? মৃত্যু-ভয়ে ভীত হ'য়ে কটা বগ্ন জন্তুর সম্মুখীন হ'তে এতটা সঙ্কুচিত হচ্ছে ? ছিঃ ছিঃ-ছিঃ !

২য় সৈন্য । যদি যুদ্ধে পরাজুখ হ'তেম, তা হ'লে এ অপবাদ মাথা পেতে সহ্য করতে পারবো সেনাপতি মশায় ! কিন্তু এ তা নয় ; মার্জনা করবেন সেনাপতি মশায়, আমরা আর একপদও অগ্রসর হ'তে পারবো না ।

দুর্জনসিংহ । [স্বগত] কি অবাধ্যতা ! আগে উদ্দেশ্য সাধন ক'রে রাজধানীতে প্রত্যাবৃত্ত হই, তারপর এ অবাধ্যতার শাস্তি তোমাদের দেবো । [[প্রকাশ্যে] উত্তম, তোমরা যদি তুচ্ছ অরণ্য জন্তুর ভয়ে এতখানি ভীত, তবে এইখানে কোথাও লুক্কায়িত থাক । আমার বিশ্বাস যে—হতভাগ্য বালক মণিকূপের বারি আনয়ন করতে এ ভীষণ জঙ্গলে প্রবেশ করলে আর প্রত্যাবৃত্ত হবে না । কিন্তু যদি সৌভাগ্য তার অহুকূলে

দাঁড়ায়, তাহ'লে নিশ্চয়ই সে এ পথ দিয়ে ফিরবে। তোমরা তাকে তাকে থাকবে—শ্রায় যুদ্ধ হোক—অশ্রায় যুদ্ধ হোক—যেমন ক'রে হোক—বালককে হত্যা করা চাই—মনে থাকে যেন ! যাও, ঐ অদূরবর্তী গুল্মরাজী-বেষ্টিত নদী-সৈকতে লুক্কায়িত থাকগে।

সৈন্তগণ। যথা আদেশ।

[প্রস্থান

দুর্জনসিংহ। এখন আমার কর্তব্য কি ? আমিও কি প্রচ্ছন্নভাবে বালকের অনুগমন করবো ? ক্ষতি কি ? মণিকূপ জঙ্গলের মধ্যভাগে ততদূর নাই বা গেলুম, দূর হ'তে তার গতিবিধি লক্ষ্য করিতে ক্ষতি কি ?

[প্রস্থান

গীতকণ্ঠে বেদিনীগণের প্রবেশ

গীত

বেদিনীগণ।—

ওগো আমরা বনের পাখী।

খোলা প্রাণে নাইকো মলা

সদাই সাচ্চা রাখি ॥

বনে বনে বেড়াই বুলে,

নেচে গেরে প্রাণটি খুলে,

মোদের কাছে সবাই আপন

সবার সনে মাথামাখি ॥

বাধা মামা.সিঙ্গি খুড়ো

ভালুক মোদের ভাই,

দেবতা মোদের বুড়া ঋষি

তার তুলনা নাই,

বুঝিনাকো হিংসা রিষ

ফুলের পরাগ মাখি ॥

১ম বেদিনী । দেখ্ ভাই, হামাদের দেবতা বুড়ো বাছ জানে
হামি লোক বেদিয়া জাত, হামাদের মরদেরা শিকার খেলবে—বাঘ খোলা
হরিণ মারবে—আর হামিলোক ফাঁদ পাতিয়ে চিড়িয়া ধরবে—হাটে
যাবে, কত কি করবে ; তা নয়—বুড়ো দেবতা মরদের কাঁড় চালানো
ভুলিয়ে দিয়েছে—আর হামাদের বনে বনে গান গেয়ে বলে বেড়াতে
শিখিয়েছে—জানোয়ার পালতে শিখিয়েছে ।

২য় বেদিনী । বাছ নয় ভাই—বাছ নয় ! বুঢ়া দেবতা আছে,
হামাদের ঠিক কাম শিখিয়েছে । দুখ্ দিলে দুখ্ পেতে হয়, ইয়ে কথাটি
হামি লোককে সমজায়ে দিয়েছে । আরে দেখ্ দেখ্, কে একটা লোক
আসছে না ? বাঃ—বাঃ—বুঢ়ার তো সাহস আছে রে ! বাঘ সিংহির
ডরে হামিলোক ছাড়া কেউ এ জঙ্গলে আসতে পারে না—বুঢ়া আসলে
কেমন করিয়ে ভাই ?

১ম বেদিনী । বুঢ়া বুঝি দেবতা টেবতা হোবেরে !

আনন্দরামের প্রবেশ

আনন্দরাম । এসো—এসো, লেলিহান বুড়ুকু খাপদের দল ছুটে
এসো, একটা কচি প্রাণের বিনিময়ে আমায় গ্রহণ কর ! রাজকুমারকে
যণিকূপ হ'তে নির্ঝিলে ফিরতে দাও ! আমি তোমাদের আশীর্বাদ করবো
—আমি তোমাদের আশীর্বাদ করবো !

১ম বেদিনী । কারে তু তুঁড়ছিস বুঢ়া বাবা ?

আনন্দরাম । আমি কাকে খুঁজছি তা তোদের কেমন করে
বোঝাব বেটি !

১ম বেদিনী । মোদের সমজায়ে দিলে কেন সমজাবে না বুঢ়া বাবা !

বুঢ়া মাহুৰ তু, বাঘ বোৱাৰ হাতে কেন মৰুতে যাবি ? হামাদেৱ সমজায়ে দে, হামিলোক উহাৰে টুঁড়িয়ে দেবে ।

আনন্দৰাম । ওৱে সে একটা স্বৰ্গেৰ মানিক, এক স্বামী-পৰিত্যক্ত অভাগিনীৰ অঞ্চলেৰ নিধি ।

১ম বেদিনী । তবুও বুঝতে লাৰুছি, বাংলে দে বুঢ়া তু কাকে টুঁড়ছিস ?

আনন্দৰাম । যাতে চিন্তে পাৰুবি সেই পৰিচয় দিছি, ওৱে সে তোদেৰ ভাবী ৰাজা মণিপুৰ ৰাজকুলতিলক কুমাৰ বক্রবাহন । একটা ঘোৱতৰ ষড়যন্ত্ৰেৰ মাঝে প'ড়ে অবোধ ৰাজপুত্ৰ এসেছে মণিকুপেৰ বাৰি নিতে । যদি মে কুপ হ'তে বাৰি নিয়ে নিৰ্ব্বিষে ৰাজধানীতে পৌছাতে না পাৰে—মে সিংহাসন হ'তে বঞ্চিত হবে । বল না মা তোৱা, ছেলেটাকে দেখেছিস ?

১ম বেদিনী । বলিস্ কি বুঢ়া বাবা—হামাদেৱ ৰাজা ! আয়— আয় চলিয়ে, এক লহমা আৱ দেৱী কৰিস্নি—চলিয়ে আয়—

[সকলেৰ প্ৰস্থান ।]

একটা কলসী লইয়া সশস্ত্ৰ বক্রবাহনেৰ প্ৰবেশ

বক্রবাহন । দিনা অবসান প্ৰায়
সঙ্ক্যা অন্ধকাৰ এখনি গ্ৰাসিবে ধৰা-
নিয়ে সাথে সঙ্ক্যা সহচৰী তিমিৰ বাসনা,
যেতে হবে কাস্তাৰ মাঝাৰে,
যথা মণিকুপ জনহীন শাপদসঙ্কুল ।
প্ৰয়োজন—ৰাজাগন অধিকাৰ ।
আদেশ মাতাৰ—
আৱ প্ৰজাগণ কৰেছে ঘোষণা

অভিষেক তরে—

পুত বারি হইবে আনিতে ।

রাজবংশে চিরন্তন প্রথা

বিনা কূপবারি

অভিষেক কার্য নাহি হবে ।

করিবারে স্বকার্য সাধন—

অকারণ হবে পশুবধ আত্মহত্যা হেতু ।

। পশু বধি বাড়াইব বংশের গরিমা,

আপন গৌরব কিবা তার ?

জীবতিংসা—

ঘৃণিত কুকর্ম বলি ভাবিতাম যাহা,

হ'য়ে আশ্চি কর্তব্যে চালিত—

ভাবিতে হইবে তাহা গৌরব আপন !

ধিক্ মাতা ! ধিক্ এ হেন গৌরবে ।।

কিন্তু হায় নিরুপায় আমি,

আদেশ মাতার—

পুল হ'য়ে কেমনে লজ্জিব !

যা' ঘটে ঘটুক—

পুতবারি অবশ্য আশ্চিব,

মাতৃ-আজ্ঞা করিব পালন ।

অস্তুর্যামী তুমি নারায়ণ !

মনোভাব জান তো সকলি,

নিজগুণে ক্ষম অপরাধ ।

কার্য তব তুমিই সাধিবে,

উপলক্ষ মাত্র শুধু আমি ।
 অয়া হৃদীকেশ হৃদিস্থিতেন
 যথা নিযুক্তোহস্মি তথা করোমি ।
 দয়াময় ! পুনঃ মাগি ক্রমা,
 যাই আমি ক্রণ ব'য়ে যায় ।

[গমনোত্তোগ

ব্যাত্তশিশু ক্রোড়ে সুধার প্রবেশ

সুধা । পথিক ! তুমি কি পথ ভুলে এসেছ ?

বক্রবাহন । তুমি এখানে কেমন ক'রে এলে বালিকা ?

সুধা । বল না, তুমি কি পথ ভুলে এই ভীষণ অরণ্যে এসেছ ?

বক্রবাহন । আগে আমার কথার উত্তর দাও ।

সুধা । আমি এখানে এসেছি, এতে তো আশ্চর্য্য হবার কোন কারণ নেই—এখানেই যে আমাদের ঘর গো !

বক্রবাহন । এই স্থাপদসকুল দুর্গম কাস্তারে তোমাদের ঘর ? ছলনা রাখ বালিকা ! সত্য বল, তুমি মানুষ তো ?

সুধা । 'হাঃ-হাঃ-হাঃ', দেখতে পাচ্ছো না, আমিও তোমাদের মত হাত পাওয়ালী মানুষ, তোমাদের মত চলছি, ফিরছি, কথা কইছি, হাসছি ।

বক্রবাহন । তাহ'লে তুমি এখানে কেমন ক'রে এলে ? এখনই যে তোমায় হিংস্র জন্তুতে মেরে ফেলবে—বালিকা ?

সুধা । তোমার তো ভারি বুদ্ধি দেখছি—আমি তাদের কত ভালবাসি—তাদের নিয়ে খেলা করি । তাদের ত' কোন অনিষ্ট করি না যে, তারা আমায় মারবে ? প্রমাণ স্বরূপ দেখ না কেন, 'এই' ব্যাত্তশিশুকে তার মার কোল থেকে নিয়ে এসেছি, তারা আমায় ভালবাসে কিনা—তাই কিছু বলে না ।

বক্রবাহন । [সচকিতে] সত্যই তো আশ্চৰ্য্য বালিকা ! হিংস্র ব্যাঘ্র হিংসা পরিত্যাগ করতে পারে, এ যে আমার ধারণা হয় না বালিকা !

সুধা । চোখে দেখেও বুঝি বিশ্বাস হচ্ছে না ? বলি ই্যা গা, তুমি কে গা ! তোমার ঘটে কি এতটুকুও বুদ্ধি নাই ? বলি শুধু শুধু কি কেউ হিংসা করে—করতো, যদি আমি হিংসা করতাম ।

বক্রবাহন । হিংসা না করলে হিংস্র জন্তুও হিংসা ভুলে যায় বালিকা ?

সুধা । যায় না ? এই দেখ না তার প্রমাণ ।

বক্রবাহন । [স্বগত] উঃ একটা বিরাট বোঝা আমার বুক থেকে নেমে গেল । দয়াময় হিঁরি ! তোমার কৃপায় আজ একটা ক্ষুদ্র বালিকার দ্বারা আমার একটা মস্ত ভুল ভেঙে গেল । তাও কি সম্ভব—না না, অসম্ভব নয়, এই বালিকার অসম সাহসিক কাৰ্য্যই তার জাজ্জল্যমান প্রমাণ । [প্রকাশে] বালিকা ! তুমি যেই হও—তোমার কথার সত্যতা আমি প্রমাণ করতে চাই । শোন বালিকা, আমি এসেছি মণিকূপ হ'তে এই কলম বারি পূৰ্ণ করতে, আত্মরক্ষার্থ অস্ত্র শস্ত্র এনেছিলাম, কিন্তু তোমার কথায় বিশ্বাস ক'রে হিংস্র শ্বাপদ মুখ হ'তে জীবনরক্ষা কৰু'র একমাত্র সম্বল এই অস্ত্র-শস্ত্র ত্যাগ কৰুলাম ; আর তোমাকে এইখানে লতাপাশে আবদ্ধ ক'রে রেখে যাবো, নিৰ্ব্বিয়ে ফিরতে পারি তবেই তোমার মুক্তি—নইলে হিংস্র জন্তুর স্ততীক্ক দংষ্ট্রাঘাতেই তোমার চরম মুক্তি হবে । এসো বালিকা ।

[সুধাকে লতাপাশে বন্ধন ও প্রস্থানোত্তোগ

সুধা । তুমি আমার হাত ধরেছ—হাত বেঁধেছ—মনে থাকে যেন আমি বেদের মেয়ে—আমার জাত নিয়েছ—আগে ফিরে এসো, ভারপন্ন এর মীমাংসা—

বক্রবাহন । বালিকা, কি বলছে ?

সুধা । যা বলেছি—প্রাণের আবেগে একবার বলেছি, আর বলবো না, আগে ফিরে এসো—তারপর প্রাণের কথা বলে বুকের বোঝা নামাবো ।

বক্রবাহন । উত্তম—তবে এইখানে ঠিক এইভাবে অবস্থান কর বালিকা ! [প্রস্থান

সুধা । যাও রাজা ! নির্ঝিল্লি ফিরে এসো—কিন্তু তোমাকে তোমার কৃতকর্মের ফলভোগ করতে হবে ।

আনন্দরামের প্রবেশ

আনন্দরাম । সমস্ত বনটাকে পাতি পাতি করে খুঁজলাম, কুমারকে তো কোথাও দেখতে পেলাম না—বেদিনীরা এখনও খুঁজছে । আশ্চর্য্য এই বেদের জাত—আর তার চেয়ে আশ্চর্য্য এই বনটা । আশে পাশে হিংস্র স্বাপদের ভীষণ গর্জন শোনা যাচ্ছে, অথচ একটা জানোয়ারও নজরে পড়লো না । যদিও নজরে পড়াটা শুভকর নয়—তবুও কেমন একটা অদম্য আগ্রহ মনটাকে বিচলিত করে তুলছে । একি ! একটা বেদের মেয়ে নয় ! ওকে এখানে এমনভাবে বেঁধে রেখে গেল কে ? আহা-হা, বলি হ্যারে বেটি ! কোন নিষ্ঠুর পাষণ্ড তোকে এমনভাবে এখানে বেঁধে রেখে গেছে ? দাঁড়া, আগে তোর বাঁধন খুলে দিই ।

সুধা । না বাবা, বাঁধন খুলবেন না ; যিনি আমায় আবদ্ধ করেছেন, তিনি ভিন্ন আর কারও মুক্তি দেবার অধিকার নেই ।

আনন্দরাম । তুই কি বলছিস্ রে বেটি ? আমায় যে তাক লাগিয়ে দিলি ! জঙ্গলটায় ঢুকে ইস্তক যা দেখছি, সবই যেন ধাঁধা—জঙ্গলটা ধাঁধা—জঙ্গলের জানোয়ারগুলো ধাঁধা—বেদে জাতটাও ধাঁধা—আর তুই বেটি একটা বিরাট জীবন্ত ধাঁধা ! দোহাই বেটি, আমার এ ধাঁধার ঘোরটা কাটিয়ে দে !

জলপূর্ণ ঘট লইয়া বক্রবাহনের প্রবেশ

বক্রবাহন । বেদিনি ! বেদিনি ! বল্ বেদিনি—তুই কে ? আমি নির্ঝিল্পে ফিরে এসেছি, আয় তোকে মুক্ত ক'রে দিই ।

আনন্দরাম । কুমার ! কুমার ! ফিরে এসেছ ভাই !

বক্রবাহন । হাঁ দাদামশাই । আমি নির্ঝিল্পে ফিরে এসেছি দাদা মশায় ! অদ্ভুত বালিকা এই বেদিনী, আমায় যা শিক্ষা দিয়েছ, বুঝি এমন শিক্ষা কেউ নেয় না, কেউ দিতে পারে না । হিংস্র জঙ্ঘর মুখ থেকে আশ্চর্য রক্ষা করতে অস্ত্র শস্ত্র এনেছিলুম, কিন্তু এই বালিকার উপদেশে নিরস্ত্র অবস্থায় কুপবারি আনতে যাই—আর যাবার সময় সত্যতা প্রমাণ করতে তাকে লতাপাশে আবদ্ধ ক'বে যাই । এখন দেখলাম—বুঝলাম—শিখলাম, বালিকার কথা অক্ষরে অক্ষরে সত্য । এসো জ্ঞানদাত্রি বন-দেবি ! তোমায় মুক্ত ক'রে দিই । [তথাকরণ]

সুধা । এ মুক্তিতে তো মুক্তি পেলাম না রাজা, তুমি হাত ধরেছ—জাত খেয়েছ—এখন এই অভাগিনী বনুবালিকার ধর্ম রক্ষা কর রাজা !

বক্রবাহন । বেদিনি—বেদিনি ! কি বল্ছিস ? তুই কি উন্নতা হয়েছিস ? মণিপুর-রাজকুমার বক্রবাহন এখনও এতটা অপদার্থ হয়নি যে, সে তার পবিত্র বংশমর্যাদা বিসর্জন দিয়ে একটা বেদের মেয়েকে পত্নী ব'লে গ্রহণ করবে । বালিকা ! আকাশ কুম্বমের কল্পনা মন থেকে মুছে ফেলে তোর কৃত উপকারের পুরস্কার স্বরূপ এই বহুমূল্য মুক্তাহার নিয়ে আপন আবাসে ফিরে যা ।

সুধা । বেদের মেয়ে আমি, ও হার নিয়ে কি করবো ? তোমার হার তুমি নিয়ে যাও, শুধু ব'লে যাও—আমায় বিয়ে করবে কিনা ?

বক্রবাহন । উন্নতা বালিকা, এ অসম্ভব আশা পরিত্যাগ কর ; এ হয় না—হবে না—হতে পারে না ।

সুধা । বুঢ়া বাবা ! তুমি বিচার কর, এই কি রাজার কর্তব্য । গরীব প্রজার সর্বস্ব কেড়ে নিয়ে তাকে এমনিভাবে পরিত্যাগ করা কি মনুষ্যত্ব ?

আনন্দরাম । তা কি হয় বেটী, রাজার ছেলের সঙ্গে কি বেদিনীর বিয়ে হয় ?

সুধা । তা’ যদি হয় না, তবে আমার হাত ধরলে কেন ?

আনন্দরাম । ছেলে মানুষ জানে না, না বুঝে যখন একটা কাজ ক’রে ফেলেছে, তার কি প্রতিকার হয় না মা ? বল্ মা, এ বিবাহের বিনিময়ে তুই কি চাস্ ? অর্থ, অলঙ্কার রাজ্য, বল্ বেটী কি চাস্ ?

সুধা । আমি কিছুই চাই না—শুধু চাই সোয়ামি । বল রাজকুমার ! আমার ধর্ম রাখবে কি না ?

বক্রবাহন । প্রাণ থাকতে নয় । আহুন দাদামশায় !

[আনন্দের সহিত প্রশ্নান ।

সুধা । যাও নিষ্ঠুর ! আর আমি তোমায় কোন অনুরোধ করবো না ; যদি এই ক্ষুদ্র বালিকার কোন যোগ্যতা থাকে, তবে দেখিয়ে দেবো রাজপুত্র, তুমি বেদিনী বিয়ে কর কি না ?

দুর্জনসিংহ । [নেপথ্যে] ওগো কে আছ আমায় রক্ষা কর—দুরন্ত শ্বাপদের কবল হ’তে আমায় রক্ষা কর ।

সুধা । কে আর্তনাদ ক’রে উঠলো নয় ! ভয় নাই—ভয় নাই, আমি যাচ্ছি ।

[বেগে প্রশ্নান ।

বেগে দুর্জনসিংহের প্রবেশ

দুর্জনসিংহ । কোথায় যাবো—কোথায় পালাবো ? ঐ এলো—ঐ এলো, ক্ষিপ্ত শার্দূল আমারি রক্তপান করতে ছুটে আসছে । বিশ্বাসঘাতক সৈন্যগণ আমায় এই বিপদের মাঝে ফেলে পলায়ন করলে, আমি এখন

কি করি—কেমন ক'রে আত্মরক্ষা করি—কে কোথায় আছি আত্মায়
রক্ষা কর ।

সুধার প্রবেশ

সুধা । ভয় নাই বিপন্ন পথিক ! ভয় নাই—অস্ত্র ফেলে দিয়ে আমার
সঙ্গে এস, আমি তোমায় অরণ্যের সীমান্তে রেখে আসছি ।

[দুর্জনসিংহের অস্ত্রত্যাগ, অগ্রে সুধা তৎপশ্চাৎ দুর্জনসিংহের প্রস্থান

পঞ্চম দৃশ্য

রাজসভা

বন্দী ও বন্দিগণ

বন্দীগণ ।

মঙ্গল হোক্ মঙ্গল হোক্

গাও সবে মঙ্গল-গান ।

মঙ্গল আশীস্ ঝড়িয়া পড়ুক

বিধাতার করুণার দান ॥

বন্দিগণ ।

মঙ্গল কামনা উঠুক বাজিয়া

আকাশে বাতাসে ধ্বনি ছুটুক নাচিয়া

সলিল তরঙ্গে শৈল শৃঙ্গে

বিহগ কলরবে মাতারে প্রাণ ॥

বন্দীগণ ।

বাদল বরষিবে মঙ্গল বারি,

বন্দিগণ

হিমাংশু কিরণে পড়িবে ঝরি

মঙ্গলে ।

মঙ্গল গানে ভরিয়া ভুবন

জাগাও নব দেহে নতুন প্রাণ ।

[সকলের প্রস্থানঃ

[চিত্রাঙ্গদা, মন্ত্রী ও সভাসদগণের প্রবেশ

মন্ত্রী। আর আশা নেই মা—কুমারের ফেরবার আর কোন আশা নেই। বেলা প্রায় এক প্রহর উত্তীর্ণ হ'য়ে গেল, জীবিত থাকলে এতক্ষণ অনায়াসে ফিরে আসতো।

চিত্রাঙ্গদা। না মন্ত্রী মশায়, বক্রবাহন আমার তেমন পুত্র নয়—সে নিশ্চয়ই ফিরে আসবে।

১ম সভাসদ। যদি ফিরে আসে তাহ'লে সে কুপের বারি আন্তে পারবে না, এটা ক্রুব সত্য।

চিত্রাঙ্গদা। ভুল বিশ্বাস আপনার—আমার পুত্র কাপুরুষ নয় যে, ক'টা বন্য জন্তুর ভয়ে কর্তব্যপথ হ'তে বিচলিত হবে।

২য় সভাসদ। ফলেন পরিচিয়তে—

চিত্রাঙ্গদা। আর বৃথা উৎকর্ষার প্রয়োজন সেই মন্ত্রী মশায়! ঐ দেখুন, বক্রবাহন কুপবারি নিয়ে ফিরে এসেছে—পুত্রের অভিষেকের আয়োজন করুন মন্ত্রী মশায়!

বক্রবাহন ও আনন্দরামের প্রবেশ

আনন্দরাম। কুমারের অভিষেকের আয়োজন করু বেটা! কুমার মণিকূপ হ'তে বারি এনেছে।

বক্রবাহন। মা, তোমার আশীর্ব্বাদে আমি নির্ঝিন্বে বারি এনেছি।

চিত্রাঙ্গদা। সুখী হ'লেম বৎস, আশীর্ব্বাদ করি বশব্দী হও।

দুর্জনসিংহের প্রবেশ

দুর্জনসিংহ। উপযুক্ত প্রমাণ ব্যতীত এ বারি মণিকূপের বারি ব'লে গ্রাহ্য করা যেতে পারে না। আমার বিশ্বাস, কুমার জঙ্গল সীমা হ'তে ফিরে এসেছে।

আনন্দরাম । আমি কুমারকে মণিকূপে যেতে সচক্ষে দেখেছি ।

হুর্জনসিংহ । মিথ্যা কথা, সে স্বাপদসঙ্কুল দুর্গম অরণ্য হ'তে এমন অক্ষত দেহে ফিরে আসা কখনই সম্ভব নয় । আমি কুমারের অনুসরণ ক'রে জঙ্গল সীমান্তে গিয়ে ছুরন্ত শার্দূল কর্তৃক যেরূপভাবে আক্রান্ত হ'য়েছি—তাতে আমার বিশ্বাস, কুমার কখনই জঙ্গলে প্রবেশ করেনি ।

চিত্রাঙ্গদা । সেনাপতির কথা কি সত্য বল্‌বাহন ? তুমি শার্দূল কর্তৃক আক্রান্ত হয়েছিলে ?

বল্‌বাহন । না মা, আক্রান্ত হওয়া দূরে থাক্, একটা বগ্ন পশুও আমার দৃষ্টিপথে পতিত হয়নি ।

হুর্জনসিংহ । অসম্ভব—শুনুন আপনারা, হিংস্র জন্তু পরিপূর্ণ ভীষণ জঙ্গলে কুমার প্রবেশ করেছে—অথচ একটাও বগ্ন পশু তার দৃষ্টি গোচর হয়নি, আর আমাকে শার্দূল কর্তৃক আক্রান্ত হ'য়ে অরণ্য সীমান্ত হ'তে ফিরে আসতে হ'য়েছে—প্রভেদ এই মাত্র । এখন আপনারাই বিচার করুন, কুমারের কথা বিশ্বাসযোগ্য কি না ?

মন্ত্রী । সত্যই ত কুমারের কথা যেন অসম্ভব ব'লে মনে হচ্ছে ।

১ম সভাসদ । আমার বিশ্বাস কুমার জঙ্গলে প্রবেশ করেন নি ।

২য় সভাসদ । জঙ্গলে কি—জঙ্গলের ধারেও যাননি—

চিত্রাঙ্গদা । এ কি শুন্‌ছি পুত্র ! তুমি কি তবে জঙ্গলে প্রবেশ করনি বল্‌বাহন ? আমার পুত্র হ'য়ে তুমি এত হীন, এমন কাপুরুষ ?

বল্‌বাহন । মাথার উপরে দেবতা আছেন আর সম্মুখে প্রত্যক্ষ দেবী স্বরূপিণী জননী তুমি—আমি এক বর্গও মিথ্যা বলিনি । আমি উচ্চকণ্ঠে আবার বলছি মা, আমি স্বহস্তে মণিকূপ হ'তে এ ঘট পূর্ণ ক'রে বারি এনেছি, শুধু তাই নয় মা—আমি নূতন জীবনে নূতন জ্ঞানের আলোক জ্বলে নূতন সংস্কার নিয়ে ফিরে এসেছি । এক দেববালা আমায়

শিথিয়েছে—নিজে হিংসা না করলে হিংস্র পশুও হিংসা ভুলে যায় ।
এই নূতন মস্ত্রে দীক্ষিত হ'য়ে আমি একাকী নিরস্ত্র অবস্থায় অরণ্যে
প্রবেশ ক'রে কৃপবারি নিয়ে নির্ঝিল্লি ফিরে এসেছি ।

হুর্জনসিংহ । হাঃ-হাঃ-হাঃ, চমৎকাব উপাখ্যান ! আশুচমৎকার !
কুমারের এই মনোহর উপাখ্যানটা বিশ্বাস কর্তে আপনাদের প্রবৃত্তি হয়,
বিশ্বাস করুন—আমি ভুক্তভোগী হ'য়ে এরূপ কথায় আস্থা স্থাপন ত
দূরের কথা—কাণে শোনাও মূর্খতা এবং কাপুরুষতা মনে করি ।

চিত্রাঙ্গদা । দূর হ রে ক্ষত্রকুলাজ্জার !
পাপ মুখ না দেখাও আর,
মিশি ভণ্ড ব্রাহ্মণের সনে
শিথিয়াছ ছল প্রবঞ্চনা ;
মিথ্যা ভাবে ভুলাইতে চাও ?
বিসজ্জিয়া স্নেহ-মায়া আর কোমলতা,
রাগিবাবে ণ্যায়ের মর্যাদা—
দিব আমি যোগ্য দণ্ড তোরে,
পুত্র বলি না করিব ক্ষমা ।
যেই রাজ্যলোভে তুই অকার্য্য সাধিলি
সে বাসনা পূর্ণ নাহি হবে '
নির্কাসন যোগ্য দণ্ড
তোমা দৌশাকার ।

বক্রবাহন । জননীর আদেশ শিবোধার্য্য—আসুন ব্রাহ্মণ ! অদৃষ্ট
চালিত পথে । যাবার সময় বলে যাই—মা গুনে রাখ—তোমার পুত্র
মিথ্যাবাদী বা কাপুরুষ নয়—তোমার দেওয়া দণ্ড পবিত্র আশীর্বাদে মত
আদর ক'রে মাথায় নিয়ে চল্লম, দিন আসবে—যখন তোমার এ ব্রাহ্ম

সংস্কার মন থেকে দূরীভূত হ'য়ে সত্যকে জাগিয়ে দেবে ; তখন বুঝবে
মা, তোমার পুত্র মিথ্যাবাদী বা কাপুরুষ নয় ।

দুর্জনসিংহ । চমৎকার বাকপটুতা ! ধিক্ কাপুরুষ ! এখন এ মিথ্যার
আবরণে সত্যকে লুকাবার চেষ্টা করছো—প্রবঞ্চনা ক'রে সাধু সাজবার
চেষ্টা করছো ! ছিঃ কাপুরুষ !

সুধার প্রবেশ

সুধা । মিথ্যা কথা কাপুরুষ ! তুমি তুচ্ছ বণ্ড পশুর ভয়ে ভীত
হ'য়ে আত্মরক্ষা করতে এই ক্ষুদ্র বণ্ডবালিকার সাহায্য নিয়েছিলে, মনে
পড়ে দুর্জনসিংহ ?

দুর্জনসিংহ । য্যা—তুমি ?

সুধা । হ্যা, আমি সেই বেদিনী । অমন সত্যাশ্রয়ী বীর দেবোপম
রাজকুমারকে ঐ হীনজনোচিত সম্ভাষণ করতে তোমার লজ্জা করে না ?
প্রবঞ্চকের প্ররোচনায় তোমার সত্যাশ্রয়ী বীর পুত্রকে বিনাদোষে দণ্ড
দিও না মা, আদেশ প্রত্যাহার কর ।

[অণ্ডের অলক্ষ্যে দুর্জনসিংহের প্রস্থান

চিত্রাঙ্গদা । কে তুমি বালিকা ?

সুধা । বুনো বেদের মেয়ে আমি—আমার আর অণ্ড পরিচয় নেই ।

চিত্রাঙ্গদা । তুমি কি আমার পুত্রকে মণিকূপে যেতে দেখেছ ?

সুধা । শুধু দেখেছি বললে সত্য গোপন করা হয়—আমার একটা
কথার সত্যতা সপ্রমাণ করতে—তোমার পুত্র আমায় লতাপাশে আবদ্ধ
ক'রে মণিকূপে গিয়েছিল, সত্যতা সপ্রমাণ ক'রে তবে মুক্তি দিয়েছে—
আজ আমি তোমার পুত্রের বিরুদ্ধে অভিযোগ নিয়ে বিচারপ্রার্থিনী হ'য়ে
তোমার কাছে এসেছি—রাজমাতা স্বেচচার করুন !

চিত্রাঙ্গদা । কিসের অভিযোগ বালিকা ?

সুধা । তোমার পুত্র আমার হাত ধরেছে, আমার জাত গিয়েছে—
যদি আমায় বিবাহ করে তবে আমার ধর্ম রক্ষা হবে ।

বক্রবাহন । আমি ত তোমায় স্পষ্ট ব'লেছি বালিকা, এ হ'তে
পারে না—তবে আবার কি আশায় এতদূরে ছুটে এসেছ ? তোমায় বিবাহ
ক'রে আমি রাজবংশের মর্যাদা নষ্ট করতে পারবো না—প্রাণাস্তেও না ।

সুধা । বল মা, বিচার করবে কি না ?

চিত্রাঙ্গদা । নারীর প্রাণের বেদনা নারী ভিন্ন আর কে বুঝবে
বালিকা আমি স্বেচচার করবো । শোন পুত্র, আজ হ'তে একমাস কাল
তোমায় চিন্তা করবার অবসর দিচ্ছি—একমাস পরে ঠিক এমনি সময়ে
তোমার উত্তর চাই । বালিকা আমার প্রস্তাবে তুমি সম্মত ?

সুধা । বেশ তাই হবে—একমাস পরে আবার আমি আসবো,
তবে এখন আসি রাণী মা ?

চিত্রাঙ্গদা । এসো মা—[সুধার প্রস্থান] মন্ত্রী মহাশয় ! সভাসদগণ !
নবীন ভূপতির অভিষেকের আয়োজন করুন—আমায় মার্জনা করুন—

ব্রাহ্মণ । এসো বক্রবাহন, দেবতার নির্মাল্য নেবে এসো—

সকলে । জয় মণিপুরপতির জয় !

দ্বিতীয় অঙ্ক

প্রথম দৃশ্য

চণ্ডীমণ্ডপ

গণকারের বেশে শ্রীকৃষ্ণ

শ্রীকৃষ্ণ । প্রিয়-সন্দর্শনের ইচ্ছায় হস্তিনাপুর ত্যাগ ক'রে ভারতের একান্তবর্তী এই ক্ষুদ্র নাগরাজ্যে এসেছি—এখানে নাগনন্দিনী পতিপরায়ণা উলূপী দেবীর সাক্ষাৎ পাব—তারপর মণিপুর-রাজ্যে গিয়ে আমার প্রিয়তম ভক্ত বক্রবাহনকে দেখবো। সম্মুখে ভীষণ পরীক্ষাক্ষেত্র—একদিকে আমার চিরপ্রিয় পাণ্ডবের মহাযজ্ঞ সম্পন্ন করা—অন্য দিকে আমার স্নেহের নিধি পাণ্ডববংশধর বক্রবাহনের মান বাড়ানো—২তভাগ্য বালক লোকচক্ষে পরিচয়হীন, ঘৃণিত—তার এ কলঙ্ক মুছে দিয়ে তাকে মণিপুর সিংহাসনে প্রতিষ্ঠিত করবো। আমার এ মহান উদ্দেশ্য সাধনের একমাত্র অস্ত্র হবে—নাগনন্দিনী উলূপী। তাই আজ জ্যোতিষীর ছদ্মবেশে তার ভবিষ্যৎ ব'লে দিতে এসেছি—দেখি কৰ্ম্মশ্রোত কোন্ মুখী হয়।

অনন্তের প্রবেশ

অনন্ত । কে বাবা তুমি ?

শ্রীকৃষ্ণ । আমি একজন জ্যোতিষী। লোকের ভাগ্যগণনা করাই আমার উপজীবিকা।

অনন্ত । কি বললে বাবা, তুমি জ্যোতির পিসী—আপনার ভাগ
শুণে নিতে এসেছ ?

শ্রীকৃষ্ণ । না মশায়, আমি আমার ভাগ শুণতে আসিনি—লোকের
হাত দেখে তার অদৃষ্টে কি আছে তা বলতে পারি ।

অনন্ত । বাঃ জ্যোতির পিসী—তুমি ত বাবা আচ্ছা বাহাছুর লোক
দেখছি, হাত দেখে লোকের অদৃষ্টে কি আছে বলতে পারো ? তা
তুমি পারবে—তুমি যখন পুরুষ হ'য়েও পিসী, তখন আমার বিশ্বাস
হচ্ছে তুমি পারবে । আগে আমার হাতটা দেখে কিছু ব'লে দাও—
তারপর একবার মেয়েটার হাত দেখাবো !

শ্রীকৃষ্ণ । তুমি একজন মহান রাজা—

অনন্ত । ঠিক জ্যোতির পিসী, একেবারে খাটি সত্য কথা ব'লেছ—
আমার হাতে কোথাও লেখা নেই যে, আমি রাজা ; কিন্তু তুমি ত
বাবা ঠিক ঠিক ব'লে দিলে ! তারিফ আছে !

শ্রীকৃষ্ণ । তোমার একমাত্র কন্যা—

অনন্ত ! বাহবাঃ জ্যোতির পিসী—একেবারে হাঁড়ির খবর বলতে পার
দেখছি যে ! রসো—মেয়েটাকে ডেকে আনি, তার হাতটা একবার
দেখতে হবে বাবা ! রসো আমি এলেম ব'লে— [প্রস্থান

শ্রীকৃষ্ণ । স্নেহ-পরায়ণ বৃদ্ধ নাগরাজ, আজ তোমায় যে অপ্ৰিয় কাহিনী
শোনাতে এসেছি—তাতে হয় ত তোমার ঐ বার্কক্যজীর্ণ বুকখানা ভেঙ্গে
চুবুয়ার হ'য়ে যাবে—কিন্তু তবুও তোমায় তা শোনাতে হবে—কারণ
তোমার কন্যাই আমার কার্যের প্রধান অঙ্গ ।

উল্পীকে সঙ্গে লইয়া অনন্তের প্রবেশ

অনন্ত । আয় মা চ'লে আয়, জ্যোতির পিসী দেখ'বি আয় ! হাত
দেখে ছবছ ব'লে দেবে—তোর অদৃষ্টে সুখ আছে কি না ।

উলুপী । জ্যোতির পিসী কি বল্ছেন বাবা—জ্যোতিষী বল ।

অনন্ত । হ্যা—হ্যা, তাই—তাই—জ্যোতির পিসীও যা জ্যোতির পিসীও তাই—আমি ত আর তোর মত ঝাঝা পড়া ক'রে পণ্ডিত হইনি—যা বুঝি সাদাসিঁদে । এই যে জ্যোতির পিসী ঠাকুর, দেখত মেয়েটার হাতখানা ! বেটী আমার দাঙ্গা পণ্ডিত, মুখ্য-স্বখ্য লোকের ঘরে অমন পণ্ডিত মেয়ে কি ভাল ? ঐ জন্মেই বেটীর বরাত খারাপ, বেটী কষ্ট পাচ্ছে—আহা স্বামী থাকতেও বিধবার মত দিন কাটাচ্ছে । দেখ ত বাবা, দেখ—

শ্রীকৃষ্ণ । দেখি মা তোমার হাত—[হাত দেখিয়া] ইস্ কাণা শুক্র রগ ধেম্বে শনি রাহু উকি মারুছে, সুর্যোগ বুঝে ছোবলাবে—বৃহস্পতি বুড়ো একেবারে অথর্ক—মঙ্গল থেকে থেকে ঝাঁকি দিচ্ছে । রাজা, আপনার মেয়ের হাতখানা ভাল মন্দ মেশানো ।

অনন্ত । সে কেমন শুনি—হাতের দু'পিট ভাল ক'রে দেখত বাবা, কোন্ দিক্টা ভাল, কোন্ নিক্টা মন্দ ।

শ্রীকৃষ্ণ । আপনার কন্যার অদৃষ্টে সুখ আছে, কিন্তু শাস্তি নেই । আপনার কন্যা সৌভাগ্যবতী হ'লেও নিতান্ত অভাগিনী—রাজা, আপনার কন্যা সৌভাগ্যবতী, কারণ ভুবন বিজয়ী বীর তৃতীয় পাণ্ডব ওর স্বামী—আর অভাগিনী এই জন্মে যে, আপনার কন্যার অদৃষ্টে বৈধব্যযোগ আছে, অভাগিনী স্বামীঘাতিনী হবে ।

অনন্ত । বল কি বাবা জ্যোতির পিসী—এমন রাস্কুমে মেয়ে আমার—স্বামীহত্যা করবে ?

শ্রীকৃষ্ণ । হত্যা না করুক—হত্যার কারণ হবে ।

অনন্ত । তবেই ত—রাস্কুমে বেটীকে গলা টিপে মেরে ফেলবো না কি ?

। তাই কর বাবা ! আমার গলা টিপে মেরে ফেল—ভীষণ কুরুক্ষেত্র সমরে পুত্রকে পাঠিয়েছি—আজও তার কোন সংবাদ নেই, পোড়া অদৃষ্টের লিখন আমি আবার স্বামীঘাতিনী হব। না—না, তা হবে না—তা হতে দেবো না—এখনই এই মুহূর্তে জাহ্নবী-সলিলে পাপপ্রাণ বিসর্জন দিয়ে আমার স্বামীকে রক্ষা করবো। দয়াময়—বিপদভঞ্জন—মধুসূদন ! হৃদয়ে বল দাও—

[বেগে প্রশ্নান

অনন্ত । ও জ্যোতির পিসী ঠাকুর, মেয়েটা অমন ক'রে কোথায় ছুটলো বলতে পার ?

শ্রীকৃষ্ণ । গঙ্গায় ডুবতে - -

অনন্ত । য'্যা বল কি । তুমি ত বেশ লোক দেখছি হে—বেশ অস্লান বদনে বললে “গঙ্গায় ডুবতে”—অথচ তাব হাতখানা ধরতে পারলে না । দেখি মেয়েটাকে যদি ফেরাতে পারি—

শ্রীকৃষ্ণ । ছুটে ত চলেছেন, যদি ধরতে পারেন তখন না হয় ফিরিয়ে আনবেন, কিন্তু যদি তাকে পাবার পূর্বে সব শেষ হ'য়ে যায় ?

অনন্ত । তা হ'লেই ত সব গেল বাবা—তা হ'লে কি করবো বাবা জ্যোতির পিসী ঠাকুর ?

শ্রীকৃষ্ণ । এই সঞ্জীবনী মণি নিন, এর স্পর্শে মৃত পুনর্জীবিত হয় । তবে মনে রাখবেন—এর শক্তি শুধু একবার মাত্র কার্যকরী হবে ।

অনন্ত । আহা তাই দাও বাবা—তাই দাও, দেখি যদি মেয়েটাকে বাঁচাতে পারি [মণি লইয়া প্রশ্নান

শ্রীকৃষ্ণ । এখানকার কার্য শেষ—কাল বিলম্ব না ক'রে এখনই মণিপূর যাত্রা করবো ।

[প্রশ্নান

দ্বিতীয় দৃশ্য

গঙ্গাতীর

গীতকণ্ঠে তরঙ্গবালাগণের প্রবেশ

গীত

তরঙ্গবালাগণ ।—

তরু তরু তরু লহরে লহরে
আয়লো ছুটে আয় ।
সোহাগে প্রাণ ঢেলে দিই
সাগরের অসীম নীলিমায় ॥
চাঁদেয় নিছনী মাথিয়া অঙ্গে,
চললো সজনী মনোরঙ্গে
রঙ্গে ভঙ্গে প্রেম তরঙ্গে
বিলিয়ে দিতে আপনায় ॥

[প্রস্থান

উলূপীর প্রবেশ

উলূপী । গাঢ় অন্ধকার—হৃদয়ের অশান্তির ঘনীভূত অন্ধকার যেন বাহিরের জমাট বাঁধা অন্ধকারের সঙ্গে মিশে এক ভীষণতর অন্ধকারের সৃষ্টি করেছে । বুঝি জগৎ জেনেছে আমি স্বামীঘাতিনী—স্বামীঘাতিনীর মুখ দেখতে নেই—তাই আজ অষ্টবজ্রের বিরাট অগ্নিরাশি জলে উঠে আকাশ পুড়িয়ে দিচ্ছে, বাতাসে অগ্নিস্ফুলিঙ্গ ছুটছে—সলিলে বাড়বাগ্নি জলে উঠেছে—বিষ্ণুপাদোদ্ভূতা মা [সুরধনী, তোর সলিলেও তো শীতল

হলুম না—তোমার চির-স্নিগ্ধ সলিলে ডুবতে গেলুম—বাড়বায়ির লেলিহান শিখা যেন সমস্ত অঙ্গটা পুড়িয়ে দিলে—মরতে পারলুম না। যখন তোমার কোলে মরতে পারলুম না, তখন আর কোন উপায়ে মরণ হবে না। আত্মহত্যা যে মহাপাপ! কি করি—কোথা যাই? কোথায় গিয়ে এ প্রাণের জ্বালা জুড়াব, মা—দে মা ব'লে দে, এ হতভাগিনী স্বামীঘাতিনীর মরণের উপায় কি?

জাহ্নবীর প্রবেশ

জাহ্নবী। এই গভীর নিশিথে মৃত্যুকে এমনভাবে আহ্বান করছো কে তুমি উন্মাদিনী? আত্মহত্যা মহাপাপ তা কি তুমি জান না?

উলূপী। আমার এ শুভকার্যে প্রতিবন্ধক হ'য়ে এলি কে তুই রাক্ষসী? যা—যা সরে যা—আমার কর্তব্যে বাধা দিস্ নি, আমি আত্মহত্যা করতে এ জাহ্নবী সলিলে প্রাণ বিসর্জন দিতে আসিনি। আমি এসেছি আত্মতৃপ্তির জন্ম।

জাহ্নবী। মৃত্যুতে আত্মতৃপ্তি—এ ভ্রান্ত উপদেশ তোমায় কে দিয়েছে উন্মাদিনী?

উলূপী। উপদেশ কেউ দেয় নাই মা! স্বামীর কল্যাণের জন্ম আমার মৃত্যুর প্রয়োজন হয়েছে।

জাহ্নবী! কল্যাণি! কি বল্ছিস্ তুই—স্বামীর কল্যাণের জন্ম তোমার মৃত্যুর প্রয়োজন হয়েছে? এ কথাব তাৎপর্য কি মা? বল্ মা বল্, আমিও তোমার মত দুঃখিনী—পুত্রশোকাতুরা অভাগিনী। তুই জানিস্ নি মা, কি বিষম শেল আমার বুকে বেজেছে—উঃ! আমার পুত্র—আমার বীরকেশরী পুত্র অন্ডায় সমরে এক নিষ্ঠুরের শরে হত হয়েছে। প্রাণের জ্বালায়—নিষ্ঠুর ঘাতককে অভিশাপ দিয়েছি—ওক-

হত্যার ফল হাতে হাতে পাবে। মৃত্যুর পরপারেও নিস্তার নেই—
মৃত্যুর পরপারেও অনন্ত নরক। তবুও ত তৃপ্ত হ'তে পারছি না মা!
উঃ, পুত্রঘাতী অর্জুন—

উলূপী। কার নাম করুলি পাষাণি—কার নাম করুলি? পুত্র-
শোকাতুরা উন্মাদিনী জাহ্নবী, এইবার তোকে চিনেছি। আমার স্বামীকে
অভিশাপ দিয়েছিস্ তুই—আর আমি জুড়াতে এসেছি তোমার কাছে?
ছি—ছি পাষাণি, কি করেছিস্—দেবত্ব খুইয়েছিস্—নরের অধম হয়েছিস্।
যা—যা পাষাণি—আর তোমার সহানুভূতিতে কাজ নেই।

[গমনোচ্ছত]

জাহ্নবী। পতিপরায়ণা সাধবী—দাঁড়া! সত্যই আমি কি করেছি—
পুত্রশোকে দেবত্ব বিসর্জন দিয়ে ঘৃণ্য মনুষ্যের কাজ করেছি। পতিপরায়ণা
উলূপী, তুই আজ আমার একটা বিরাট ভুল ভেঙ্গে দিয়ে আমার নূতন
নয়ন খুলে দিয়েছিস্। বর নে সাধবী—বর নে।

উলূপী। আমার স্বামীকে অভিশাপ দিয়ে আমার যে সর্বনাশ
করেছিস্—তার উপর আবার কি কল্যাণ করবি কল্যাণময়ি! যাও
শিবসিমস্তিনী, আর তোমার উপকারে কাজ নেই। যার স্বামী অভিশপ্ত
জীবনভার বহন ক'রে লক্ষ্যহীন ধূমকেতুর মত বিরাট বিশ্বময় ছুটে
বেড়াবে—সে অভাগিনীর আবার কল্যাণ? ফিরে যাও গড়ে—তোমার
এ অযাচিত অনুগ্রহের জন্য তোমাকে সহস্র সহস্র ধন্যবাদ!

জাহ্নবী। অভিমানিনী, অভিমান পরিত্যাগ কর—তোমার স্বামীর
পুত্র আত্মার সদগতির উপায় ক'রে পতিপ্রাণা সাধবীর কর্তব্য
সম্পাদন কর।

উলূপী। কি বললি জাহ্নবী! স্বামীর আত্মার সদগতির উপায়
আছে? বল পাষাণি—বল! আমি তাই করবো মা—তাই করবো—যখন

অভাগিনীর প্রতি প্রসন্ন হয়েছিস, তখন ব'লে দে প্রসন্নময়ী, আমার স্বামীর উদ্ধারের উপায় ব'লে দে ।

জাহ্নবী । উপায়—উপায় আছে উলূপী, কুরুক্ষেত্র মহাসমরে অমৃত লাভ ক'রে তোর স্বামীর প্রাণে যে অহমিকা আশ্রয় করেছে—মৃত্যুতে সে অহমিকা দূর হবে, যদি পারিস তার মৃত্যুর উপায় কর । তাকে অনন্ত নরকের পথ হ'তে ফিরিয়ে আনবার এই একমাত্র উপায় । উদ্দেশ্য গোপন রেখে কার্য কর—নইলে পদে পদে বিশ্বের সম্ভাবনা ।

উলূপী । তবে কি স্বামীকে হত্যা করতে আদেশ দিচ্ছ জাহ্নবী তনয়া ?

জাহ্নবী । ছিঃ—তা' কেন করবি নাগনন্দিনি ! পিতৃহত্যায় পুত্রকে উৎসাহিত কর—পুত্র হস্তে পরাজয় ও নিধন তার অহমিকা দূরীকরণের একমাত্র পন্থা ।

উলূপী । তবে আর স্বামীর উদ্ধারের উপায় হ'ল না যা—কুরুক্ষেত্র মহাসমরে তার পিতার নিমন্ত্রণে আমার একমাত্র স্নেহের নিধি ইলাবন্ত সেই গিয়েছে—আজও ফেরে নি ।

জাহ্নবী । তবুও তুই পুত্রের জননী, যা—মণিপুরে যা, সেথায় তোর সপত্নী-পুত্র বক্রবাহন আছে, তাকে দিয়ে স্বকার্য সাধন কর ।

[প্রস্থান

উলূপী । বা রে অদৃষ্ট—বাঃ ! অদৃষ্টের লেখা মুছে দেওয়া বিধাতারও সাধ্য নেই । মৃত্যুকে আলিঙ্গন করতে পরিপূর্ণ উৎসাহে ছুটে এলুম—নিষ্ঠুর অদৃষ্ট আমায় সে পথ থেকে ফিরিয়ে এনে আমায় স্বামীহত্যা মন্ত্রে দীক্ষিত ক'রে কর্তব্যের সোজা পথ দেখিয়ে দিলে । এখন বিধবা হবার এত লোভ যে হাস্তে হাস্তে স্বামীহত্যায় ছুটে যাবো ? স্বামীর মৃত্যু হবে—হবেই ত ! আজ হোক কাল হোক—জীবনের প্রভাতেই হোক, আর সন্ধ্যাতেই হোক—একদিন হবেই ; কিন্তু তা ব'লে কি আমার

ইষ্টদেবতা স্বামীর পবিত্র আত্মা নিরয়গামী হবে ? না তা হ'তে দেবো না—দেবতার অভিশাপ ফলতে দেবো না—যখন উপায় রয়েছে। দয়াময়, নারায়ণ ! জ্ঞানহীনা অবলা আমি, আমি আর কিছুই বুঝি না—আর কিছু জানি না—জানি শুধু স্বামী—বুঝি শুধু তাঁর মঙ্গল বিধানই আমার কর্তব্য। আমি সেই কর্তব্য করতে তাঁর মঙ্গলের জন্তই তাঁকে হত্যা করতে চলেছি, কোমল হৃদয় পাষণ ক'রে হাসি মুখে বৈধব্যকে আলিঙ্গন করতে ছুটেছি—দয়াময় মধুসূদন ! আমার হৃদয়ে বল দাও।

[বেগে প্রস্থান'

তৃতীয় দৃশ্য

কানন-পথ

দুর্জনসিংহের প্রবেশ

দুর্জনসিংহ। ছি-ছি ! কি ঘণা, কি লজ্জার কথা। একটা বেদের মেয়ে প্রকাশে রাজসভায় আমার অপমান করলে ! নতমুখে অন্নের অলক্ষ্যে আমায় অপরাধীর মত সভা পরিত্যাগ করতে হ'ল। লোক-সমাজে মুখ দেখাবার উপায় রইলো না ! সবাই জেনেছে—সবাই বুঝেছে আমিই বিশ্বাসঘাতক রাজদ্রোহী ; কুমারকে মণিকূপের বারি আনতে পাঠানোর উদ্দেশ্য—তার নিধনসাধন ; আর সে ষড়যন্ত্রের মূল আমি, একথা সকলে জেনেছে। তাই আজ অপমানের বোঝা মাথায় নিয়ে, রজনীর গাঢ় অঙ্ককারে লুকিয়ে চোরের মত রাজধানী ত্যাগ ক'রে এসেছি। কোথায় যাব, কি করবো কিছুই স্থির করতে পারছি না,

কিন্তু এ অপমানের প্রতিশোধ চাই—আর এই প্রতিশোধের সঙ্গে সঙ্গে
চাই মণিপুর সিংহাসন—

গীতকণ্ঠে জগা পাগলার প্রবেশ

গীত

জগা পাগলা ।—

জেনে শুনে গেরোর ফেরে পড়তে যেও না ।

দেখেও ঠকলে—ঠেকেও ঠকলে তবু শিখলে না ।

জ্ঞানের চোখে দিয়ে ঠুলি,

স্মায়না মেজে চতুরালী—

সাধুর মুখোস গেল খুলি হলে ভবের পথে ধানকানা ॥

আসল ফেলে ধরছো মেকী,

ভেসে যাবে সব চালাকী,

কলকাটীটি টিপছে বসি

মাথার উপর আর একজনা ॥

দুর্জন ।

কেবা এ বাতুল ?

বিভীষিকা সম

অরহ ফিরিছে পশ্চাতে মোর !

রক্ত ঝাঁখ—উন্মাদ লক্ষণ

সঙ্গীত-প্রলাপ-বাণী !

জেনে শুনে

তবু কেন হয় মনে শঙ্কার উদয় ?

দোলে প্রাণ সংশয় দোলায়,

না পারি বুঝিতে

হেতু কিবা তার ।

গীতকণ্ঠে কুবুদ্ধির প্রবেশ

গীত

কুবুদ্ধি ।—

ছি ছি তোমার এমন আলাপন ।
 বাতাসের ভর সরনা তাতে একি অলক্ষণ ॥
 বিরহের দম্কা হাওয়া বর যদি নারীর আশে,
 সহজে পারি হাসিমুখে চেপে ব্যথা সন্মোচন,
 ভোলে যদি ভুলতে নারি
 হৃদে রাখি হৃদয় রতন ॥

দুর্জনসিংহ । সত্য, ভীরু মন—

একি তব বিচিত্র ব্যাভার !
 দোর্দণ্ড প্রতাপ
 মণিপুর-রাজ-সেনাপতি
 কি হেতু চঞ্চল মতি উন্মাদ প্রলাপে ?
 অনন্ত কর্তব্য হের সম্মুখে তোমার—
 হও আশুসার
 সাধিবারে জীবনের ব্রত ।
 ছলে বলে অথবা কৌশলে
 আয়ত্বে আনিতে হবে
 মণিপুর-রাজসিংহাসন
 জীবনের চির কাম্য বাহা ।

সুধার প্রবেশ

সুধা । ' এই যে মহামহিম সেনাপতি মহাশয় ! এখানে দাঁড়িয়ে দাঁড়িয়ে
 বেশ আশ্চর্যন করছেন, সরে পড়ুন, শেষে আবার বাঘে তাড়া দেবে ।

দুর্জনসিংহ । এই যে পাপিষ্ঠা, এইবার তোকে পেয়েছি ! লালসার
তাড়নায় অন্ধ হ'য়ে বড় আশায় রাজরাণী হ'তে গিয়ে সভামধ্যে আমার
অপমান করেছিলি মনে আছে ? আজ তার প্রতিশোধ নেবো ।

সুধা । হাঃ-হাঃ-হাঃ, তা আর নেবে না বীরপুরুষ, এই ত বীরের
মত কথা !

দুর্জনসিংহ । দুর্চারিণী ঘণিতা বেদিনী,
কর্মফল ভুঞ্জ আপনার ।

[সুধাকে হত্যার উদ্দেশ্যে ধনুকে শর যোজনা]

গীত

সুধা ।—

সম্বর শর ওহে বীরবর

অবলারে প্রাণে মেরো না ।

বন-বিহঙ্গিনী, ছলনা শিখনি

কি দোষে বধিবে বল না ॥

ব্যথা কামিনী ব্যথার বোঝা ব'য়ে,

ভ্রমি বনে বনে কি যাতনা স'য়ে,

মুছাও ব্যথা ওগো ব্যথার ব্যথী হ'য়ে

কেন ব্যথিত বেদনা বোঝা না ॥

[দুর্জনসিংহের হস্ত হইতে ধনুঃশর পড়িয়া গেল, বিষয়-

বিমুগ্ধনেত্রে দুর্জনসিংহ সুধার মুখপানে

চাহিয়া রহিল]

দুর্জনসিংহ । [স্বগত] স্বপ্নের প্রহেলিকার মত অদ্ভুত এই বেদের
মেয়ে ! বিষাদ মাথা করুণ সঙ্গীতের অমৃতলহরী কাণের ভিতর দিয়ে-
আমার মস্তক প্রবেশ ক'রে হৃদয়ে একি উন্মাদনা সৃষ্টি করুন । পেন
অতীতের কোলে চিরস্থিত একটা মধুময় স্মৃতি—সংসা হৃদয়ে জাগিয়ে দিচ্ছে

তার সমস্ত কঠোরতা নিংড়ে স্নিগ্ধ মধুর স্নেহরসে অভিষিক্ত ক'রে দিলে ।
 কেন এমন হয়—কেন এমন হয় ? [প্রকাশ্যে] উদ্বিগ্ন হ'য়ো না বালিকা—
 আমি তোমায় হত্যা করবো না, আমি অভয় দিচ্ছি । বল বালিকা,
 তুমি কে ?

সুধা । আমি বেদের মেয়ে—এ কথা জিজ্ঞাসা করছেন কেন ?

দুর্জনসিংহ । কৌতুহল হয়েছিল, তাই জিজ্ঞাসা করলুম—আচ্ছা তুমি
 স্বস্থানে যেতে পার ।

সুধা । এই ত আমাদের স্বস্থান—আবার কোথায় যাবো ?

দুর্জনসিংহ । এত বড় বনটার ষেখানে ইচ্ছা যেতে পারো—আমায়
 বিরক্ত ক'রো না—আমায় নির্জনে চিন্তা করবার অবসর দাও ।

সুধা । তা' না হয় যাচ্ছি—কিন্তু আমারও আপনার মত একটা
 বিষয় জানবার জন্ম বড় কৌতুহল হ'চ্ছে—দয়া ক'রে আমার সে কৌতুহল
 দূর করবেন কি ?

দুর্জনসিংহ । কিসের কৌতুহল বালিকা ?

সুধা । আপনি এইমাত্র বললেন আপনি নির্জনে চিন্তা করতে
 এসেছেন—আচ্ছা আপনাদের মত বড়লোকেরা হাত পা নেড়ে চেষ্টিয়ে
 চেষ্টিয়ে চিন্তা করেন, আমাদের মত গরীব-গুরুরা অমনভাবে চিন্তা
 করে না কিনা—তাই একথা জানতে আমার ভারি কৌতুহল হয়েছে ।

দুর্জনসিংহ । তুমি কি কিছু শুন্তে পেয়েছ ?

সুধা । আমি কি এখান থেকে শুন্তে পেয়েছি—ঐ নদীর ধার থেকে
 আপনার চিন্তার আওয়াজ পেয়ে আমি এই দিকে ছুটে এসেছি ।

দুর্জনসিংহ । [স্বগত] সত্যই কি আমি মনের আবেগে এমনভাবে
 চীৎকার করেছি ? কে জানে ! ব্যাপারখানা জানতে হ'ল । [প্রকাশ্যে]
 মিথ্যা কথা, কি শুনেছ বলতে পারো ?

সুধা । তা' বন্বো না, তবে এইটুকু ব'লে রাখছি—আপনার আশা কখনও পূর্ণ হবে না ; অন্ততঃ আমি জীবিত থাকতে নয় ।

।

[প্রস্থানোত্ত

দুর্জনসিংহ । দাঁড়াও বালিকা !

সুধা । কেন, ধনুকে শরযোজনা ক'রে বগ্ন বালিকার প্রগল্ভতার শাস্তি দেবেন বুঝি ?

দুর্জনসিংহ । সে বিবেচনা পরে—যদি তুমি আমার কথার উত্তর না দাও । বল কি শুনেছ ?

সুধা । কিছুতেই না—মেরে ফেললেও নয়, কেটে ফেললেও নয় ।

দুর্জনসিংহ । বলবে না ?

সুধা । ওগো! না গো না—যেটুকু বলবার তা' ব'লে যাচ্ছি শুনে রাখুন । পরের সর্বনাশের চিন্তা ছেড়ে দিয়ে মানুষ হবার চেষ্টা করুন, একবার বলেছি—আবার বলছি, আপনার চেষ্টা কখনও সফল হবে না—মনে রাখবেন, এই ক্ষুদ্র বগ্নবালিকা আপনার প্রতিদ্বন্দ্বিনী ।

দুর্জনসিংহ । তবে রে দুশ্চারিণি ! তোর প্রতিদ্বন্দ্বিতারও আজ সমাপ্তি ।

[অস্ত্রাঘাতে উদ্বোগ, শাস্তি ও কতিপয় বেদে ও বেদিনীর

প্রবেশ এবং একজন বেদে ক্ষিপ্ৰহস্তে দুর্জনসিংহের

উত্তম অস্ত্র কাড়িয়া লইল এবং অবশিষ্ট সকলে

তাহাকে লতাপাশে আবদ্ধ করিল]

১ম বেদে । বল সুধা, জানোয়ারটাকে বাঘের মুখে ফেলিয়ে দি !

সুধা । ছিঃ ভাই, আমাদের বুড়ো দেবতার মানা—কাকুর হিংসা করতে নেই ।

১ম বেদে । তোকে যে মারুতে গিয়েছিল বহিন ?

সুধা । তোমরা থাকতে আমাকে কে মারবে ভাই ? দাও ভাই, ছেড়ে দাও !

১ম বেদে । দে দে ছোড়িয়ে দে—বহিন বলছে ওটাকে ছোড়িয়ে দে—

[সকলে দুর্জনসিংহের বন্ধন মুক্ত করিল]

হুঁসিয়ার—কখনও যেন বহিনটির গায়ে হাত তুলিস্ নি—যদি তুলবি ত তুহারে বাঘের মুখে ফেলিয়ে দেবো । যা—যা চলিয়ে যা !

দুর্জনসিংহ । আচ্ছা দেখে নেবো ।

[প্রস্থান

সুধা । দেখ ভাই, লোকটার পিছু নিতে হবে, লোকটার উদ্দেশ্য একজনের সর্বনাশ করা—আমরা থাকতে ওর সে দুর্ভিসন্ধি পূর্ণ হ'তে দেবো না—বুঝেছ ? এসো, চলে এসো । না—থাক তোমরা ঘরে যাও—[বেদে ও বেদিনীগণের প্রস্থান] শাস্তি !

শাস্তি । কি দিদি !

সুধা । পারবি ভাই ?

শাস্তি । ঐ লোকটার সঙ্গ নিতে ?

সুধা । শুধু সঙ্গ নেওয়া নয়—ওর বিশ্বাসী হ'য়ে ওর সঙ্গে থাকতে হবে ।

শাস্তি । পারি দিদি, সে বুদ্ধি আমার আছে—কিন্তু বিশ্বাসের ভাগ ক'রে বিশ্বাসঘাতকতা করবো কেমন ক'রে দিদি ?

সুধা । ও পরের সর্বনাশের চেষ্টা করবে তুই তাতে কৌশলে বাধা দিবি, এতে পরের উপকার করা হবে—ওকেও পাপের পথ হ'তে ফিরিয়ে আনা হবে ।

শাস্তি । তা'হলে আসি দিদি ! লোকটা অনেক দূরে চলে গেছে ।

সুধা । এসো ভাই—এসো ।

[উভয়ের প্রস্থান

চতুর্থ দৃশ্য

প্রাস্তর ভূমি

অর্জুনের প্রবেশ

অর্জুন । কত দিনের সেই মধুময়-স্মৃতি বিজড়িত এই প্রাস্তর !
অদূবে ঐ খেত পতাকাতে অনাৰ্য্য-ভূপতির সেই শাস্তিময় আবাস !
যেখানে একদিন নাগরাজনন্দিনী প্রিয়তমা উলুপীর কোমল বাহুবন্ধনে
আবদ্ধ হ'য়ে জীবনের অনেকগুলো স্বপ্নময়—শাস্তিময়—সুখময় দিন
অতিবাহিত ক'রেছি । বিশাল দেহ হিমাদ্রির ঐ ক্ষুদ্র অশুচ অংশের
একান্তবর্তী জনপদ মণিপুর আমার প্রাণাধিকা চিত্রাঙ্গদার মধুময় স্মৃতি
বুকে নিয়ে ঐ অদূরে রজনীর অন্ধকার ভেদ ক'রে আমার চক্ষে কেমন
সুস্পষ্ট হ'য়ে উঠেছে । মনে পড়ে সেই একদিন—দীর্ঘ ষোড়শ বর্ষ পূর্বের
এক মধুময় প্রভাত—যখন এক সুকুমার শিশুর কুসুম পেলব বাহুযুগলের
নিবিড় বন্ধন হ'তে স্বেচ্ছায় আপনাকে মুক্ত ক'রে চিরবিদায়ের প্রথম
সম্ভাষণে এক অবলা সরলার প্রাণে মর্ম্মহত ব্যথা দিয়েছিলুম, প্রিয়তমার
আয়তলোচন যুগলের পরিশ্রান্ত অশ্রুধারা শ্রাবণের ধারার গুণায় তার
গোলাপ গুণ্ড বয়ে আমারই পদপ্রান্তে ঝ'রে পড়েছিল । মনে পড়ে সেই
করণ দৃশ্য—কি মর্ম্মহত দৃশ্য ! কে ? কি সংবাদ ?

চরের প্রবেশ

চর । দেব, আমাদের যজ্ঞাশ্রম মণিপুরের দিকে ধাবিত হ'য়েছে ।
অশ্বরক্ষী শত চেষ্টাতেও তার গতি ফেরাতে পারলে না ।

অর্জুন । গতি কেবালে পারলে না ? উত্তম ; তবে আর
গতিরোধের চেষ্টা ক'রো না, মাত্র তার অনুগমন কর—যাও ।

[চরের প্রস্থান

নাহি জানি ভবিতব্য ধায় কোন পথে ?

মনে অনুমানি,

যদ্যপি জীবিত সেই দুঃখপোষ্য শিশু

সুকুমার ষোড়শ বর্ষীয় এব

অধিষ্ঠিত মণিপুর-সিংহানে ।

আমার ঔবসে জন্ম বীবেক্রকুমার

নিশ্চয় ধরিবে বাজী ।

ফল তার পিতা পুত্রে রণ ।

হারা হ'য়ে বীরপুত্র অভিমহ্য ধনে

কুরুক্ষেত্র মহান্ আহবে

নাহি কেহ আর

পিতা বলি সম্বোধিতে যোরে ।

এই রণ পুত্রের নিধন হেতু ।

মমতায় ধর্মত্যাগ কভু না করিব,

স্বেচ্ছায় লয়েছি ভার অশ্বের রক্ষণে

প্রাণপণে সে কাজ সাধিব ।

কিন্তু হায়—

স্মরণে শিহরে প্রাণ !

পুত্র যদি ক্ষত্রধর্ম দিয়া বিদর্জন

নাহি ধরে বাজী

যজ্ঞ হয় বীরদণ্ডে
 মণিপুর করে অতিক্রম,—
 জানিব নিশ্চয়
 নহে সে অর্জুনী কভু ।
 ভুলে যাব গন্ধর্কের নাম ;
 • মোহিনী মুরতি যেই হৃদয়ের পটে
 সযতনে রেখেছি অঁকিয়া
 নিমেষে মুছিব তাহা—
 ভুলে যাব চিত্রাঙ্গদা নাম ।
 আর যদি—

বৃষকেতুর প্রবেশ

বৃষকেতু ।

কি সংবাদ বৎস ?
 তাত, কি শুনি কি শুনি
 অবিলম্বে বার বীরমণি
 অঘটন ঘটবে এখনি !
 শুনেছি শ্রীমুখে
 মণিপূরে ভ্রাতার নিবাস—
 যজ্ঞ হয় ধায় মণিপূরে ।
 অল্পবুদ্ধি যদি ভ্রাতা মোর
 • ধরে বাজী কৌতুহল বশে
 নিশ্চয় বাধিবে রণ,
 ফল তার—
 অনিবার্য ভ্রাতার নিধন ।

যার সনে করি রণ
 ভীষ্ম, দ্রোণ আদি করি কত মহারথী
 কুরুক্ষেত্রে করিল শয়ন,
 দুর্ঘ্যোধন সবংশে মজিল ।
 বাসব-বিজয়ী বীর তুমি যে গাণ্ডীবি
 কে তোমা আঁটিবে রণে ।
 চপল বালক ভ্রাতা মোর
 কত শক্তি তার,
 মিনতি চরণে—
 ক্ষুদ্র হৃদে অনেক সয়েছি
 পিতৃহারা ভ্রাতৃহারা অভাগা নন্দনে
 ক্ষম নিজ গুণে ।
 আঞ্জা দেহ ত্বরা রক্ষিগণে
 রোধিতে যজ্ঞীয় বাজী ।
 অক্ষম যত্বপি তারা
 দেহ আঞ্জা দাসে
 অবিলম্বে ফিরাইব হয় ।
 ত্যজ বৎস অলীক সন্দেহ,
 মণিপুর রাজ
 কভু না ধরিবে বাজী ।
 পিতৃসনে রণ
 কোন পুত্রে করে আকিঞ্চন ?
 শাস্ত করি মন
 আজি নিশা করহ বিপ্রায় ।

অর্জুন ।

বৃষকেতু । শিরোধার্য আদেশ তোমার—
নিশ্চিত করিলে দাসে দানিয়া অভয় ।

[প্রস্থান

অর্জুন । যাও বৎস !
সরল উদার হৃদয় তব ।
কি বুঝাব কি জানাব হৃদয়ের ব্যথা,
স্নেহ মনে—
কর্তব্যের তুমুল সংগ্রাম !
কর্তব্যের প্রতিষ্ঠায় স্নেহ বলিদান !
জ্ঞাননেত্র কর উন্মীলন
বিনা যুদ্ধে হৃদিস্থল হের খান্ খান্ ।

ছুরিকা হস্তে উলূপীর প্রবেশ

উলূপী । এই পথে—সবাই বললে এই পথেই তাঁর শিবির—এই
প্রান্তরেই তাঁর সাক্ষাৎ পাবো । কিন্তু কৈ—কোথায় ? চল স্বামি-
স্বাস্তিনী চল—ক্রত—আরও ক্রততর বেগে চল ।

অর্জুন । কে তুমি উন্মাদিনী—
ডাকিনী হাকিনী কিংবা পিশাচিনী প্রেতিনী ?
রুদ্রকেশা মলিনবসনা,
এ ঘোর নিশায়—
ভৈরবীরূপিণী বামা
ধাও তুমি কাহার উদ্দেশে ?
ঘুচাও সংশয়—দেহ পরিচয়
কি বেদনা হৃদয়ে তোমার ?

কি যাতনা বিধে জর্জরিত তুমু
 সাজিয়াছ হেন উন্মাদিনী ?
 অথবা কি পুত্রশোকাতুরা
 ভ্রমিছ ভুবন
 পুত্রঘাতী অরাতি নাশিতে ?
 কিংবা নারি—বল ত্বরা
 পতিশোক করেছে কি হেন উন্মাদিনী ?
 স্থলোচনা ক'রো না বধনা
 পরিচয় দেহ ত্বরা ।

উলুপী । [স্বগতঃ] যেন কতদিনের পরিচিত মধুমাখা স্বর—যে স্থখা
 স্বর শোন্বার জন্য এ অভাগিনীর শ্রবনযুগল পরিপূর্ণ উৎকণ্ঠা নিয়ে তাঁর
 আগমন প্রতীক্ষা করতো, এ যে সেই স্বর,—তাঁর স্বর ! তবে কি তিনি
 —তিনি—চুপ্, স্বামীঘাতিনী উলুপী চুপ্ ! ব্যাকুল শ্রবণ ! চুপ্, আর
 একটুখানি চুপ্ কর । শুন্বি—তাঁরই স্বর শুন্বি, যখন এই স্ত্রীক
 ছুরিকার একটা নিশ্চয় আঘাতে আমার হৃদয়-দেহতা ধরাশায়ী হ'রে
 আর্তনাদ ক'রে উঠবে । তখন প্রাণভরে জন্মের মত শুনে পরিতৃপ্ত হবি ।
 উৎকণ্ঠিত নয়ন, ব্যাকুল হ'স্নি—একটু পরে যখন পতিঘাতিনীর গুপ্ত
 ছুরিকাঘাতে আহত স্বামীর প্রাণহীন দেহ ধরণীর অঙ্কে লুটিয়ে পড়বে,
 তখন সেই রক্তাক্ত বীর দেহখানি অশ্রুজলে ধুইয়ে দিতে দিতে প্রাণভ'রে
 দেখে নিবি । চুপ্—হৃদয় উবেলিত হ'স্নি—চুপ্, স্থির হ'—তিনলোকের
 সমস্ত কঠোরতাকে পরিপূর্ণ শক্তিতে আঁকড়ে ধর ; নইলে স্বামীহত্যার
 শক্তি হারিয়ে ফেল'বি—চুপ্, হস্ত—কম্পিত হ'স্নি—জানিস্নি কি করতে
 চলেছি ? স্বামীর ধর্মরক্ষা করতে তাঁর পবিত্র আত্মার উদ্ধার সাধন
 করতে—তাঁকে শাপমুক্ত করতে—তোার সাহায্যে তাঁকে হত্যা করতে

চলেছি—তুই অপারগ হ'লে আমার মে অভিষ্ট সিদ্ধ হবে না। এখন তুইই
আমার সহায়, তুই আমার বন্ধু, আমার স্বামীর বন্ধু তাঁর পরকালের বন্ধু।

অর্জুন ।

কি ভাবিছ নারি !

ডরে বাণী নাহি সরে মুখে ?

নাহি ডর, আশ্বাসি তোমায়

বন্ধু আমি—নহি শত্রু তব ;

অসঙ্কোচে মনোভাব প্রকাশ আমারে ।

[অগ্রসর হইয়া]

একি—একি গেরি সম্মুখে আমার ।

কল্পনায় ভাবিনাক' যাহা

সেই তুমি নাগেন্দ্রনন্দিনী

রুম্ব কেশা—চিরবেশা

উন্মাদিনী সমা

প্রাণাধিকা উলুপী আমার !

পাঠাইয়া স্বামিপাশে আপন নন্দনে

অমঙ্গল আশঙ্কায় তার

ঘটেছে কি চিত্তের বিকার ?

চিন্তা ত্যজ স্ববানি !

পুত্র তব রয়েছে কুণলে ।

হের পতি সম্মুখে তোমার ।

দুঃখ কিবা আর,

এসো হৃদে জীবন তোষিণী !

উলুপী ।

ক্ষমা কর, রক্ষা কর দেবতী আমার !

নাহি কও প্রিয় সস্তামণ ।

দীর্ঘ অদর্শন জালা নীরবে সয়েছি
ছিল আশা—হইবে মিলন,
বিধি বিড়ম্বন—

এ মিলন যুত্কার আহ্বান ।
কর্তব্য ভুলিব—জানহারা হব
শুনি যদি শ্রীমুখের অমিয় বচন—
শ্রেয় সম্ভাষণ ।

অর্জুন ।

একি শুনি বিসদৃশ বাণী !
বরাননি ! বুদ্ধিতে না পারি
মনোভাব কিবা তব ।

উলূপী !

কি কহিব মনোভাব কিবা
ভাষা না জুয়ায়,
অড়িত রসনা উচ্চারিতে নিদারুণ বাণী !
শোন শোন হৃদয়-দেবতা !
মম আগমন
উৎপাটন করিবারে হৃদপিণ্ড মম ।

অর্জুন ।

একি বাণী হৃদয়ের রাণী !
অভিমাণে আত্মনাশ কেন আকিঞ্চন ?
জান না কি প্রিয়ে,
আত্মহত্যা মহাপাপ বিদিত অগতে ?
ত্যাগ অভিমান—
এসো সাথে শিবিরে আমার,
কালি প্রাতে
লয়ে যাব তব পিত্রালয়ে ।



উলূপী ।...অপরাধ ক্ষম প্রাণেশ্বর ! তোমা লাগি শুধু অভাগিনী
সাধিবে নিধন তব । [জঙ্গমাল্য ২য় অঙ্ক, ৪র্থ দৃশ্য—৬৩ পৃষ্ঠা ।

উলুপী ।

তা হ'তেও মহাপাপ করিতে সাধন
আসিয়াছে উলুপী রাক্ষসী ।
নাগবংশে লভেছি জনম
রাখিব বংশের নাম
প্রিয় হৃদে করিয়া দংশন ।
শোন দেব উদ্দেশ্য আমার
মম আগমন
তোমার নিধন তরে ।

অর্জুন ।

একি তব বিসদৃশ বাণী !
নিশ্চয় ঘটেছে তব মস্তিষ্ক বিকার ।
নহে কি কখনো
অর্দ্ধাঙ্গিনী জীবন-সঙ্গিনী
পতিপ্রাণা ধৈর্যে আসে স্বামীরে বধিতে ?
বৃষকেতু—বৃষকেতু !
এস ত্বর।
শৃঙ্খলিত কর এই উন্নতা কামিনী ।
না—না—না,
ভ্রান্ত আমি—মূর্থ আমি
বুঝিছ এক্ষণে
রমণীর অপরাধ কিবা ।
ব্রহ্মাণ্ড জেনেছে আজি সঙ্কল্প আমার
আমি যাই পুত্রের নিধনে,
তাই বুঝি—কষ্ট শশধর
স্বণায় লুকায় মুখ কাদম্বিনী আড়ে,
সুত প্রভঞ্জন

করণ রোমন রোল তোলে নিশিখিনী ।

তারাদল না চায় দেখিতে যুধ ।

স্নেহ অঙ্ক শূন্য করি যার

এক পুত্র ল'য়েছি কাড়িয়া,

একদিন আদরে সোহাগে

ধরেছিহু হৃদয়ে বাহারে—

পুনঃ বিনা দোষে দলিয়া চরণে

চিরতরে বিদায়িহু যারে,

আজি শুধু সেই দলিতা ফণিনী

শোকতপ্তা যক্ষ্মাহতা বালা

আসে ধয়ে প্রতিবিধিৎসিতে ।

এসো—এসো নাগেন্দ্রনন্দিনী !

অভয় দিতেছি তোমা—নাহি দিব বাধা,

যতকণ প্রবাহিত উত্তপ্ত শোণিত

বহিতেছে শিরায় শিরায়,

হৃদি মাঝে

প্রজ্বলিত প্রতিহিংসানল,

ততকণ—

ঐ কীণ যুগল বাহুতে

রহিবে অটুট বল

আমূল বিদ্ধিতে ঐ শাণিত ছুরিকা

উন্মুক্ত এ হৃদয় মাঝারে ।

এস নাহি—এস অরা

পুত্রমেধযজ্ঞ শেষ করহ পার্শ্বের ।

উলূপী ।

কালামুখি—কাল ব্যাঞ্জে কিবা প্রয়োজন
কর ত্বরা স্বকারণ্য সাধন,
শিবসীমন্তিনী—পতিতপাবনী
বল দে মা হৃদয়ে আমার ।
অপরাধ ক্ষম প্রাণেশ্বর !
তোমা লাগি শুধু অভাগিনী
সাধিবে নিধন তব ।

[অস্ত্রাঘাত করিতে উছোগ, বেগে সূধা আসিয়া উলূপীর হস্ত
হইতে অস্ত্র কাড়িয়া লইল]

সূধা ।—

ছি ছি ছি ললনা, কুলের অঙ্গনা
স্বামি বধে কেন বাসনা ।
রমণীর গতি পতির চরণ
যা' জীবন মরণ কামনা ॥
অঁধার জীবনে যিনি গৌ আলোক,
নেহারি যে মুখ হৃদয়ে পুলক,
অদর্শনে যাঁর অঁধার বিশ্ব
মিলনে মধুর জোছনা ।
পরশনে যাঁর শিহরয় কায়,
তিরপিত চিত্ত বচন সূধায়,
নারীজন্মে সাধ ভালবাসি যার
বিলায়ে দিয়ে আপনা ॥
উলূপীর হাত ধরিয়া প্রশ্নান ।

অর্জুন । কে এই বালিকা ? করুণা কি মূর্তি ধরে পৃথিবীর বক্ষে
নেমে এসেছ ! [চিন্তিত মনে প্রশ্নান ।

পঞ্চম দৃশ্য

রাজপথ

যুদ্ধ ব্রাহ্মণবেশে দুর্জনসিংহের প্রবেশ

দুর্জনসিংহ । এইবার পেয়েছি, মণিপুররাজ বক্রবাহনের মৃত্যুবাক্য এইবার পেয়েছি, কণ্টকে নৈব কণ্টকম্ । অল্পবুদ্ধি ক'টা রক্ষীকে উৎকোচে বশীভূত ক'রে পৃথিবীর শ্রেষ্ঠ শক্তি পাণ্ডবের যজ্ঞীয় অশ্ব ম'ণপুরের পথে চালিত করিয়েছিলুম—এতক্ষণে উদ্দেশ্য সিদ্ধির উপায় হয়েছে—অশ্ব মণিপуре প্রবেশ করেছে । এখন ছলে বলে কৌশলে যখন ক'রে হোক বক্রবাহনকে উৎসাহিত ক'রে ঘোড়া ধরতে হবে—ফলে বিশ্ববিজয়ী অর্জুনের সঙ্গে যুদ্ধ অনিবার্য—এ যুদ্ধে বক্রবাহনের মৃত্যু নিশ্চিত । তারপর পাণ্ডববাহিনী স্বরাজ্যে ফিরবে, আর আমিও আমার উদ্দেশ্য সাধন করবো ! এই যুদ্ধ ব্রাহ্মণের ছদ্মবেশে মণিপুরবাসীর চক্ষে ধুলো দিতে পারবো ।

সৈনিকের ছদ্মবেশে শ্রীকৃষ্ণের প্রবেশ

শ্রীকৃষ্ণ । কিন্তু আমার চক্ষে তা' দিতে পারবে না মণিপুর সেনাপতি !
দুর্জনসিংহ । [স্বগত] তাই তো এ বেটা আবার কে ? কখন দেখেছি বলে ত মনে হয় না । বেটা চিনলে কি ক'রে ? আমি কিন্তু সহজে ধরা দেবো না । [বিকৃত স্বরে—প্রকাশ্যে] কি বল্ছো বাবা—বুড়ো মানুষ আমি, তায় আবার কানে খাটো, একটু জোর গলায় বল বাবা—নইলে শুন্তে পাবো না ।

শ্রীকৃষ্ণ । সেনাপতি মশায়ের কি শরীরের অবস্থা আর জলবায়ুর পরিবর্তনটা সহিলো না ? তাই মণিপুর ত্যাগ করতে না করতেই যৌবনেই বার্কক্যাদশা প্রাপ্ত হ'লেন ?

দুর্জনসিংহ । [স্বগত] বেটা নির্ধাত চিনেছে, এখন কি করা যায় ! বেটার মতলবখানাও ত বোঝা যাচ্ছে না—গেষটা ধরিয়ে দেবে না কি ! [বিকৃতস্বরে—প্রকাশে] বলি বাবা, তোমার ঠোঁট দু'খানা ত বেশ নড়ছে, নিশ্চয়ই কিছু বলছো, কিন্তু আমার অদৃষ্টে, বাবা আমি কালা মানুষ কিছুই শুনতে পাচ্ছি না !

শ্রীকৃষ্ণ । তা' দেখুন সেনাপতি মশায় ! আপনি আগে ছিলেন সেনাপতি—সম্প্রতি একটা ক্ষুদ্র অনার্য্য রাজ্যের রাজ্যটুকু গ্রাস করে স্বয়ং রাজা হয়েছেন । আপনাকে শোনার জগে এতখানি গলাবাজি করা আমার পোষাবে না—তার চেয়ে যা বলছিলুম হাতে কলমে সংক্ষেপ করে নিচ্ছি—[দুর্জনসিংহের দাড়ী ধরিয়া আর্ষণ করিবারাত্র ক্রান্তন দাড়া গোঁফ খসিয়া পড়িল এবং দুর্জনসিংহ লজ্জিত হইয়া মুখ ফিরাইয়া অগোমুখে দাঁড়াইল] কি সেনাপতি মশায় ! বলি শুনছেন—
শুন না ।

দুর্জনসিংহ । [বিরক্তিভাবে] বল, কি বলতে চাও ।

শ্রীকৃষ্ণ । বলছিলুম এই ভাড়া করা বার্কক্য গ্রহণের উদ্দেশ্য কি সেনাপতি মশায় ?

দুর্জনসিংহ । আমার উদ্দেশ্য যাই হোক, সে কথা তোমায় বলবো কেন ?

শ্রীকৃষ্ণ । উদ্দেশ্য যে অতি মহৎ তা' ঐ ভাড়া করা দাড়ি গোঁফ দেখেই বুঝাচ্ছ ; কিন্তু তা বুঝেছি ব'লে মনে করবেন না, আমি আপনার শত্রু—আমি এসেছি আপনার কাছে বন্ধুত্ব যাত্রা করতে ।

দুর্জনসিংহ । [স্বগত] লোকটার উদ্দেশ্য কি ? আমার কাছে এসেছে বন্ধুত্ব ঘাঙ্কা করতে । যাই হোক, সহসা অপরিচিতের উপর বিশ্বাস স্থাপন করা কোনমতেই বিধেয় নয় । আগে ওর মনের ভাব জানতে হবে । [প্রকাশ্যে] হঠাৎ আমার কাছে বন্ধুত্ব ঘাঙ্কা করবার উদ্দেশ্য ?

শ্রীকৃষ্ণ । আমার উদ্দেশ্য আপনারই মত মহৎ । নাগরাজ অনন্তের নাম শুনেছেন ?

দুর্জনসিংহ । শুনেছি ।

শ্রীকৃষ্ণ । তার একমাত্র কন্যা নিরুদ্ভিষ্টা—কন্যাশোকে বৃদ্ধ নাগবাজ দেশত্যাগী—রাজ্য এখন ঘোর অরাজক । আমি চাই সেই অনার্যরাজের শূন্য সিংহাসন অধিকার করতে, তাই আপনার শরণাপন্ন হয়েছি ।

দুর্জনসিংহ । যখন রাজা নেই, তখন স্বকীয় বাহুবলেই তো রাজ্য অধিকার করতে পারতে ।

শ্রীকৃষ্ণ । সে শক্তি আমার নাই ।

দুর্জনসিংহ । তাহ'লে কি চাও ?

শ্রীকৃষ্ণ । বলোছি তো, আপনার বন্ধুত্ব ।

দুর্জনসিংহ । [স্বগত] লোকটা আমারই মত স্বার্থের পশ্চাতে ছুটেছে—সঙ্গে নিলে অনেক উপকারে আসবে । আগে নিজের স্বার্থ সিদ্ধি, তারপর যদি তেমন সুযোগ আসে তো ঐ ক্ষুদ্র অনার্য-রাজ্য নিজের করতলগত ক'রে নিতে কতক্ষণ ! [প্রকাশ্যে] দেখ ছোকরা ! তোমাকে দেখে বেশ বুদ্ধিমান ব'লেই মনে হচ্ছে, আর তুমি যখন আমার বন্ধুত্ব ভিক্ষা করতে এসেছ, তোমায় বিমুখ করবো না । আর আমি যে গুঢ় উদ্দেশ্য সাধনের জগু ছদ্মবেশ গ্রহণ করেছি, সে কাজে তোমাকেও আমার সহায় হ'তে হবে । কেমন প্রস্তুত আছ ?

শ্রীকৃষ্ণ । সানন্দে বন্ধুর কার্যে আত্মোৎসর্গই আমার জীবনের ব্রত ।
শুনলে বিস্মিত হবেন, নিজে যোদ্ধা হ'য়েও বন্ধুর অহুরোধে তার রথের
সারথি হ'য়ে রথ চালিয়েছি ।

দুর্জনসিংহ । বটে' বেশ ছোকরা তুমি, আগে দাও দেখি আমার
গোঁফ দাড়ি । [গোঁফ দাড়ি পড়িয়া] দেখ, এখন আমি রাজবাটীর
পুরোহিত আর তুমি আমার ভ্রাতুষ্পুত্র—আর আমরা যাচ্ছি পাণ্ডবের
বিরুদ্ধে মণিপুর-রাজকে উৎসাহিত করতে—বুঝেছ ?

শ্রীকৃষ্ণ । বুঝেছি, পাণ্ডবের যজ্ঞাশ্ব মণিপুরের উপর দিয়ে যাচ্ছে, সেই
ঘোড়া ধরতে মণিপুররাজকে উৎসাহিত করতে হবে, যাতে সে পাণ্ডবের
এ দস্ত চূর্ণ ক'রে আপন বংশমর্যাদা রক্ষা করতে এতটুকু দ্বিধা না করে ।

দুর্জনসিংহ । বাঃ ছোকরা বাঃ—তোমার তীক্ষ্ণ বুদ্ধি প্রশংসনীয় । ঐ
মণিপুররাজ বক্রবাহন এই দিকেই আসছে, ছোকরা প্রস্তুত হও ।

বক্রবাহনের প্রবেশ

বক্রবাহন । [স্বগত] একি সমস্যায় ফেললে নারায়ণ! একমাস পূর্ণ
হ'তে যে আর একদিন মাত্র অবশিষ্ট, এই একদিন পরেই আমার অদৃষ্ট
পরীক্ষা ; যে পরীক্ষায় আমার পূর্বকৃত পাপের প্রায়শ্চিত্ত—নিজের
অজ্ঞাতসারে বন্য বালিকার হাত ধ'রেছি—তাকে বিবাহ ক'রে সে পাপের
প্রায়শ্চিত্ত করতে হবে । কি করবো, গৌরবের শ্রেষ্ঠতম আসনে অধিষ্ঠিত
থেকে একটা অজ্ঞাতকুলশীলা বন্য বালিকাকে পত্নী ধ'লে গ্রহণ ক'রে
আপনাকে হীনতার নিম্নতর পঙ্কিল গর্ভে নিমজ্জিত করবে হবে ? না, তা
হবে না, তা পারবো না । স্বীকার করি আমি সে অরণ্য-চারিণীর কাছে
উপকৃত ঋণ-অপরাধী, কিন্তু তা ব'লে কি উপকারের প্রত্যাশা নেই, ঋণ
কি অপরিশোধনীয়—অপরাধের কি ক্ষমা নেই ? জননী স্বয়ং বিচারের

ভার নিয়ে আমার কর্তব্য নির্ধারণের অবসর দিয়েছেন। আমার কর্তব্য আমি বেছে নিয়েছি। উপকারিণীর উপকারের বিনিময়ে রাজ্য ঐশ্বর্য যা চায় তাই দেবো, কিন্তু তাকে বিবাহ করবো না—না কখনই নয়।
[অগ্রসর হইল] কে একজন বৃদ্ধ ব্রাহ্মণ—প্রণাম ব্রাহ্মণ !

দুর্জনসিংহ। [বিকৃত স্বরে] দীর্ঘায়ু হও বৎস ! আমায় চিন্তে পেরেছ বাবা—আমি তোমাদের পুরোহিতের জ্যেষ্ঠ ভ্রাতা, সঙ্গিটি আমার ভ্রাতৃপুত্র। সম্প্রতি আমি তীর্থ পর্যটন ক'রে ফিরে এসে শুনলুম তুমি রাজপদে অভিষিক্ত হ'য়েছ—তাই তোমায় আশীর্বাদ করতে এসেছি।

বক্রবাহন। আপনার অশেষ কৰুণা ! যখন কৃপা করে এসেছেন—দাসের পুরীতে পদার্পণ ক'রে পুরী পবিত্র করবেন আস্থন।

দুর্জনসিংহ। [বিকৃত স্বরে] সৌজ্ঞে মুগ্ধ হ'লেম বৎস ! চল—চল, ওকি একটা ঘোড়া নয় ? দেখ তো বাবাজী, ঘোড়াটা অমন ক'রে ছুটে গেল কেন ? [শ্রীকৃষ্ণের প্রস্থান] রাজপথ দিয়ে এমন অসময়ে ঘোড়া ছুটে যাওয়া ত শুভকর নয়। স্মৃতিতে বলে—কি দেখলে বাবাজী ?

শ্রীকৃষ্ণের প্রবেশ

শ্রীকৃষ্ণ। দেখিলাম তুরঙ্গম অতি মনোরম
চারুসাজ বিচিত্র ভূষণ
আশ্চর্য্য লিখন ভালে।
কোন নরপতি
অশ্বমেধ যজ্ঞ বুঝি করে আয়োজন,
যজ্ঞ হয় ফেরে দেশে দেশে,
অহঙ্কারে অশ্বভালে ক'রেছে লিখন
“ছাড়িলাম তুরঙ্গম ফিরিতে ভারত

ভ্রমিবে সে অবাধ গতিতে,
যদি কোন হীন বুদ্ধি অভাগা নৃপতি
বাঁধে তুরঙ্গমে
মৃত্যু তার ললাট লিখন !”

দুর্জনসিংহ । [বিকৃতস্বরে] কি বললে বাবাজি—যে ঘোড়া ধরবে
মৃত্যু তার অনিবার্য ? এত দর্প ! পৃথিবী কি বীরশূণ্য হয়েছে ? হা-রে
অদৃষ্ট, বৃদ্ধ বয়সে এও কাশে শুন্তে হ’ল ! অহঙ্কারী নৃপতি—জেনো
বসুন্ধর’ বীরশূণ্য হ’লেও ব্রাহ্মণ এখনও ব্রাহ্মণ—অস্ত্রের তীক্ষ্ণতা বিলুপ্ত
হ’লেও অগ্নির দাহিকাশক্তি এখনও লোপ পায়নি ।

শ্রীকৃষ্ণ । আপনি স্থির হোন—কে বলেছে পৃথিবী বীরশূণ্য ? বজ্র
অশ্ব স্বেচ্ছায় অবাধে সমস্ত ভারত পরিভ্রমণ করতে সক্ষম হ’লেও সে প্রথম
বাধা পাবে এই মণিপুরে ।

দুর্জনসিংহ । তাকি হয় বাবাজি, মণিপুরবাজ বালক ।

বক্রবাহন । তাই হবে ব্রাহ্মণ ! মণিপুরবাজ বালক হ’লেও কাপুরুষ
নয় । অক্ষিপ ক’রো না ব্রাহ্মণ ! ঘোড়া আমিই ধরবো । আমি দেখতে
চাই কে সে শক্তমান্—যে আত্মশক্তির অহঙ্কারে উন্মত্ত হ’য়ে ভারতের
সমস্ত শক্তিকে তুচ্ছজ্ঞান করে । [প্রস্থানোত্তত ।

বেগে আনন্দরামের প্রবেশ ।

আনন্দরাম । ভাগ, আমার অনুরোধ—তোমাদের চিরশুভাকাজী
ব্রাহ্মণের অনুরোধ—এ সঙ্কল্প ত্যাগ কর, ঘোড়া ধরতে যেও না ।

বেগে উলূপীর প্রবেশ

উলূপী । বাতুল ব্রাহ্মণ, কর অরা সংঘত রসনা,
যাও পুত্র বীরচূড়ামণি

বীরকার্য কর সম্পাদন ।

দর্পী নরপতি

অহঙ্কারে ফেরে ল'য়ে বাজী,

ভাবে মনে বীরশূন্য হ'য়েছে ভারত,

বীরদণ্ড চূর্ণ কর তার ।

আনন্দরাম । [স্বগত] এ আবাগের বেটা কোথেকে এলো ?

দুর্জনসিংহ । [বিকৃত স্বরে] ঠিক বলেছিন্ বেটা—দর্পিত শির উচ্চ ক'রে মণিপুরের বৃকের উপর দিয়ে তারা এমনি ভাবে চলে যাবে, আর আমাদের বীরশ্রেষ্ঠ নরপতি বক্রবাহন তাই দাঁড়িয়ে দেখবে ? মণিপুর-রাজ, তুমি কি এতটা শক্তিহীন হয়েছ ?

আনন্দরাম । তুমি কোথা থেকে এলে বাবা ত্রিভঙ্গ বদন ? স'রে পড় না—আমাদের রাজার ত আর তোমার মত ভীমরথি হয়নি—যাও, সোজা পথ রয়েছে চলে যাও । [বক্রবাহনের প্রতি] এসো ভাই, ওদের মতলব শুনো না ।

উলুপী । বল পুত্র—বল মণিপুররাজ কি চাও ? গর্কিত নরপতির গর্কোন্নত শির স্বীয় বাহুবলে হুইয়ে দিয়ে মণিপুরের কীর্তিধ্বজা অক্ষুণ্ণ রাখতে চাও, না কাপুরুষের মত বলদর্পীর সঙ্গুখে আভূমি মত হ'য়ে স্বীয় অক্ষুণ্ণ গৌরবের পবিত্র শুভ্র পতাকায় কলঙ্কমসী লিপ্ত করতে চাও ? বেছে নাও মণিপুর অধিপতি—কি চাও ?

বক্রবাহন । তিরস্কার করো না মা—আমি কি চাই শুনবে ? আমি চাই বীরকার্যে যোগ্য প্রতিদ্বন্দ্বী হ'তে—দর্পীর দর্প চূর্ণ করতে—মণিপুরের বিজয় গৌরব চির অক্ষুণ্ণ রাখতে ।

উলুপী । তবে এসো পুত্র, ঘোড়া ধরবে এসো ।

[বক্রবাহনের হাত ধরিয়া প্রস্থান]

শ্রীকৃষ্ণ । কৈ ঠাকুর, এমন রুকে এলে, রাজাকে ত আটকাতে পারলে না ?

আনন্দরাম । তুই নির্বংশ হ—[স্বগত] যাই এখন, রাজমাতা চিত্রাঙ্গদাকে সংবাদটা দিইগে, যদি কোন উপায় হয় ।

[বেগে প্রস্থান

শ্রীকৃষ্ণ । [স্বগত] রাজভক্ত ব্রাহ্মণ, এ তোমার অভিশাপ নয়— এ তোমার আশীর্বাদ ; যদুবংশের ধ্বংস প্রয়োজন হয়েছে, তাই অভিশাপের আবরণে দূর ভবিষ্যতের অবশ্যস্বাভাবী ঘটনার পূর্বাভাষ দৈববাণীর মত তোমার মুখ দিয়ে নিঃসৃত হ'ল ।

দুর্জয়সিংহ । এখন কি করবে ভাবছো ছোকরা, আমাদের বর্তমান কর্তব্য ত শেষ হ'ল ।

শ্রীকৃষ্ণ । তাইতো ! কি করবো বলুন দেখি ?

দুর্জয়সিংহ । হাতে বিশেষ কিছু করণীয় কাজ না থাকে, আগার আবাসে এসো, কলকঠি সুন্দরীগণের মধুর সঙ্গীত শুনতে শুনতে অবসর কালটা একটু আনন্দে অতিবাহিত করা যাক ।

শ্রীকৃষ্ণ । স্বার্থের নেশার উপর সুন্দরীর নেশা আর আমার জন্মে না মশায়, কাজেই বাধ্য হ'য়ে বিদায় নিতে হ'ল ; কিছু মনে করবেন না ।

[প্রস্থান

দুর্জয়সিংহ । তুমি অতি অপদার্থ !

[প্রস্থান

গীতকণ্ঠে জগাপাগলার প্রবেশ

গীত

জগা ।—

ভবে ঘুরছে কালের চাকা ।

আপন মনে বন্বনাবন্ব যেন লেখা জোখা ॥

ভাবছে বসে সিঙ্গি মামা
পাকিয়ে জোড়া গৌফ,
মনের মত মিললো শিকার
(এবার) বাগিয়ে দেবে কোপ,
টোপ গিলেছে রাখব বোয়াল
যেমনই তার দেখা ॥
ছুটছে ফিল্ডে কাকের পিছে
বাঘের পিছে ফেউ,
বকা ভাবে সবাই বোকা
তারে চেনে নাকো কেউ
কালের স্রোতে ভাসবে যখন
দেখবে তখন সব ফাঁকা ।

[প্রস্থান

তৃতীয় অঙ্ক

প্রথম দৃশ্য

কালী-মন্দির

পূর্ণঘট সম্মুখে ধ্যানরতা চিত্রাঙ্গদা

চিত্রাঙ্গদা ।

দয়াময়ি !

আর কতদিন দুখিনী তনয়া

সহিবে যাতনা ?

নাহি জানি—

কোন্ পাপে সহি এত জ্বালা

তুই ত করুণাময়ী—

কেন তবে নিদয়া জননী !

সতীরাগি !

বুঝ না কি সতীর বেদনা ?

পতিনিন্দা শুনি—

একদিন ত্যজেছিলি প্রাণ

সেই প্রাণ—

কেমনে করিলি হেন প্রস্তর কঠিন ?

সতী লাগি কাঁদে না কি প্রাণ ?

আমি অভাগিনী—পতি কান্দালিনী

পতিহারা ভ্রমি ধরা
 উন্মাদিনী সমা ।
 কত সয়—আর কত স'ব !
 বল মা গো পাব কি না পাব,
 শুধু দেখা দেখিব তাহারে,
 অতৃপ্ত অশান্ত অঁাধি—
 অঁাধি ভ'রে নেহারিব নরনারায়ণ । [প্রণাম]

বক্রবাহনের প্রবেশ

বক্রবাহন । মা গো—
 আসিয়াছে দাস
 প্রণমিতে ও পদপঙ্কজে ।
 নিবেদিতে বারতা জননী—
 পুত্র তব
 বীরকার্য সাধিয়াছে আজি
 দেখাইতে বীরপনা বীরেন্দ্র সমাজে ।

চিত্রাঙ্গদা । কে বক্রবাহন ?
 শুনি বাণী শিহরে পরাণ
 কিবা হেন বীরকার্য
 সাধিয়াছ বাছনি আমার ?

বক্রবাহন । মাতা—
 শুনিলে সে বীরগাথা
 বীরাজনা—বীরেন্দ্র জননী
 শিহরিবে হরষে পরাণ—

আশীর্ষিতবে তনয়া তোমার—

স্মরি বীরপণা ।

অবহেলে ধরি যেই বাঙ্গী

রক্ষী যার আপনি গাণ্ডিবী

বিশ্বজয়ী পাণ্ডুর নন্দন ।

মাগো—

অশ্বমেধ যজ্ঞ করে ভারত ঈশ্বর

ধর্মপ্রাণ রাজা যুধিষ্ঠির ।

যজ্ঞ হয়—

দেশ হ'তে ফিরে দেশান্তরে,

আছে লেখা জলন্ত অক্ষরে—

ছাড়িলাম তুরঙ্গম ফিরিতে ভারত

ভ্রমিবে সে অবাধ গতিতে ;

যদি কোন হীনবুদ্ধি অভাগা নৃপতি

বাঁধে তুরঙ্গম

মৃত্যু তার ললাট লিখন ।

'শুনিয়াছি কৃষ্ণ বলে বলী সে পাণ্ডব,

তাই গর্কে লিখে অশ্বভালে

হেন বীরগাথা ।

কহ গো জননী,

বীরশূন্য আজি কি ভারত ?

নাহি কেহ

চূর্ণিবারে দর্প পাণ্ডবের ?

তাই আজি দেখাতে জগতে

মৃত্যুপণে ধরিয়াছি হয় ।
আদেশ জননী—স্মরি পা ছ'খানি
যাই যুঝিবারে
সে দর্পী কেশব সখা ফাস্তুনীর সনে .

চিত্রাঙ্গদা ।

হতভাগ্য শিশু
একি হ'ল ছন্নমতি তব ?
কে দিল যুক্তি
বাঁধিবারে পাণ্ডবের হয় ?
কোন বলে হ'য়ে বলীয়ান
অরিরূপে কৃষ্ণার্জুনে করিবে বরণ
ফল যার নিশ্চিত মরণ ?
তাজ বৎস হেন আকিঞ্চন
সসন্মানে ফিরে দেহ বাজী ।

বক্রবাহন ।

জননী গো—
হেন বাণী না আনিও মুখে ।
বীরগর্বে ধরিয়াছি হয়
মৃত্যুভয়ে দিব ফিরাইয়ে ?
হেন কাপুরুষ—
নহে মাতা তোমার নন্দন ।
মৃত্যুপণে ধরিয়াছি ঘোড়া
মরিব—কিংবা চূর্ণিব দর্প ফাস্তুনীর ।

চিত্রাঙ্গদা ।

নয়নের মণি বৎস তুই রে আমার
জীবন সর্বস্বধন ।
তুই যদি না গুনিবি বাণী

বাঁচিব কেমনে বাপ ?
 কাজ নাই এ কাল সময়ে
 ফিরে দে রে হয় পাণ্ডবের ।
 বক্রবাহন । বীরাক্ষনা বীরের জননী
 মমতায় হারায়ো না কর্তব্য আপন ।
 পদ্যপত্রে বারি সম নশ্বর জীবন ।
 বিনিময়ে গৌরব অর্জন,
 বীরধর্ম বীরের বাঞ্ছিত
 অমূল্য অতুল নিধি ;
 সাধে নিধি দিব বিসর্জন
 তুচ্ছ এ প্রাণের লাগি ?
 পারিব না—পারিব না মাতা,
 তব পুত্র নহে কাপুরুষ—
 হীনতেজা নহে মাতা মণিপুরপতি ;
 যত্নপতি পাণ্ডবের সখা
 তাহে কিবা ডর ?
 থাকে যদি ও চরণে মতি
 কেহ না আটিবে রণে তোমার নন্দনে ।
 আশীষ তোমার—
 অক্ষয় কবচ—রক্ষিবে সতত মোরে ।
 অবহেলে পার হ'য়ে সমরসাগর
 আসিব ফিরিয়া পুনঃ বন্দিতে চরণ ।
 রণে যেতে—
 অহুমতি দেহ গো জননী !

চিত্রাঙ্গদা । জানি পুত্র তুমি শক্তিমান
তথাপি নিষেধি যেতে এ মহা আহবে ।
আছে হেতু—
এ মহাসমরে জয়-পরাজয়
তুল্য মম পাশে,
ফল তার অতীব-ভীষণ
তাই নিবারণ করি যাহুমনি !

বক্রবাহন । আশ্চর্য্য বারতা মাতা,
জয়-পরাজয় তুল্য তব পাশে !
এ রহস্য বুঝিতে না পারি
সন্দেহে আকুল প্রাণ
পায়ে ধরি—
অচিরে রহস্য ভেদ কর গো জননি !

চিত্রাঙ্গদা । রহস্য—রহস্য, ইয়া বক্রবাহন ! রহস্য আছে—সে কাহিনী
শুনলে তোমার দেহে প্রবাহিত উষ্ণ শোণিতশ্রোত মুহূর্ত্তে হিমালয়প্রবাহে
পরিণত হবে—তোমার উত্তম অস্ত্র হাত থেকে খসে পড়বে, বীরগর্ভোন্নত
শির আপনি স্নেহে পড়বে। তাই আমি তোমায় নিষেধ করছি বৎস,
এ যুদ্ধে কাজ নাই ।

উলূপীর প্রবেশ

উলূপী । না—তা হবে না, যুদ্ধ অনিবার্য্য । অগ্রসর হও বক্রবাহন !
যে বীরকার্য্যে নিজের গৌরব—বংশের গৌরব বৃদ্ধি করেছে, আজ
কাপুরুষের মত অশ্রু প্রত্যাৰ্পণ করে সে মর্য্যাদা নষ্ট করো না বৎস !

চিত্রাঙ্গদা । কে তুই রাক্ষসী, রাক্ষসী-মায়া বিস্তার করে আমার
স্ববোধ পুত্রকে তার পিতৃবধে উৎসাহিত করতে ছুটে এলি ?

উলূপী । আমায় চিন্তে পারুছো না গন্ধর্ষনন্দিনি ? আমি তোমার সতীনী নাগেশ্বরনন্দিনী উলূপী ।

চিত্রাঙ্গদা । ও—তুই উলূপী নাগিনী ! বিষের জ্বালায় অন্ধ হ'য়ে নিজের নাগ-স্বভাবের পরিচয় দিতে স্বামিবধে পুত্রকে উৎসাহিত করতে এসেছিস্ ? দূর হ বিষধরি ! আমি জীবিতা থাকতে তোমার সে উদ্দেশ্য পূর্ণ হবে না ।

বক্রবাহন । মা—মা, কি বলছো—তবে কি তৃতীয় পাণ্ডব বীরশ্রেষ্ঠ গাণ্ডীবি আমার পিতা ?

চিত্রাঙ্গদা । হ্যাঁ পুত্র ! তিনিই তোমার পিতা । জগতের প্রত্যক্ষ দেবতা—বহু পুণ্যফলে আজ তুমি তোমার পিতৃদেবতার শ্রীচরণ দর্শন করবার শুভ সুযোগ পেয়েছ, সসন্মানে তাঁর অশ্ব তাঁকে প্রত্যর্পণ ক'রে তাঁর চরণে ক্ষমা ভিক্ষা কর । দীর্ঘকালের পর পিতাপুত্রের পরিচয় হোক ।

বক্রবাহন । মা, কি বলছো ? এই কি বীরমাতার যোগ্য কথা—যাঁর বীরত্ব-গৌরব ভুবন বিদিত—সেই বীরাগ্রগণ্য মহান্ পিতার পুত্র হ'য়ে ক্ষত্রধর্ম ভুলে হীনতেজা কাপুরুষের গায় অবনত শিরে অশ্ব প্রত্যর্পণ করলে কি আমার মহান্ পিতা আমায় পুত্র বলে গ্রহণ করবেন—না এই হীন কাপুরুষের এই কাপুরুষ যোগ্য আচরণ দেখে ঘৃণায়—লঙ্কায় মুখ ফিরিয়ে নেবেন ? বল মা—বলে দাও আমার কর্তব্য কি ? একদিকে জগতের প্রত্যক্ষ দেবতা পিতা, অন্যদিকে সেই মহান্ পিতার গৌরব—বংশের মর্যাদা—ক্ষত্রিয়ের চির পবিত্র ধর্ম, বলে দাও মা—বলে দাও, কোন্ পথ গ্রহণ করবো ? একদিকে কর্তব্য—অন্যদিকে ধর্ম, দেখিয়ে দাও মা—আমায় শ্রেষ্ঠ পথ দেখিয়ে দাও ।

উলূপী । ধর্মপথ—বৎস ! ধর্মপথ অবলম্বন কর ।

চিত্রাঙ্গদা । কর্তব্য ছাপিয়ে আবার কি নূতন ধর্মপথ দেখাতে এসেছ

নাগিনি! বলেছি তো তোমার উদ্দেশ্য পূর্ণ হবে না, যাও—স্থানে
প্রস্থান কর।

বক্রবাহন। এ কি সমস্যায় পড়লুম! কর্তব্য বড়—না ধর্ম বড়?

আনন্দরামের প্রবেশ

আনন্দরাম। তার চেয়ে তো বড় একটা কাজ আছে ভাই! যাতে
কর্তব্য ও ধর্মের অপূর্ণ সম্মিলন—যার সম্মুখে জগতের সমস্ত সম্ভানকে
ভঙ্কিত করে মাথা নোয়াতে হয়—তুমি সেই পথ অবলম্বন কর ভাই!

বক্রবাহন। এমন পথ আছে দাদামশায়? দয়া ক'রে আমায় সেই
পথ দেখিয়ে দিন দাদামশায়!

আনন্দরাম। সে মাতৃ-আজ্ঞা, বিনা তর্কে অবনত মস্তকে মাতৃ-আজ্ঞা
পালন করাই সম্ভানের কর্তব্য ও ধর্ম।

বক্রবাহন। মাতৃ-আজ্ঞা—মাতৃ-আজ্ঞা, মা!

চিত্রাঙ্গনা। আবার প্রশ্ন করতে উদ্বৃত হচ্ছো কেন পুত্র! যাও,
আমার আদেশ পালন কর—তোমার পূজ্যপাদ পিতার সঙ্গে পরিচিত হও।

বক্রবাহন। মাতৃআজ্ঞা—মাতৃআজ্ঞা!

উলুপী! [স্বগত] পারলে না পুত্র—পারলে না? তাইতো, নারায়ণ
কি করবে? [প্রস্থান

বক্রবাহন গমনোচ্ছোগ করিলে গীতকণ্ঠে সুধার প্রবেশ

গীত

সুধা।—

(আমি) বড় আশা করে আসিরাছি ঘরে

কৃপাময়ী কর করুণা।

(আমার) আপন বলিতে নাহি কেহ ভবে

সুহৃতে হৃদয়-বেদনা ॥

অবশ চরণ পথ ঘুরে ঘুরে,
আছে শুধু প্রাণ আশাটুকু ধরে,
চাহ গো করুণা নয়নে ফিরে,

বঞ্চনা করোনা করোনা ॥

চিত্রাঙ্গদা । বক্রবাহন !

বক্রবাহন । মা !

চিত্রাঙ্গদা । তোমার প্রতিজ্ঞা স্বরণ আছে—স্বরণ আছে—আমি তোমায় চিন্তা করবার জন্ত একমাস সময় দিয়েছিলুম ?

বক্রবাহন । স্বরণ আছে মা !

চিত্রাঙ্গদা । আজ একমাস পূর্ণ, তাই এ বন্যবালিকা তোমার উত্তর নিতে এসেছে ।

স্বধা । আমি গুর কাছে আসবো কেন মা ! এসেছি তোমার কাছে তুমি যে সুবিচার করবে ব'লে ভরসা দিয়েছ মা !

চিত্রাঙ্গদা । তাই বটে—আমি বিচার করবো বলেছি । পুত্র ! তোমার কিছু বলবার আছে ? সুদীর্ঘ একমাস কাল তোমায় চিন্তা করবার অবসর দিয়েছিলুম, আজ উত্তর চাই ।

বক্রবাহন । [স্বগত] উত্তর—কি উত্তর দেবো, এই বেদিনীকে বিবাহ করবো কি না ? [প্রকাশ্যে] আগেই বলে দিয়েছি, একটা নীচ অসভ্য বন্যবালিকাকে বিবাহ ক'রে নিজের বংশ-মর্যাদা নষ্ট করবো ?

আনন্দরাম । কি ভাব্ছো ভায়া ! ভেবে এফটা বড় সুবিধে হবে না ; ছুঁড়ি একেবারে নাছোড়বান্দা—কাঠালের আঠার মত লেগে আছে, যা থাকে অদৃষ্টে—হুর্গা ব'লে ঝুলে পড়, বিয়ে করাটা তেমন দোষের হবে না । কারণ—“স্ত্রীরত্ন হুঙ্কলাদপি” পুঁথিতে দিব্যি কাটান মন্তর রয়েছে ।

বক্রবাহন । তা হয় না দাদামশায় ! প্রবৃত্তির উপর জোর চলে না ।

চিত্রাঙ্গদা । তবে বালিকার হাত ধ'রে তার ধর্মে—তার মর্যাদায় আঘাত দিয়েছিলে কেন ? শোন বক্রবাহন ! এ বিবাহ তোমায় কর্তেই হবে, আমার আদেশ ।

বক্রবাহন । এখানেও তোমার আদেশ জননি ! যেখানে বংশমর্যাদা নীচের স্বার্থের সম্মুখে ভুলুষ্ঠিত হয়—বিবেক পদাহত হয়—প্রবৃত্তির সংঘর্ষে কর্তব্য ক্ষত-বিক্ষত হ'য়ে যায়, সেখানেও মাতৃ-আজ্ঞা !

চিত্রাঙ্গদা । কোন কথা শুন্তে চাই না পুত্র, এ আমার দ্বিতীয় আজ্ঞা ।

বক্রবাহন । উত্তম, আগে তোমার প্রথম আদেশ পালন কর্তে দাও মা ! তারপর তোমার দ্বিতীয় আজ্ঞা পালন করবো । মাতৃআজ্ঞা—মাতৃ-আজ্ঞা—মাতৃআজ্ঞা !

[প্রস্থান ।

চিত্রাঙ্গদা । শুন্লে তো বালিকা ! আমার পুত্র সম্মত, কিন্তু তা হ'লেও পুত্রের বিবাহ তার পিতার অনুমতি সাপেক্ষ । যাও মা, তোমার ভাবী স্বপ্নের অনুমতি নিয়ে এসো ।

সুধা । যথা আদেশ ।]

[প্রস্থান ।

চিত্রাঙ্গদা । এসো ব্রাহ্মণ, দীর্ঘকাল পরে পুত্র পিতার চরণবন্দনা কর্তে যাচ্ছে, এসো তাকে যোগ্য বেশ ভূষায় সাজিয়ে দিই ।

[উভয়ের প্রস্থান ।

দ্বিতীয় দৃশ্য

প্রমোদ কক্ষ

ছর্জনসিংহ, শান্তি ও গর্ভকুমারীগণ

গীত

গর্ভকুমারীগণ ।—

কি মধুর বইছে মলয় বার ।

প্রেমে অবশ হাসে কুসুম

সোহাগে ঢ'লে পড়ে লতার গায় ॥

আসে অলি গুন্‌গুনিয়ে,

কুসুমে চুমে গিয়ে,

মাতোরারা দিশেহারা অলি

পালিয়ে যেতে লোটার পায় ॥

সরসীর বুকে শশী,

লহরে যায় লো ভাসি,

কুমুদী মুচুকে হাসি আড়নয়নে চায় ॥

প্রেমের তান নতুন সুরে তোলে পাপিয়ার ॥

[গর্ভকুমারীগণের প্রশ্নান ।

ছর্জন । শান্তি !

শান্তি । [পানপাত্র লইয়া] এই যে প্রভু, ধরুন !

ছর্জনসিংহ । [সুরাপান করিয়া] কি শান্তি, কেমন বুঝলে তোমাদের
সেই খাপদসকুল দুর্গম অরণ্যে বাস করায় স্থখের—না এই কোমলাঙ্গী

কামিনীর কলহাস্ত-মুখরিত প্রমোদবাসরে অপরিমেয় আনন্দ - হিল্লোলে সীতার দেওয়া সূখের ? তুমি পথ হারিয়ে খুব ভালই করেছ. নইলে কি এমন সূখের স্থান দেখতে পেতে ? তারা যে তোমায় তাড়িয়ে দিয়েছিল— বেশ করেছিল, তোমার উপকার ক'বেছে, নইলে কি আমার অনুগ্রহ লাভ করতে পারতে ? তারা আমার শত্রু—তোমার শত্রু, আগে এখানকার পালা শেষ হোক, তারপর তাদের পালা । কেমন শাস্তি ?

শাস্তি । প্রভুর যেমন অভিরুচি ।

দুর্জনসিংহ । জঙ্গলে জানোয়ারদের সঙ্গে থেকে এমন সাধুভাষা শিখলে কেমন ক'রে শাস্তি ?

শাস্তি । প্রভুর কাছে ।

দুর্জনসিংহ । সেখানেও আবার প্রভু বেটা আছে নাকি ? কে বাবা সে প্রভু তোমার শাস্তি ? দাও, আগে একটু দাও !

শাস্তি । [পানপাত্র দুর্জনসিংহের হস্তে দিয়া] প্রভু আছে বৈকি প্রভু, আমাদের প্রভু ঋষিঠাকুর ।

দুর্জনসিংহ । বাঃ—শাস্তি, বাঃ ! আবার ঋষিও আছেন ? যাক্— চুলোয় যাক্ তোমাদের ঋষি, এখন একখানা জঙ্গলি গান শোনাও তো শাস্তি, যদি ভাল লাগে তো পুরস্কার পাবে, বুঝেছ ?

শাস্তি । দাসের এমন কি যোগ্যতা আছে যে, প্রভুকে সন্তুষ্ট করতে পারে, তা ছাড়া জঙ্গলি গান কি প্রভুর ভাল লাগবে ?

দুর্জনসিংহ । ভাল না লাগুক—তবু নূতন হবে, এ মেয়ে মাহুষের গান কেমন একঘেয়ে হ'য়ে গেছে ।

শাস্তি । তবে গুন ।

গীত

শাস্তি—

প্রভু, এই মোরে কর বরদান ।
নাহি সাধ নাহি আশা—তোমার চরণে সব
দয়াময়—দিছি বলিদান ॥
আমি চাহি না কীর্তি অতুল সম্পদ,
কর হীন মোরে দাও প্রভু বিপদ,
লালসা ছেদিয়া কামনা রোধিয়া
বিশ্বপ্রেমে মোর মাতাও প্রাণ ॥
চাহি না হইতে জগতে শ্রেষ্ঠ,
বিশ্মুতি সলিলে ডুবাও ইষ্ট,
কর মোরে দয়াময় তৃণাদপি ক্ষুদ্র
সেবিত্তে সবারে কর বলীয়ান ॥
সুরম্য হর্ষ্য নাহিক কামনা,
শ্রামতরু-ছায়ে রাখিতে ভুলো না,
দিও না ছলনা—দেখো প্রভু রেখো
বনের পাখীর মত সাদা প্রাণ ॥

দুর্জনসিংহ । এমন নীরস শুক সঙ্গীতের পুবঙ্কার এই পদা—

শ্রীকৃষ্ণের প্রবেশ

শ্রীকৃষ্ণ । আহা-হা বন্ধু—কর কি ! যত রোক এই ছেলেটার উপর ?
এদিকে যে সব মতলব ভেস্বে যেতে বসেছে ।

[শাস্তির প্রশ্নান ।

দুর্জনসিংহ । বল কি হে, এমন আটঘাট বেঁধে মতলব আঁটলুম
ভেস্বে গেল ?

শ্রীকৃষ্ণ । মতলবের বনেদ আলগা হ'য়ে গেছে বন্ধু—বনেদ আলগা হ'য়ে গেছে ।

দুর্জয়সিংহ । তবু ব্যাপারটা কি শুনি ?

শ্রীকৃষ্ণ । ব্যাপার একেবারে ঘোলাটে । দেখলে ত, রাজাটা অমন বিরাট আশ্ফালন ক'রে ঘোড়া ধরুলে—তারপর হঠাৎ তার প্রাণে বিপুল মাতৃভক্তির প্রবল বান্ ডেকে উঠলো, ব্যস্ অমনি সমস্ত বীরত্ব—সমস্ত আশ্ফালন সেই বানের জলে ভেসে গেল । এখন রাজা ঘোড়া ফিরিয়ে দিয়ে দুর্জয় বীর ফাজলীর সঙ্গে সন্ধি করতে চলেছে ।

দুর্জয়সিংহ । বটে !

শ্রীকৃষ্ণ । শুধু এটুকু শুনেই বটে ব'লে আকাশপানে তাকালে চলবে না, আরও রকম আছে—এই হিড়িকে আবার রাজার বিয়েও সব ঠিকঠাক ।

দুর্জয়সিংহ । কার সঙ্গে ?

শ্রীকৃষ্ণ । সেই জঙ্গলী বেদের মেয়েটা, এখন রাজার বাকদত্তা পত্নী ।

দুর্জয়সিংহ । বল কি ! দুর্বৃত্ত বেদে বেটা'রা আমার শত্রু—তাদের এতখানি সৌভাগ্য ?

শ্রীকৃষ্ণ । সৌভাগ্য নয়—মণিপুররাজের আত্মীয় হ'তে চলেছে ।

দুর্জয়সিংহ । হঁ, এর প্রতিবিধান করবো । আগে রাজার ব্যবস্থা—তারপর রাজার আত্মীয়—বন্ধু ! পারবে ? না—প্রয়োজন নেই, আমার সঙ্গে এস ।

[উভয়ের প্রস্থান ।]

তৃতীয় দৃশ্য

গঙ্গাতীরবর্তী পথ

অনন্ত

অনন্ত । এতদিন ঘুরে এতখানি পথে এলুম, কিন্তু কৈ—আমার উলুপী কৈ ? তার ত কোন সন্ধান পেলুম না । তবে কি আমার অভিমানিনী মা, ইহকালের সমস্ত আশা—সমস্ত আকাঙ্ক্ষা ভাগীরথীর পবিত্র সলিলে ভাসিয়ে দিয়ে চিরদিনের মত নিশ্চিন্ত হয়েছে ? কি করুলি অভাগিনী—কি করুলি, বড় ক্লান্ত হয়ে পড়েছি—এ বয়সে এত পরিশ্রম কি এ ভয়দেহে নয় ! এইখানে একটু বসি । [উপবেশন]

উলুপীর প্রবেশ

উলুপী । হ'ল না—হ'ল না, আমার উদ্দেশ্য পূর্ণ হ'ল না । স্বামিহত্যার এত আয়োজন সব ব্যর্থ হ'ল । কি করি—কি করি ? মধুসূদন ! ব'লে দাও প্রভু—ব'লে দাও, আমার স্বামীর উদ্ধারের উপায় ব'লে দাও । সবাই জেনেছে—সবাই বুঝেছে—অভাগিনী সতীনের উপর দীর্ষাপরতন্ত্রা হ'য়ে তার সর্বস্ব—তার ইহপরকাল—তার হৃদয়দেবতার জীবনসংহারে উচ্ছত ; কিন্তু অসুখ্যামী, এ হতভাগিনীর অন্তরের কথা ত তোমার অবিদিত নাই, আমি আমার সর্বনাশ করতে চলেছি, শুধু তাঁর জন্ত—নিজের হৃদপিণ্ড নিজে উৎপাটন করতে উচ্ছত হয়েছি—শুধু তাঁর মঙ্গলের জন্ত, চিরবৈধব্যকে সাদরে আলিঙ্গন করতে পরিপূর্ণ উৎকণ্ঠা নিয়ে ছুটেছি

শুধু তাঁর পবিত্র-আত্মার উদ্ধারের জন্ত । জগৎ তা জানে না—জগৎ তা বোঝে না, তাই ঘৃণাপূর্ণ-বক্র-কুটিল দৃষ্টিতে আমার দিকে চেয়ে বলে “আয়—আয় জগতের সাধ্বী সীমন্তিনীগণ পালিয়ে আয়, স্বামীঘাতিনীর ছায়া স্পর্শ করিস্নি । তার নিখাসে—বিষদৃষ্টিতে অগ্নিস্ফুলিঙ্গ স্পর্শ করান মৃত্যুর বিভীষিকা ! আয়—আয় পালিয়ে আয় ।”

অনন্ত । কে রে ডাকিনী ! বীভৎসা মূর্তি ধ’রে এই চিরশাস্তি চির-পবিত্র ভাগীরথী সৈকতেও পৈশাচিক লীলার অবতারণা করতে নরক ভ’তে উঠে এসেছিস্ ? এসেছিস্ বেশ করেছিস্, আয় আয়—ছুটে আয়, দেখ এ বুড়োর বুকখানা শ্মশান হ’য়ে গেছে, আয় শ্মশানরঙ্গিনী প্রেতিনী বীভৎসতার অভিনয় করবি আয় ! তোদের হৃদয়ে তো মমতার স্থান নেই—স্নেহের অস্তিত্ব নেই—ভালবাসার গন্ধ নেই, পার্‌বি—তোরাই পার্‌বি ; ব্যথিতের যজ্ঞগা নিয়ে তোদের খেলা, হতাশের দীর্ঘশ্বাসে তোদের আনন্দ, মুমূর্ষুর মরণ-যজ্ঞগা তোদের উল্লাসের প্রথম উত্তেজনা । আয় পিশাচী—আয় এই অশীতিপর বৃদ্ধের শ্মশানপ্রায় উন্মুক্ত বুকখানায় পরিপূর্ণ উল্লাসে নৃত্য করবি আয় ! আয়—আয়—ছুটে আয় ।

উলুপী । কে তুমি বৃদ্ধ ? কিসের অভাব তোমায় এতখানি উন্মত্ত করেছে ? একি ! একি ! তুমি ? বাবা—বাবা ! বাবা, তুমি এমন হ’লে কেন বাবা ?

অনন্ত । তুই ? উলুপী ? হারানিধি মা আমার—বল পাষণী, এই বুড়াকে আর কতদিন এমনভাবে যজ্ঞগা দিবি ? চল, অভিমানিনী মা—গৃহে চল ।

উলুপী । না বাবা ! তা পারবো না—হবে না, আমার কর্তব্য এখনও অসম্পূর্ণ ।

অনন্ত । আমার কর্তব্য কি তোর ? তুই কি মনে করেছিস্ এমনি-

ভাবে উন্মাদিনীর মত পথে পথে ঘোরাই তোর কর্তব্য আর বৃদ্ধ পিতার সেবা করা কি তোর কর্তব্যের বাইরে ?

উলুপী । না বাবা—তা নয়, সে কথা তোমায় ব'লে আর একদিন বোঝাব, যদি বেঁচে থাকি ।

অনন্ত । বাঁচবিনি কি, তোকে যে বাঁচতেই হবে—তোকে মরতে দেবো না বলেই এতদিন ধ'বে তোকে খুঁজে বেড়াচ্ছি—সখন পেয়েছি—আর তোকে মারে কে ? সন্তানের মা হ'য়েও তুই বুঝলিনে, সন্তানের জন্য পিতামাতার প্রাণ কতখানি ব্যাকুল হয় । নে—নে এই সঞ্জীবনী মণি, দেবতার দান—কাছে রাখ, মৃত্যু কখনও তোকে স্পর্শ করতে পারবে না ।

উলুপী । [স্বগত] হতভাগিনী উলুপী এতখানি পিতৃশ্নেহের অধিকারিণী হ'য়েও আজ তুই মন্দভাগিনী !

অনন্ত । দাঁড়িয়ে দাঁড়িয়ে কি ভাবছিস্ ? নে—মণি নে ।

উলুপী । মণি কি করবো বাবা ! ও মণি আমার কোন উপকারে আসবে না—মরণপথের যাত্রী আমি, সঞ্জীবনী মণি আমার গন্তব্য-পথের প্রধান অন্তরায় হ'য়ে দাঁড়াবে । কাজ নেই বাবা, তোমার মণি তুমি নিয়ে যাও ।

অনন্ত । নিয়ে যাব ব'লে বুঝি এতদিন ধ'রে তোর অনুসন্ধান ক'রে বেড়াচ্ছি—পাষাণী বেটা, এতটুকু মায়া হ'চ্ছে না ? দেখ দেখি কি ছিলুম আর কি হয়েছি ? অসভ্য অনাৰ্য্য হ'লেও আমি রাজা—কিন্তু শ্নেহের দুর্বলতা সমস্ত তুচ্ছ ক'রে কখনও অনগনে—কখনও অর্দ্ধাণনে দিন রাত তোর জন্য ঘুরে বেড়াচ্ছি, আর তুই বুকখানাকে পাথরের চেয়েও শক্ত ক'রে বেশ অম্লান বদনে বলি 'মণি নিয়ে যাও' । তা হবে না উলুপী ! মণি তোকে নিতেই হবে । নে বলছি—এ আদেশ নয়—আজ্ঞার নয়—কর্তার কাছে শ্নেহাঙ্ক বৃদ্ধ পিতার অনুরোধ ।

। দাও বাবা, মণি দাও ।

অনন্ত । [মণি প্রদান করতঃ] ব্যস নিশ্চিন্ত ! এইবার তুই যা তোর কর্তব্য পথে কোন বাধা দেবো না, স্নেহের কর্তব্য ছাড়া এ বৃদ্ধের আরও কর্তব্য আছে ।

[প্রস্থান

উলূপী । মহান্ পিতা ! ধন্য তুমি, ধন্য তোমার সন্তানবাৎসল্য ! তুমি কেমন ক'রে জানবে বাবা—কি অসহনীয় মর্ষদাহ আমার এই ক্ষুদ্র হৃদয়ে ! তোমায় কেমন ক'রে জানাবো বাবা, তোমার মত স্নেহপরায়ণ পিতার কণ্ঠা কখন পাষণী হ'তে পারে না । কেমন ক'রে বোঝাবো তোমায়, কর্তব্যের নির্মম কশাঘাতে ক্ষত-বিক্ষত হ'য়ে বিবেক জ্ঞানহারা হ'য়ে পড়েছে ! পিতা হ'য়ে যুক্ত করে কণ্ঠার কাছে অনুরোধ করলে—প্রত্যাখ্যান করতে পারলুম না, তাই মণি গ্রহণ করলুম ; কিন্তু এতে আমার কোন প্রয়োজন নেই । উপকারের আশা দূরে থাক—যদি তাই হয়—না, এ মণি আমি গঙ্গায় নিক্ষেপ করবো ।

[তথা করণোচ্চোগ]

শ্রীকৃষ্ণের প্রবেশ

শ্রীকৃষ্ণ । আহা-হা, করছো কি যা ! অমন অমূল্য নিধি জলে ফেলে দিচ্ছ ?

উলূপী । কি করবো, বাধ্য হয়েই ফেলে দিচ্ছি, কাছে রাখলে ইষ্ট অপেক্ষা অনিষ্টের আশাই যখন বেশী—তখন ফেলে দেওয়াই ভাল ।

শ্রীকৃষ্ণ । নিজের উপকারে না আসে, পরের উপকারে ত আসতে পারে ? তাই কর না কেন—প্রার্থীকে দান কর না কেন ?

উলূপী । কৈ—কেউ ত আমার কাছে প্রার্থনা করে নি, তুমি চাও ?

গীতকণ্ঠে সুধার প্রবেশ ।

গীত

সুধা ।—

স্বপনের হাত ধরি ।

কামনার পথে চল লো কামিনী

আশার আলোক হেরি ॥

জীবন উদ্গানে সাধের রচনা,

স্বপনের তরু নাহিক তুলনা,

ললিত লতার প্রাণের কামনা জড়িত হইতে চারু অঙ্গ বেড়ি ॥

সুধা । বলতে পার মা, এই পথেই কি পাণ্ডবের শিবির ?

উলূপী । কে তুমি বালিকা ?

সুধা । আমায় চিন্তে পারবে না মা ! সেই বনের বেদের মেয়ে
আমি—মনে পড়েছে মা ?

উলূপী । সেই বেদের মেয়ে তুমি ! পাণ্ডবের শিবিরে তোমার
প্রয়োজন কি বালিকা ?

সুধা । উদ্দেশ্য মন্দ না হ'লেও গুহ্য—উদ্দেশ্য না শুনে যদি পথ ব'লে
দিতে আপত্তি থাকে—প্রয়োজন নেই মা, নিজের পথ নিজেই খুঁজে নোব ।

উলূপী । তোমার সঙ্গে আমার প্রথম সাক্ষাৎ ঐ পাণ্ডব-শিবিরে, অথচ
তুমি পথ চেন না ?

সুধা । তখন বেদেরের সঙ্গে ভিক্ষে ক'রে অল্প পথ দিয়ে ফিরছিলুম ।

[গমনোচ্চোগ]

শ্রীকৃষ্ণ । দাঁড়াও বালিকা ! তোমার আর কে আছে ?

সুধা । একটি ছোট ভাই আছে, বেদেরা আছে, ঋষি ঠাকুর আছেন,
আর খেলার সাথী—বাঘ, বোরা, সিঙ্গী আছে ।

উলূপী । তাহ'লে তোমারই কাজে লাগবে, হিংস্র জন্তু নিয়ে

খেলা কর—এই নাও বালিকা! এই অমূল্য সঞ্জীবনী মণি, তোমার ভাইয়ের গলায় পরিয়ে দিও, এ মণি কাছে থাকলে মৃত্যুভয় থাকে না।
(মণি প্রদান) যাও বালিকা, পাণ্ডব-শিবির এই পথে।

সুধা। করুণাময়ী মা, আপনাকে কোটি কোটি প্রণাম। মহাশয়!
আপনাকেও অভিবাদন করি। [প্রস্থান]

শ্রীকৃষ্ণ। [স্বগত] চিরায়ুস্বতী হও।

উলুপী। এইবার তো তোমার কথা রেখেছি।

শ্রীকৃষ্ণ। কৈ আর রাখলে? বালিকা তো প্রার্থনা করেনি।

উলুপী। প্রার্থনা নাই বা করলে, একটা অনাথ বালকের জীবন রক্ষা করতে দান করেছি—গঙ্গাগর্ভে নিক্ষেপ করিনি এই যথেষ্ট, আর আমি তোমার সঙ্গে বৃথা তর্কে সময় নষ্ট করতে পারি না, একটা ক্ষুদ্র মুহূর্ত্তও এখন আমার পক্ষে মূল্যবান। [প্রস্থান]

শ্রীকৃষ্ণ। যাক্, বক্রবাহনের জন্ম এই মণিটি বিশেষ প্রয়োজন, বালিকা যখন শুনবে তার ভাবী স্বামী বীরাগ্রগণ্য তৃতীয় পাণ্ডবের প্রতিধ্বন্দ্বী হ'য়ে সমরে অগ্রসর—তখন সে তার ভাইয়ের কথা ভুলে গিয়ে এ মণি বক্রবাহনকেই প্রদান করবে, তখন আর তার জন্ম চিন্তা কি। দেখি, এখন বন্ধুবর স্বার্থ-সিদ্ধি ও প্রতিশোধের সঙ্কল্প নিয়ে কেমন নূতন-জাল পেতেছে। [প্রস্থান]

দুর্জয়সিংহের প্রবেশ।

দুর্জয়সিংহ। তাই তো, অমন মণিটে পাগলী মাগী ওই বেদের মেয়েটাকে দিয়ে দিলে! কে জানতো পাগলী মাগীর কাছে অমন জিনিষ আছে, তাহ'লে কি হাতছাড়া হয়। যাই হোক, চেঁচায় থাকতে হবে, ঐ সঞ্জীবনী মণি আমার চাই।

চতুর্থ দৃশ্য

পাণ্ডব-শিবির

অর্জুন একাকী চিন্তিতমনে পদচারণা করিতেছিলেন।

অর্জুন। জমাট বাঁধা একরাশ কুজাটিকা যেন সমস্ত ব্রহ্মাণ্ড ছেয়ে ফেলেছে, দিক্ নির্ণয় করা যায় না। কে? বৃষকেতু! এমন বিমর্ষ কেন বৎস?

বৃষকেতুর প্রবেশ

বৃষকেতু। বিমর্ষ কেন? জেনে শুনেও আবার এ কথা জিজ্ঞাসা করছেন তাত? কুরুক্ষেত্র মহাসমরে সেই লোমহর্ষণ স্মৃতি এখনও যে হৃদয়পটে জলন্ত অক্ষরে খোদিত রয়েছে। পিতৃব্য! সেই সপ্তরথী-বেষ্টিত বীরেন্দ্রকেশরী ভাই আমার যখন অন্ত্যায় সময়ে প্রাণ দিয়েছিল,—সেই পুত্র-শোক অধীর আপনি পুত্রহত্যার প্রতিশোধ নিতে দৃঢ়প্রতিজ্ঞ হ'য়ে যে পুত্র-বাৎসল্যের পরিচয় দিয়েছিলেন—আজ সে পুত্র-বাৎসল্য কোথায় গেল পিতৃব্য? যে স্তূতপ্ত ক্ষাত্রশোণিত অভিমহ্যুর দেহে প্রবাহিত ছিল—সে রক্ত-স্রোত কি বক্রবাহনের দেহে প্রবাহিত নয়? অভিমহ্যু আপনার পুত্র আর বক্রবাহন কি কেউ নয়? তাই কি আজ অশ্রমেধ যজ্ঞ উপলক্ষ্য ক'রে এই নৃশংস পুত্রমেধ যজ্ঞের আয়োজন করছেন? বলুন পিতৃব্য! মহাবল পাণ্ডববংশ যদি নির্বংশ করাই আপনার স্বপ্ন হয়, তাহ'লে আর ইতস্ততঃ করছেন কেন? এই বিরাট পুত্রমেধ যজ্ঞে কুমার বক্রবাহনের রক্তে পূর্ণাহতি দেবার পূর্বে এই হতভাগ্য বৃষকেতুর রক্তে তার অভিষেক ক্রিয়া সম্পন্ন করুন।

অর্জুন। বৎস! বালক তুমি, ধর্মনীতির মর্ম তুমি কি বুঝবে! জীব মাতেই বাৎসল্যের দাস, কিন্তু কত্রিয়ের ধর্মনীতির সম্মুখে বাৎসল্য

একটা মানসিক দুর্বলতা ভিন্ন আর কিছুই নয় বৎস ! বক্রবাহন ক্ষত্র-
ধর্মের মহান্ নীতি অবলম্বন ক'রে বীরগর্বে পাণ্ডবের যজ্ঞাশ্ব ধরেছে—
এ কি শুধু তার গৌরব ? পুত্রের বীরকার্যে কি পিতা আপনাকে গৌরবান্বিত
মনে করে না ? আজ ঘটনাচক্রে এ অশ্রুকার ভার আমার উপর পড়েছে
—তাই আজ পিতা-পুত্রে যুদ্ধের সম্ভাবনা । তোমার বীর ভ্রাতা—আমার
বীর পুত্র এই বীরকার্য ক'রে ক্ষত্রিয়ের ধর্মনীতি অক্ষরে অক্ষরে পালন
করেছে, ক্ষত্রিয়ের এ অপেক্ষা গৌরবের কার্য আর কি আছে বৎস ?
উল্লাস কর বৃষকেতু—তোমার বীরভ্রাতার এ মহান্ গৌরব অর্জনে আমার
মত তুমিও অংশভাগী, উল্লাস কর বৃষকেতু—উল্লাস কর ।

বৃষকেতু । আমায় মার্জনা করুন পিতৃব্য ! এ নৃশংস নীতির মর্ম
উপলব্ধি করবার প্রবৃত্তি আমার নেই ।

অর্জুন । বৃষকেতু ! ক্ষত্রিয়-কুলগৌরব বীরশ্রেষ্ঠ কর্ণের নন্দন তুমি—
তোমার মুখে এই কথা ? সেই কুরুক্ষেত্র মহাসমরের কথাই স্মরণ কর বৎস !
এই মহান্ ধর্মনীতি পালন করতে তোমার পিতা কি করেছিলেন ?
পঞ্চপাণ্ডবের জ্যেষ্ঠ ও শ্রেষ্ঠ হ'য়েও তিনি ভাইয়ের বিরুদ্ধে অস্ত্রধারণ করেন
নি ? এই ক্ষত্র-ধর্মনীতি পালন করতে আমি কি না করেছি বৎস !
পূজনীয় অগ্রজকে সম্মুখসমরে নিধন করেছি—পিতামহ ভীষ্মদেবকে
শরশয্যাশায়ী করেছি—শিক্ষাদাতা আচার্যদেবকে জীবনান্ত করেছি—
প্রাণাধিক পুত্রকে কালের মুখে আহুতি দিয়েছি—ক্ষত্রিয় কুলে জন্মগ্রহণ
করেছ, তুচ্ছ মমতায় অকুণ্ট হ'য়ে ধর্মপথ হ'তে—কর্তব্য পথ হ'তে
বিচলিত হ'য়ে না বৎস ! দূঢ় হও ।

প্রহরীর প্রবেশ

অর্জুন । কি সংবাদ ?

প্রহরী । মণিপুররাজ আপনার দর্শন-প্রার্থী

অর্জুন । [স্বগত] কি উদ্দেশ্যে বক্রবাহন আমার দর্শনপ্রার্থী !
তবে কি দুর্দ্বর্ষ ফাল্গুনীর অপরাভেয়-শক্তির বিষয় অবগত হ'য়ে অশ্ব
প্রত্যর্পণ করতে এসেছে ?

বৃষকেতু । অনুমতি করুন পিতৃব্য ! ভাইকে সাদরে অভ্যর্থনা ক'রে
এইখানে নিয়ে আসি ?

অর্জুন । [স্বগত] বালকের এই স্বভাব-স্বলভ স্নেহের আকর্ষণই
তাকে কর্তব্য পথ হ'তে বিচলিত করবে—প্রণয় দেওয়া হবে না ।
[প্রকাশ্যে] প্রয়োজন নেই বৎস ! যাও প্রহরি, মণিপুররাজকে সমস্মানে
এইখানে নিয়ে এস । [প্রহরীর প্রস্থান] বৃষকেতু !

বৃষকেতু । পিতৃব্য !

অর্জুন । আমি আবার বলছি বৎস ! দৃঢ় হও, মমতায় কর্তব্য ভুলো
না । [স্বগত] হৃদয়ে প্রবল ঝড় উঠেছে—ক্ষুদ্র বালককে উৎসাহিত
করতে নিজে পদস্থলিত হ'য়ে পড়ছি—একি দুর্বলতা !

বক্রবাহনের প্রবেশ

বক্রবাহন । পিতা ! প্রণমি চরণে
সফল জীবন—সফল জনম
বহু পুণ্যে মিলিয়াছে পিতৃ দরশন ।
সযত্ন রোপিত আশাতরু
ভাগ্যফলে পুষ্পিত ফলিত আজি,
আবাল্য পোষিত সাধ
পূর্ণ আজি তব আগমনে ।
আশিষ দাসেরে,
যেন এই শুভক্ষণ
মধুময় রহে চিরদিন ।

পিতা বলি না সস্তাষ মোরে
 পিতৃনামে কলঙ্ক রটায়ৈ ।
 বক্রবাহন । পিতা—পিতা !
 একি বাণী শুনি নিদারুণ
 বড় আশে এসেছিহু সেবিত্তে চরণ,
 অপরাধী মাগিত্তে যার্জনা
 সে সাধে সেধো না বাদ
 সস্তানের চির-পুতভক্তি-পুষ্পাঞ্জলী
 দলিও না—দলিও না চরণের ঘায়
 হৃদয়ের চিরপুষ্ট আশা মধুময়
 পিতৃসেবা চিরকাম্য সস্তান জীবনে ;
 ক'রো না—ক'রো না তিক্ত তাহা—
 স্নেহময় পিতা হ'য়ে নিষ্ঠুর বচনে ।
 ভ্রান্তিবশে করিয়াছি দোষ
 না চাও ক্ষমিতে যদি
 দেহ শাস্তি যথা অভিরুচি ।
 শুধু বারেকের তরে-
 পূর্ণ কর জীবনের সাধ
 স্নেহভাবে পুত্র বলি সস্তাষি আমারে ।
 অর্জুন । ফাস্তনীর পুত্র কভু নহে কাপুরুষ,
 প্রাণভয়ে উচ্চনির নাহি করে নত ।
 ক্ষত্রিয় নন্দন—রণ তার চির আকিঞ্চন,
 পালিতে ক্ষত্রিয় ধর্ম—
 হ'লে প্রয়োজন—

অবহেলে রূপে প্রাণ দেয় বিসর্জন ।
 ধর্ম আচরণে পুত্র পিতা নাহি গণে,
 সগর্বে গৌরব ধ্বজা উড়ায় গগনে ।
 তুই হীন জারজ নন্দন
 নাহি লাজ পিতা বলি সম্বোধিতে পরে,
 মানন্দে বহিতে শিরে পরের পাদুকা
 মান অপমান—
 নাহি ভেদাভেদ তোর পাশে ;
 এত যদি আকিঞ্চন পিতৃ-সন্তাষণে
 অত্র মাতৃ-জার ত্বরা কর অশ্বেষণ ।

বক্রবাহন ।

শুক হও পাণ্ডুর নন্দন !
 হেন বাণী নাহি কর পুন উচ্চারণ—
 জীবনের ক্রবতারা জননী আমার
 স্বর্গাদপি গরীয়সী সে দেবী প্রতিমা
 কর যদি তাঁর নিন্দাবাদ
 পিতা বলি না করিব ক্ষমা !
 হীন বাণী উচ্চারিত যে রসনা হ'তে
 সে পাপ রসনা
 নখাঘাতে মুহূর্ত্তে ছিঁড়িয়া
 বাকশক্তি চিরতরে বিলোপিব তার ।
 তন পার্থ ! প্রতিজ্ঞা আমার
 যতক্ষণ নিজমুখে না কর স্বীকার,
 পিতা বলি না ডাকিব আর,
 ধরিয়ছি পাণ্ডবের হয়

স্বৈচ্ছায় না দিব ফিরি
 সাধ্য হয় উদ্ধার করহ বাঙ্গী । [প্রস্থান
 অর্জুন । [স্বগত] এইবার
 সাধ হয় পুত্র বলি করিতে স্বীকার ।
 নিয়ে পুত্রযোগ্য ভক্তি উপহার
 এসেছিল পিতৃসম্মিধানে
 বড় আশে পূজিতে পিতায়—
 ভুলে গিয়ে বীরপুত্র বীর আচরণ
 তাই ফিরে গেল ব্যর্থ মনোরথে ।
 এস বীর ! বীরযোগ্য সাজে
 নিয়ে সাথে বীরপূজা যোগ্য উপচার
 অস্ত্রে অস্ত্রে দিতে পরিচয়
 স্নেহভক্তি বিনিময়—হৃদয় শোণিতে ।

বৃষকেতু । পিতৃব্য !

অর্জুন । জিজ্ঞাসা করছো এই কি পুত্রস্নেহ ? এর উত্তর আর
 একদিন দেবো বৎস—উপস্থিত যুদ্ধের আয়োজন কর ।

[বৃষকেতুর প্রস্থান

অর্জুন । স্নেহের সঙ্গে কর্তব্যের স্বন্দ, এর জয়ে আনন্দ—না পরাজয়ে
 আনন্দ ! কে তুমি বালিকা ?

সুধার প্রবেশ

সুধা । মহামাণ্ড ভারতেশ্বর সহোদর, বীরচূড়ামণি তৃতীয় পাণ্ডব
 এত বড় লোক হ'য়ে একটা বাল্য বেদের মেয়েকে যে মনে ক'রে রাখবেন,
 এরূপ আশা করাই অশ্রায়—তবে যখন নিজের পরিচয় জিজ্ঞাসা ক'রে

প্রকারান্তরে বড় লোকের নিজস্ব স্বভাবের পরিচয়টা দিচ্ছেন, তখন আর বলতে আপত্তি কি।

অর্জুন । আর বলতে হবে না বালিকা, আমি তোমায় চিনেছি—
তুমি আমার জীবনদাত্রী—এক উন্মাদিনীর উত্তম ছুরিকার শাণিত ফলক
হ'তে আমার প্রাণরক্ষা ক'রেছ।

সুধা । আপনি দেবতা—অজ্ঞান বন্য বালিকার প্রগল্ভতা মাপ
করুন।

অর্জুন । জীবনদাত্রী মা, তোমার অপরাধ—ওঠ মা—মা, এখনই
ভয়াবহ রণ কোলাহলে এই শুষ্ক প্রান্তর মুখরিত হ'য়ে উঠবে—উষ্ণ
রক্তশ্রোতে উষর ভূমি কর্দমিত হ'য়ে উঠবে আহতের আর্তনাদে
দিগন্ত কেঁপে উঠবে—এমন সময় এ ভীষণ স্থানে আপনাকে বিপন্ন
করতে কি উদ্দেশ্যে এসেছ মা?

সুধা । যুদ্ধ ! কার সঙ্গে হবে ?

অর্জুন । মণিপুররাজ পাণ্ডবের যজ্ঞীয় বাজী ধরেছে, পাণ্ডব নিজের
শক্তিতে সে অশ্ব উদ্ধার করবে, এইজন্য যুদ্ধ।

সুধা । শুনেছি মণিপুররাজ আপনার পুত্র—পুত্রের সঙ্গে !

অর্জুন । হ্যাঁ বালিকা, যা শুনেছ তা যদি সত্য হয়, তাহ'লে পুত্রের
সঙ্গেই যুদ্ধ।

সুধা । এ যুদ্ধ কি অনিবার্য ?

অর্জুন । হ্যাঁ বালিকা, এ যুদ্ধ অনিবার্য—বালিকা ! তোমার
প্রয়োজনের কথা ত কিছু বললে না ?

সুধা । যখন যুদ্ধ অনিবার্য—তখন আর বলবো না, যদি দিন পাই
এই রণাবসানে আবার আপনার সঙ্গে সাক্ষাৎ করবো। [প্রস্থান

অর্জুন । এ বালিকা যেন মৃষ্টিমতি প্রহেলিকা !

পঞ্চম দৃশ্য

প্রমোদ কক

দুর্জনসিংহের প্রবেশ

দুর্জনসিংহ । তাই তো, এ যেন সব ভোজবাজী ব'লে মনে হ'চ্ছে । কে যে কি করছে তাও ঠিক বোঝা যাচ্ছে না—অথচ কি যেন একটা তুমুল ব্যাপার সংঘটনের পূর্ব লক্ষণ ব'লে মনে হচ্ছে । এই শুন্‌লুম বক্রবাহন ঘোড়া ফিরিয়ে দিতে গেছে—অথচ গুপ্তচরের মুখে সংবাদ পেলুম পাণ্ডব-শিবিরে সাজ সাজ রব উঠেছে ।

শ্রীকৃষ্ণের প্রবেশ

শ্রীকৃষ্ণ । ও দুটোই সত্যি বন্ধু—রাজা ঘোড়া ফিরিয়ে দিতে গেছে, আর পাণ্ডব-শিবিরে “সাজ সাজ” রবও উঠছে ।

দুর্জনসিংহ । তার মানে ?

শ্রীকৃষ্ণ । তার সরলার্থ হ'চ্ছে যুদ্ধ—আরও বিশদবাখ্যা করতে গেলে বলতে হয় যুদ্ধটা বক্রবাহনেরই সঙ্গে । আর একেবারে জলের মত বোঝাতে গেলে এই দাঁড়াবে, বক্রবাহন ঘোড়া ফিরে দিতে গিয়ে লাহিত অপমানিত হ'য়ে ফিরে এসেছে, প্রতিশোধ নিতে বন্ধপরিকর, কাজেই যুদ্ধ অনিবার্য ।

দুর্জনসিংহ । ব্যাস্ নিশ্চিত—এইবার বেদের পালা—অপমানের প্রতিশোধ বন্ধ, পারবে ?

শ্রীকৃষ্ণ । কি করতে হবে ?

দুর্জনসিংহ । ঐ জঙ্গল সীমান্তস্থ বেদে পল্লীতে আগুন লাগাতে হবে ।

শ্রীকৃষ্ণ । আমার যে এখন আগুন লাগাবার সময় হয়নি বন্ধু !

দুর্জনসিংহ । তুমি অপদার্থ ।

শ্রীকৃষ্ণ । সেটা আজ বুঝলে বন্ধু ?

[প্রশ্নান

দুর্জনসিংহ । এদিকে লোকটা অপদার্থ হ'লেও গুপ্তচরের কার্যে বেশ দক্ষতা দেখায় । নিজের উদ্দেশ্য সিদ্ধির জন্য লোকটাকে হাতে রাখতে হবে—উদ্দেশ্য সিদ্ধ হ'লে তাকে আবর্জনার মত পরিত্যাগ করবো—কে আছি !

গীতকণ্ঠে জগা পাগলার প্রবেশ

গীত

জগা ।—

আছে একটা ছিনে জেঁক ।

কামড়ে ক'সে আছ প'ড়ে

ঝরিয়া সে বেজায় রোক ॥

টান্বে যত বাড়বে তত

শুনবে না মানা,—

হলুদপোড়া হুনের গুঁড়ো

তাতেও সান্বে না,

দেখে ওঝার লাগে দাঁতকপাটি

মাছের মায়ের পুত্রশোক ॥

জেঁকের গুণ বড় ভারি

তার কামড় শক্ত খায় না রক্ত এই বাহাদুরী,

বিষটুকু তার বেজায় ঝাঁঝাল

মগজেতে ওঠে ঝেঁক ॥

দুর্জনসিংহ । কে আছিস্ ! এ দুর্বৃত্ত উন্মাদকে বন্দী কর, এ আমার উন্মাদ না ক'রে ছাড়বে না ।

গীত

(তোমার) পাগল হ'তে আর কিবা বাকি ।

জ্ঞানটা দিয়ে ধামা চাপা

মনটা বল করলে কি ॥

ছিলে কেমন দুখে ভাতে,

সুখে খেতে কিলোর ভূতে,

(এখন) হারিয়ে একুল ওকুল দুকুল

আপনারে দিচ্ছ কঁকি ॥

[প্রস্থান]

দুর্জনসিংহ । তবে হুঁরে দুর্বৃত্ত ! [আক্রমণ এবং সহসা ফিরিয়া]

একি উন্মত্ত হ'য়েছি আমি !

ক্রোধে অন্ধ—

ধাই তাই উন্মাদ-পশ্চাতে ।

শৃঙ্খলাবদ্ধ শাস্তিকে লইয়া দুইজন প্রহরীর প্রবেশ

দুর্জনসিংহ । একি ! কোন অপরাধে

শৃঙ্খলিত করেছ বালকে ?

১ম রক্ষী । প্রভু ! এ বেটা বেদের চর, উচ্চানের প্রান্তভাগে বটবৃক্ষ তলে দুজন বেদের সঙ্গে পরামর্শ আঁটছিল, আমরা দেখতে পেয়ে প্রভুর কাছে ধরে এনেছি ।

দুর্জনসিংহ । এই বিশ্বাসের ফল ! বিশ্বাসী কি, বিশ্বাসের অস্তিত্ব বৃষ্টি সমস্ত ব্রহ্মাণ্ডেও খুঁজে পাওয়া যায় না ।

শ্রীকৃষ্ণের প্রবেশ

শ্রীকৃষ্ণ । বিশেষ তোমার আমার কাছে বন্ধু ! এ বিশ্ব-ত্রস্তাওটা যদি একটা প্রকাণ্ড জাল দিয়ে ছেকে তোলা হয়, বিশ্বাসী একটাও জালে পড়বে কিনা সন্দেহ । আর আমরা নিজেরাই অবিশ্বাসী কিনা, কাজেই চট্ ক'রে কাকেও বিশ্বাস করতে প্রবৃত্তি হয় না । এই আমার কথাই ধর না কেন, ছেলে বেলায় পরের বাড়ী মানুষ হয়েছি, কিন্তু যেই কাঁটা পালক ওঠা অম্নি ফুড়ুং—চেহারাখানা দেখছো বরাবরই মন্দ নয়, যে দেখে সেই ভালবেসে ফেলে—তা ছোড়াই বল, ছুঁড়িই বল, আর বুড়োই বল, আর বুড়িই বল, কিন্তু সত্য কথা বলতে কি বন্ধু—কেউ আটকাতে পারলে না—বাগ পেয়েছি কি অম্নি চোঁচা চম্পট ! এখানে এসে একেবারে মাণিকজোড় মিলেছি ।

দুর্জনসিংহ । সত্য ব'লেছ বন্ধু, এ সংসারে সবাই বিশ্বাসঘাতক । ইয়া, উপস্থিত এই বিশ্বাসঘাতককে অন্ধকার কক্ষে আবদ্ধ ক'রে রাখ—তারপর প্রাণদণ্ডই বিশ্বাসঘাতকের যোগ্য দণ্ড । কি বল বন্ধু ?

শ্রীকৃষ্ণ । বিশ্বাসঘাতকের ঐ রকম একটা বেখাপ্পা দণ্ডই চাই । তবে আমাদের কথা বল, আমাদের কেউ বাগে পায় না—তাই দণ্ড সিকেয় তোলা আছে ।

দুর্জনসিংহ । দাঁড়িয়ে রইলি যে—যা নিয়ে যা ।

শান্তি । প্রভু, আমি নিরপরাধী ।

শ্রীকৃষ্ণ । কিন্তু দণ্ডিত—তোমায় যেতেই হবে ।

[রক্ষীভয়সহ শান্তির প্রস্থান

দুর্জনসিংহ । চিন্তা—শয়নে, স্বপনে, জাগরণে, আহারে, বিহারে—ওধু চিন্তা ! দারুণ দুশ্চিন্তা আমায় একেবারে অতিষ্ঠ ক'রে তুলেছে বন্ধু !

শ্রীকৃষ্ণ । আমায় আবার একেবারে দেশত্যাগী ক'রেছে ।

দস্যুসর্দারের প্রবেশ

দস্যুসর্দার । প্রভু, আমায় তলব করেছেন ?

দুর্জনসিংহ । ইয়া—বিশেষ প্রয়োজনে, যদি পারো সর্দার—আশাতীত পুরস্কার পাবে ।

দস্যুসর্দার । আদেশ করুন !

দুর্জনসিংহ । ঐ বেদেপল্লীতে আগুন লাগাতে হবে, আর সেই বেদের মেয়েটাকে যেখানে যে অবস্থায় পাবে আমার কাছে ধরে আনতে হবে—কেমন পারবে ?

দস্যুসর্দার । এ তো খুব সাদা কাজ প্রভু, এ আর পারবো না !

দুর্জনসিংহ । উত্তম, তবে যাও ।

[দস্যুসর্দারের প্রস্থান

শ্রীকৃষ্ণ । ছুঁড়িটাকে নিয়ে কি করবে বন্ধু ?

দুর্জনসিংহ । ওর সৌভাগ্যের শেষ করবো—ছুঁড়ি বেদের মেয়ে হ'লেও দিব্যি দেখতে—নয় বন্ধু ? [স্বগত] তার উপর আবার সঞ্জীবনী মণি !

শ্রীকৃষ্ণ । [স্বগত] এত দূর ! তোমার পাপ এইবার চরমসীমায় পৌঁচেছে, লালসায় অন্ধ হ'য়ে কি করতে যাচ্ছ তা বুঝতে পারছো না ; যখন চোখ ফুটবে তখন বুঝবে—তোমার লালসার ইন্ধন এই বেদের মেয়েটা—আর ঐ মৃত্যুদণ্ডে দণ্ডিত ঐ ক্ষুদ্র শিশু তোমার কে ।

দুর্জনসিংহ । বন্ধু কি ভাবছো ? এস, হাতে অনেক কাজ ।

শ্রীকৃষ্ণ । বলেছি তো বন্ধু, ঐ চিন্তাই আমায় দেশত্যাগী করেছে, চল ।

[উভয়ের প্রস্থান

ষষ্ঠ দৃশ্য
গঙ্গাতীর
তরঙ্গবালাগণের গীত
গীত

তরঙ্গবালাগণ ।—

মোরা তরঙ্গ কাটি রঙ্গে রঙ্গে
নেচে নেচে চলিয়া যাই ।
পরের ব্যথায় হৃদয় গলে
আপন-হারা ছুটে বেড়াই ॥
কুল কুল কুল তুলিয়ে তান,
খেলি গলাগলি—গাহি গো গান,
হাসির লহরে মাতাই ভুবন মুক্ত হৃদয় ফুলপ্রাণ,
মোরা হাসি খেলি নাচি গাই
মোহিত চিত দামিনী-দমকে,
মত্ত পবন মাতায়ে পুলকে,
ঘন গরজন কাঁপায় ভুবন উল্লাসে মোরা ভাসি স্নখে
আবেশে বিভোরা আপনা বিলাই ॥

[গীতান্তে প্রস্থান

বক্রবাহনের প্রবেশ

বক্রবাহন । ধিক মোরে
শতধিক ঘণিত জীবনে ।
ছিল সাধ পিতৃ দরশন
ভক্তি অর্ঘ্যে পুঞ্জিতে স্রণ,

জন্মাবধি বঞ্চিত যে সুখে—
 ভাগ্যফলে মিলিল সুযোগ,
 বিধি বিড়ম্বনা ঘটিল লাঞ্ছনা
 বিষ-দগ্ধ শেল সম
 নিদারুণ বাক্যবাণ বিধিল মরমে ।
 এও হ'তে মরণ ছিল ভাল ।
 স্বর্গাদপি গরীয়সি জননী আমার
 তাঁর নিন্দাবাগী
 পুত্র হ'য়ে শুনিহু শ্রবণে
 অপদার্থ কাপুরুষ সম ।
 যেই ক্ষণে নিদারুণ ঘৃণিত বচন
 উচ্চারিল পাণ্ডুর নন্দন
 উঠিল না প্রলয়ের ধুম আবরিয়া দিশি !
 রক্তশ্বাস হ'ল প্রভঞ্জন !
 খসিল না ভীম বজ্র
 কালানল ছড়ায়ে চৌদিকে !
 সপ্তসিদ্ধু রহিল নিথর !
 বীর-করে খরধার উন্মুক্ত কুপাণ—
 নিমিষে বলকি—
 কাটি শির না পড়িল ভূমে
 মাতৃ নিন্দকের !
 নির্ঝাক্ নিস্পন্দ আমি রহিহু দাঁড়ায়ে !
 ধিক্ মোরে—
 শতধিক বীরভে আমার ।

রোষে ক্ষোভে অভিমানে
 আত্মহারা জ্ঞানহারা উন্মাদের প্রায়
 এমু ছুটে—পণে বন্ধ আমি
 অস্ত্রে দিব আত্ম-পরিচয় ।
 কিন্তু হায়—
 দোলে প্রাণ সন্দেহ দোলায়
 নাহি জানি—
 কি কহিবে জননী আমার !
 ক্ষত্রিয় নন্দন—
 পণভঙ্গ কেমনে করিব ?
 অত্মদিকে মাতার আদেশ !
 জীবনের ধ্রুবতারা জননী আমার
 জীবনে যা করিনি কখন—
 তাঁর আজ্ঞা করিব হেলন ?
 অসম্ভব—অসম্ভব—পারিব না কভু ।
 সম্মুখে আঁধাররাশি ঘেরি লক্ষ্য পথ
 তমোময় পশ্চাৎ আমার !
 লক্ষ্যহীন, গতিহীন—ব্রাস্ত পথহারা
 আমি ভাগ্যহীন*
 অনন্ত বিস্তৃত এই ভিমিরের মাঝে
 কে আছে কোথায়
 ব'লে দাও কোন্ পথে যাব ?
 পথহারা বিপন্ন পথিকে
 কে দেখাবে পথ—

উলূপীর প্রবেশ

উলূপী। বিপন্ন পথিক ! পথ তোমার সম্মুখে । কত্রিয়-সন্তান, তোমার কর্তব্য পথ পণরক্ষা—মাতৃ-ভক্ত বালক, সন্তানের ধর্ম—মাতার অপমানের প্রতিশোধ গ্রহণ—আর সঙ্গে সঙ্গে তাঁর আদেশ পালন ।

বক্রবাহন । মা—মা—এসে'ছিস্ ? পথহারা হতভাগ্য সন্তানকে পথ ব'লে দিতে এসে'ছিস্ ? ব'লে দে মা—ব'লে দে আমার কর্তব্য কি ! একদিকে কত্রিয় সন্তানের পণরক্ষা—অন্যদিকে মাতৃ-আজ্ঞা ! কর্তব্যের ওজন বুঝে ব'লে দে মা, কোন্ পথে যাব ?

উলূপী । ব'লেছি ত বৎস ! তোমার কর্তব্য পথ তোমার সম্মুখে—তোমার জননীর আদেশ পালনই তোমার কর্তব্য—তোমার পণরক্ষাই তোমার কর্তব্য ।

বক্রবাহন । এ কি কথা বল্ছো মা ! জননীর অভিপ্রায় যুক্ত বহিত করা ।

উলূপী । তা নয় বৎস ! তোমার জননীর আদেশ, তুমি তোমার পিতার সঙ্গে পরিচিত হও—যদি সম্ভব হয় বিনাযুদ্ধে । কিন্তু তা হবে না—এখন তুমি-ই মনে বিচার ক'রে দেখ তোমার কর্তব্য কি ?

বক্রবাহন । আর বলতে হবে না মা ! আমি বুঝেছি আমার কর্তব্য কি—কর্তব্যের একই গণ্ডীর মধ্যে আছে আমার পণরক্ষা—আর মাতৃ-আজ্ঞা পালন ।

উলূপী । তবে প্রস্তুত হও বৎস ! আশীর্বাদ করি জয়যুক্ত হও ।

[প্রস্থান]

বক্রবাহন । মাতৃ-আজ্ঞা পালন—পণরক্ষা—আর সঙ্গে সঙ্গে জননীর অপমানের প্রতিশোধ ।

[গমনোচ্ছত]

অগ্রে সূধা, তৎপশ্চাৎ দুর্জ্জনসিংহের প্রবেশ

ও অন্তুরালে অবস্থান

বক্রবাহন । তুই আবার এসময়ে কি মনে ক'রে বেদিনী ? অনুমতি পেয়েছিস্ ?

সূধা । আমি সেখানে যাই নি ।

বক্রবাহন । যাস্ নি, তবে কি মনে ক'রে এলি ? মায়ের আদেশ শুনেছিস্ ত ?

সূধা । শুনেছি ।

বক্রবাহন ! তবে যাস্ নি কেন ? থাক্, না গিয়ে ভালই করেছিস্—তোর সঙ্গে বোধ হয় আর আমার দেখা হবে না—আর যদি দেখা হয় তখন আর অনুমতি দেবার কেউ থাক্বে না ; কাজে তোর আমার মিলন অসম্ভব ।

সূধা । মিলন সম্ভব কি অসম্ভব তা জানি না—তবে দেখা নিশ্চয়ই হবে, আমি সে উপায় করেছি । এই নাও রাজা ! জঙ্গলী বেদের মেয়ের এই উপহারটা নিয়ে তাকে ধন্য কর । [মণি প্রদান]

বক্রবাহন । একি বেদিনী ?

দুর্জ্জনসিংহ । [স্বগত] আর নয় বাবা, এর বিহিত কর্তেই হবে—যেন তেন প্রকারেণ ।

[প্রস্থান

সূধা । যে দিয়েছে সে বলোছ এ সঞ্জীবনী মণি—এ মণি থাকলে মৃত্যুভয় থাকে না । সে যাকে দিতে বলেছিল তাকে দিইনি, আমার মন বললে তার চেয়ে শ্রেষ্ঠ—তার চেয়ে আপনার লোক আছে, তাই তোমাকে দিচ্ছি রাজা !

বক্রবাহন । দাতা এ মণি কাকে দিতে বলেছিল বেদিনী ?

সুধা । আমার ছোট ডাই শান্তিকে ।

বক্রবাহন । আমায় এত ভালবাসিস্ বেদিনী ? প্রতিদান পাবি কি না জানিস্ না ; তবুও এত ভালবাসিস্ ? কনিষ্ঠ সোদরকে বঞ্চিত ক'রে আমার প্রাণরক্ষা করতে মনি আমায় দিতে এসেছিস্ ? না বেদিনী, এ মনি আমি নেবো না—দাতা যাকে দিয়েছেন, এ মনি তার ।

সুধা । [নতজাহ্নু হইয়া] রাজা, দীন বেদিনীর দান ব'লে কি গ্রহণ করতে কুণ্ঠিত হচ্ছে।

চিত্রাঙ্গদা ও বৃদ্ধ ব্রাহ্মণবেশী দুর্জনসিংহের প্রবেশ

দুর্জনসিংহ । দান করা জিনিষ বড়, না দাতা বড়—স্বামী দাতা আর পুত্র দান করা জিনিষ বইত নয় ! সতীর সর্বস্ব স্বামীর সঙ্গে পুত্রের তুলনা কখনও হয় না মা ! যেমন ক'রে পার মনি হস্তগত ক'রে স্বামীর জীবন রক্ষা কর—আমি ত সবই তোমায় বলেছি মা !

চিত্রাঙ্গদা । বক্রবাহন । যদি পিতার বিরুদ্ধে অস্ত্রধারণ করতে চাও মনি আমায় দাও ।

বক্রবাহন । এও কি তোমার আজ্ঞা মা ?

চিত্রাঙ্গদা । ই্যা, আমার আজ্ঞা ।

বক্রবাহন । এই নাও মা, তোমার আদেশ অবনত মস্তকে পালন করছি [মনি প্রদান] বক্রবাহন করতে পারবে, কিন্তু মাতৃজোহী হ'তে পারবে না ।

চিত্রাঙ্গদা । এস ব্রাহ্মণ !

দুর্জনসিংহ । মনি আমায় দাও, আমি তোমার স্বামীকে দিয়ে আসব । তুমি রমণী, এই যুদ্ধ বিগ্রহের হাজিমা—তোমার যাওয়া কি ভাল দেখায় ?

চিত্রাঙ্গদা । পতির জন্ত সতী মরণের পথে যেতেও এতটুকু বিধা করে না, এত বৃদ্ধ হ'য়েও কি তোমার সে জ্ঞান হয়নি ব্রাহ্মণ ? [প্রস্থান

দুর্জনসিংহ । [স্বগত] মাগীর পেছু নিতে হবে ।

[প্রস্থান

বক্রবাহন । [স্বগত] স্বামীর জীবনরক্ষা করিতে এতটা আত্মবিশ্বাসিত হ'লে মা—যে, সন্তানকে একবার আশীর্বাদ করিতেও তোমার হাত উঠলো না । তাই যাও মা—ঐ মণি নিয়ে যাও, ও মণির আমার প্রয়োজন নেই । নারায়ণ করুন আমি অমূল্য মণি মাতৃভক্তি হ'তে বঞ্চিত না হই—পবিত্র মাতৃনাম স্মরণ ক'রে সমরাননে ঝাঁপ দেবো—যদি মরি সেও আমার গৌরব । বেদিনী ! এইবার সব বাঁধন কেটেছে—তুই আবার কি নূতন বাঁধনে বাঁধলি বেদিনী ? তোমার এত সাধের, এত যত্নের অমূল্য উপহার আমি স্বেচ্ছায় বিলিয়ে দিলুম ব'লে কি অভিমান করিছিস্ ? অভিমান পরিত্যাগ কর—মনে কর, যে অমূল্য মণি আমায় প্রেম উপহার দিচ্ছিলি, সেই রত্ন আমার জীবনের আরাধ্যাদেবী জননী চরণে ভক্তি পুষ্পাঞ্জলি দিয়ে নিজে কৃতার্থ হয়েছিস্—আমাকেও কৃতার্থ করেছিস্ । আয় বেদিনী আয়—মরণের তীরে দাঁড়িয়ে তোমার অগাধ ভালবাসার প্রতিদান দেবার সামর্থ্য আমাব নেই । এতদিন তোকে যে ঘৃণার চক্ষে দেখে এসেছি—সে চোখ হারিয়ে আজ নূতন চোখ পেয়েছি । আয় বেদিনী ! আজ জীবন মরণের সন্ধিস্থলে দাঁড়িয়ে সেই নূতন চোখে—নূতন ভাবে তোকে দেখি আয় । [সূধাকে আলিঙ্গন, নেপথ্যে তূর্য্যধ্বনি] ঐ তূর্য্যধ্বনি, সূধা—সূধা ! প্রিয়তমে ! আগাদের শুভ-মিলন বুঝি এই প্রথম—

আর এই শেষ !

[উভয়ের প্রস্থান

চতুর্থ অঙ্ক

প্রথম দৃশ্য

উদ্যানবাটিকার একান্তবর্তী অংশশালা

ঘেস্ড়া ও ঘেস্ড়াণীর প্রবেশ

ঘেস্ড়াণী । হঁসিয়ার মিন্‌সে—মহারাজের হুকুম শুনেছিস্ ত ?

ঘেস্ড়া । খুব শুনেছি, চোরের বেজায় উপদ্ৰব—ঘোড়া সাম্‌লাভে হবে, এই ত ?

গীত

ঘেস্ড়া ।—

আমি সদাই হঁসিয়ার ।

ঘোড়ার চেয়ে দরদ হাতে

ভার করি না চোখের আড় ॥

ঘেস্ড়াণী ।—

শুকনো দরদ রাখ্‌গে তুলে,

যম কি তোরে গেছে ভুলে,

কাম্‌ খারাবি করবি যদি দেখ্‌বি ঝাড়ুর কি বাহার ॥

ঘেস্ড়া ।—

তোর মিঠে হাতের ঝাড়ুর ঘা আছে গা সওয়া,

শুধু আড়-নরনে চাউনিটুকু ভোলার নাওয়া খাওয়া,

ঘেস্ড়াণী ।—

আবার পরিপাটি কানমলাটি স্বর্গে নে যাওয়া—

• কাজের কাজী না হ'লে কি তুই হতিস্ আমার,

উভয়ে ।—

তোর পিরীতে মরে আছি তুই যে আমার গলার হার ॥

[উভয়ের প্রস্থান]

দ্বিতীয় দৃশ্য

প্রাস্তরের একাংশস্থিত বৃক্ষতল

গীতকণ্ঠে কতিপয় চোরের প্রবেশ

গীত

আমার ক'টি সোনার টাদ

পাকা সিদেল চোর !

দিনের বেলায় কোটর পেঁচা

বাণিজ্যটা রাত্রিভোর ।

বেড়াই যেন ভিড়ে বেড়াল

আনাচে কানাচে,

কার কথা মাল গচ্ছিত আছে

বুঝে নি আছে,

দিয়ে চক্ষুদান হই অন্তর্দান

(গেরস্তর) কাটতে কাটতে ঘূমের ঘোর ॥

আমাদের আছে কুলুজি,

মোদের মাতৃকুল সূর্য্যবংশ

পিতৃকুল মুচি

সরস্বতী হার যেনে যায়

এমনি মোদের বুদ্ধির জোর ॥

আনন্দরামের প্রবেশ

আনন্দরাম । এই যে, টাদেরা, সোনারা, মাণিকরা ! তোমরা এখানে
রয়েছ ষাডু ?

১ম চোর । কি বাবা বুড়ো ইয়ার, কাকে খুঁজছে ?

আনন্দরাম । তোমাদের মত ছোকরা ইয়ারদের খুঁজছি চাঁদ !

১ম চোর । কি ! আমাদের সঙ্গে রসিকতা ? জান আমরা কে ?

আনন্দরাম । মনে কিছু ক'বো না যাহু—ঐ রোগটা আমার বরাবরই আছে, এককথায় বলতে গেলে—আমি পুরামাত্রায় ঐ রসেরই উপাসনা ক'রে এসেছি । হঠাৎ এই বুড়ো বয়সে রসের গোড়ায় পিপড়ে ধরেছে, তাই তোমাদের মত শুক তরুর কাছে ছুটে এসেছি । এখন একটা উপায় কর সোনার চাঁদ !

২য় চোর । বুড়ো পাগল না কি ? জান আমরা কে ?

আনন্দরাম । খুব জানি, তোমাদের পরিচয় তোমাদের মুখে চোখে স্লেখা রয়েছে । না জানলেও তোমাদের ঐ চন্দ্রবদন দেখলেই চট ক'রে মালুম হ'য়ে যায় ।

২য় চোর । বল দেখি আমরা কে ?

আনন্দরাম । আগে অভয় না দিলে অভবড় একটা কথা বলতে যে . সাহস হ'চ্ছে না মাণিক !

১ম চোর । বল অভয় দিলুম ।

আনন্দরাম । তবে বলি, আচ্ছা বাপধন ! তোমরা ত সিঁদ কেটে অনেক রকম বামাল পাচার করতে পার । আচ্ছা, ঘোড়া চুরি করতে পার কি ?

১ম চোর । কি, এতদূর স্পর্ধা—আমাদের চোর অপবাদ দাও !

আনন্দরাম । আহা-হা—চটো কেন চাঁদ ! এই যে বললে অভয় দিলাম ।

১ম চোর । ও—অভয় দিয়েছি—আচ্ছা—

আনন্দরাম । তোমাদের কোন ভয় নেই, আমি তোমাদের ধরিয়ে

দেবো না ; আজকের এই ঘোড়া চুরির বাণিজ্যে আমিও তোমাদের মাসতুতো ভাই । এখন খাটি কথা বল, দেখি, পারবে? পার তো এই হার ছড়াটি পুরস্কার! ভূতপূর্ব মহারাজ এ হার আমায় দিয়েছিলেন, এর ঢের দাম ।

১ম চোর । তা' যেন করলুম, কিন্তু ঘোড়ার খোরাকী দেবে কে ?

আনন্দরাম । আহা-তা, আবার খোরাকীর কথা তুলছো কেন ? তোমরা শুধু চুরি ক'রে ঘোড়াটা আমার হাতে দেবে—বাস্, তোমাদের ছুটি—শুভকর্ম সেরে হার ছড়াটি নিয়ে যে যার পথ দেখে নেবে । আমার প্রয়োজন শুধু ঐ ঘোড়াটা ।

১ম চোর । ঘোড়া নিয়ে কি করবে ঠাকুর ?

আনন্দরাম । ঘোড়াটা নিয়ে যার ঘোড়া তাকে ফিরিয়ে দেবো ।

১ম চোর । তাতে তোমার লাভ কি ঠাকুর ?

আনন্দরাম । কি জান, আমার ঐ একটা ঘোড়ারোগ—ঘোড়া চুরিও করা চাই—আবার ফিরিয়ে দেওয়াও চাই । এখন এস, আস্তাবলটা তোমাদের দেখিয়ে দিই—যতটা সোজা কাজ মনে করছো ততটা নয় । রাজার আস্তাবল থেকে চুরি, বুঝেছ ?

১ম চোর । রাজার আস্তাবলে ত অনেক ঘোড়া—তার মধ্যে একটা চুরি করা তত শক্ত নয় ।

আনন্দরাম । যে সে ঘোড়া নয় সোনারচাঁদ, আমি যে ঘোড়াটা দেখিয়ে দেবো সেই ঘোড়াটা । লক্ষণ ব'লে দিলে তোমরা চিন্তে পারবে—দ্বিব্যি সাদা ধব্ধবে রং, ইয়া বালাম্‌চি, মোটান কান, কপালে জয়পত্র, লাখ ঘোড়ার মধ্যে থাকলেও সাধারণের দৃষ্টি তারই উপর পড়বে । কেমন, পারবে যাহু !

১ম চোর । তা খুব পারুবো, আচ্ছা ঠাকুর—সত্যি বল ত ঘোড়াটা পাণ্ডবের কিনা, আর ঐ ঘোড়াটা নিয়েই এই যুদ্ধের আয়োজন কিনা ?

আনন্দরাম । বাঃ সোনার চাঁদ একেবারে ঠিক ধরেছ ! তী চল, কাজ হাঁসিল করবে চল ।

১ম চোর । আচ্ছা ঠাকুর তাতে তোমার লাভ ?

আনন্দরাম । লাভ এমন কি হবে বল—তবে আমার ইচ্ছা যখন ঐ ঘোড়া নিয়েই যুদ্ধ, তখন ঘোড়াটা ফিরে দিলে যুদ্ধটা বন্ধ হ'তে পারে । জান ত 'রাজায় রাজায় যুদ্ধ হয়, উলু-খাগড়ার প্রাণ যায়'—রাজারা যুদ্ধ করবে—মাঝ থেকে আমাদের পথে বসতে হবে । তাই নিজের স্বার্থের জন্য এতটা চেষ্টা করছি । এখন এস, ওদিকে রাত কাবার হ'য়ে আসছে ।

১ম চোর । চল দেখি, যদি কিছু করতে পারি ;

[সকলের প্রস্থানোত্তোগ]

শ্রীকৃষ্ণের প্রবেশ

শ্রীকৃষ্ণ । কি ঠাকুর ! বুড়ো বয়সে আবার ঐ বিজ্ঞে ধরেছ কদিন ?

আনন্দরাম । [স্বগত] আ-মলে', এ জ্যাঠা ছোঁড়া আবার কোথেকে এল । [প্রকাশে] কি বিজ্ঞে ধরেছি—কি বিজ্ঞে ধরেছি হে ?

শ্রীকৃষ্ণ । এ বড় বিজ্ঞে—চুরি বিজ্ঞে ।

আনন্দরাম । কি, আমায় চোর বলা—তুই চোর !

শ্রীকৃষ্ণ । [স্বগত] সেটা কি আর মিথ্যে কথা ! নইলে এই তৃতীয় প্রহর রাতে এই নির্জন প্রাস্তরে চোরের সঙ্গে কি মতলব আঁটছিলে ঠাকুর ? মনে করেছ বুঝি আমি কিছু শুনিনি ? ঐ অশ্বখবৃক্ষের আড়ালে দাঁড়িয়ে তোমাদের অশ্বপহরণের সমস্ত কথাই শুনেছি ।

১ম চোর । [জনান্তিকে দ্বিতীয়ের প্রতি] ভায়া ! গতিক বড় ভাল
নয়, রাজা জানতে পারলে প্রতুল আর কি !

২য় চোর । [জনান্তিকে প্রথমের প্রতি] কাজ নেই ভায়া,
মুক্তাহারে—আপনি বাচলে বাপের নাম ।

[চোরগণের প্রস্থান

শ্রীকৃষ্ণ । কি ঠাকুর ! কি ভাবছো—সঙ্গীরা যে সটকাল !

আনন্দরাম । অধঃপাতে যাও ।

[প্রস্থান

শ্রীকৃষ্ণ । যাও রাজভক্ত সরল উদার ব্রাহ্মণ ; স্বেচ্ছায় তোমার
কার্যে বাধা দিয়েছি একটা উদ্দেশ্য নিয়ে—আর সেই জন্যই আজ
অভিশপ্ত । এ তোমার অভিগাপ নয় ব্রাহ্মণ, স্বদূর ভবিষ্যৎবাণী । মহাসমুদ্রের
প্রত্যেক বারিবিন্দু যেমন তার প্রাণ—তার সত্তা—তেমনি আমার
অস্তিত্ব এই বিশ্ব ব্রহ্মাণ্ডের জীবসজ্জ্যে—আমার অধঃপতনে তাদের
অধঃপতন । এই দ্বাপর অবসানে কলির উৎপত্তি—যখন ব্যাভিচারের
শ্রোতে সংসারের ধর্ম কর্ম সব ভেসে যাবে—তখন আবার আমার
কার্য, আর আমার অধঃপতন তখন পরিত্রাণায় সাধুনাং বিনাশায় চ
হৃক্ষগ্রাম, ধর্ম সংস্থাপনার্থায় সন্তুভামি যুগে যুগে ।

[প্রস্থান

তৃতীয় দৃশ্য

পাণ্ডব শিবির

অর্জুন

অর্জুন। প্রাতেই যুদ্ধ। এ যুে ভুবন-বিজয়ী পার্থের প্রতিদ্বন্দ্বী কে ? তারই ঔরসজাত একটা বালক। বীরকুলমণি গাণ্ডীবধন্যার পক্ষে এর চেয়ে লজ্জাকর বিষয় আর কি হ'তে পারে ? না, এ যুদ্ধে আমি অঙ্গধারণ করবো না। বৃষকেতুও বালক, বালকই বালকের যোগ্য প্রতিদ্বন্দ্বী হবে। বৃষকেতুকেই সেনাপতি পদে বরণ করবো—তারপর প্রয়োজন হয়—না সে প্রয়োজন হবে না। পাণ্ডবের বিপুলবাহিনী বৃষকেতুর নেতৃত্বে চালিত হ'লেও তারা ভুবন জয় করতে পারে—তুচ্ছ মণিপুর রাজ, আর তার অশিক্ষিত সেনাদল। এই যে বৃষকেতু—বৎস ! সমস্ত প্রস্তুত ?

বৃষকেতুর প্রবেশ

বৃষকেতু। হ্যাঁ। পিতৃব্য, পাণ্ডব সেনাদল সুসজ্জিত হ'য়ে আপনার আদেশ অপেক্ষা করছে।

অর্জুন। আমার আদেশের প্রতীক্ষা করতে হবে না বৎস ! তাদের জানিয়ে দাও, এ যুদ্ধের সেনাপতি আমি নই—তুমি। যাও বৃষকেতু ! প্রয়োজন মত সেনাসম্মিবেশ কর। মনে থাকে যেন বৎস, পাণ্ডবের অক্ষুণ্ণ কীর্তিস্তম্ভের শিখরদেশে উড্ডীয়মান পতাকা যেন তোমার কাপুরুষতায় ভেঙে না পড়ে। মনে থাকে যেন বৎস, ধর্মরাজের মহাযজ্ঞ সম্পাদন

এখন তোমার বাহুবলের উপর নির্ভর করছে— তুচ্ছ মমতার আকর্ষণে যেন কর্তব্য হারিও না, যাও !

বৃষকেতু । আশীর্বাদ করুন পিতৃব্য ! যেন আপনার মৰ্যাদা রাখতে পারি ।

অৰ্জুন । জয়ন্তু ।

বৃষকেতু । [স্বগত] নারায়ণ ! তোমার ইচ্ছাই পূর্ণ হোক—এ ভীষণ পরীক্ষার্নব পার হ'তে হৃদয়ে বল দাও প্রভু ! [প্রস্থান

অৰ্জুন । কোমল হৃদয় বৃষকেতুর উপর এমন একটা দায়িত্বভার দিয়ে নিশ্চিত থাকলে চলবে না, কি জানি অদূরদর্শী বালক যদি স্নেহের দৌৰ্ব্বল্যে কর্তব্যপথ হ'তে বিচলিত হয় । কে—রমণী ? এ স্তব্ধ তিমিরাচ্ছন্ন নিশীথে কে তুমি রমণী ?

চিত্রাঙ্গদার প্রবেশ

চিত্রাঙ্গদা । চিন্তে পারলে না পাণ্ডববীর ! নিষ্ঠুর পুরুষ, একদিন যে সরলপ্রাণা রমণীকে মৌখিক প্রণয়ের ভাণে ভুলিয়ে আশার আকাশ-কুসুম হাতে তুলে দিতে উদ্বৃত্ত হয়েছিলে—যাকে একদিন জীবনের ধ্রুবতারা জান করতে—মূর্ছার অদর্শনে ব্যাকুল আগ্রহে যার আশাপথ চেয়ে থাকতে । তারপর নিষ্ঠুর, সেই অবলা সরলাকে জন্মের মত পরিত্যাগ ক'রে জগতে নিষ্ঠুরতার একটা স্থায়ী আদর্শ রেখে গেলে—আমি সেই পদ-দলিতা—চির-পরিত্যক্তা অভাগিনী । চিন্তে পেরেছ কি পাণ্ডববীর ?

অৰ্জুন । চিত্রা ! চিত্রা ! তুমি ? এই গভীর রজনীতে একাকিনী শক্রশিবিরে কি উদ্দেশ্যে এসেছ যশিপুর-রাজমাতা ?

চিত্রাঙ্গদা । যশিপুর রাজমাতা ! নিষ্ঠুর পুরুষ—এই কি সন্তাষণ ! যার অদর্শনে মরুতুল্য শ্মশান দেহখানা নিয়ে কত দীর্ঘ দিবস—কত

স্থিতিহীন রজনী, শুধু আমার আকাশ কুম্ব বহন ক'রে অতিবাহিত
ক'রেছি—কত বিনিত্র রজনীতে উষ্ণ অশ্রুতে উপাধান সিক্ত করেছি—
যার পবিত্র স্মৃতিখানি বুকে ধ'রে এই নিরাশার দগ্ধ হৃদয়ে প্রাণটাকে
আঁকড়ে ধ'রে রেখেছি—আজ সেই আকাজ্জক-নিধি—পুণ্যময় স্মৃতির
জীবন্ত মূর্তি আমার হৃদয় দেবতার মুখে এই কথা ! এমন প্রাণহীন শুষ্ক
সম্ভাষণ ! বল—বল প্রাণেশ্বর ! তুমি কি সেই ?

অর্জুন । হাঁ প্রিয়তমে ! আমি তোমারই প্রেমের দ্বারে ভিক্ষুক
সেই কান্তনী । কিন্তু চিত্রাঙ্গদা—

চিত্রাঙ্গদা । ওকি, খামুসে কেন ? কি বলতে যাচ্ছিলে বল—ডাক
প্রাণেশ্বর ! আবার ঐ প্রেম-গদগদস্বরে চিত্রা বললে ডাক । বহুদিন—
বহুদিন—ও মধুমখা প্রেম-সম্ভাষণ শুনি নি, ডাক—আবার ডাক ।

অর্জুন । প্রেমময়ি ! আজ যে আমার সে অধিকার নেই চিত্রা—
প্রভাতেই যুদ্ধ । এই মণিপুররাজ্যের মাটিতে যে মূর্তিতে প্রথমে এসে পা
দিয়েছিলুম, আর আজ কর্তব্যস্রোত আমায় যে অগ্নি মূর্তিতে এখানে নিয়ে
এসেছে চিত্রা ! এখন মণিপুরের পিনীলিকা পর্যন্ত আমার শত্রু, তোমার
পুত্র আমার প্রতিদ্বন্দ্বী—আর মণিপুর রাজমাতা তুমিও তাই ।

চিত্রাঙ্গদা । ভুল—ভুল ধারণা পাণ্ডববীর ! ললিতলতা যে সহস্রারকে
একবার বাহুবলে বেঁটন করে—সে কি জীবন থাকতে তার শত্রু হ'তে
পারে ? সতী কি কখন তার জীবনের একমাত্র আরাধ্য পতি দেবতার
প্রতিকূলাচরণ করতে পারে ? না প্রভু, তা কখনও সম্ভব নয়—এমন কি
তার একমাত্র নয়নানন্দ পুত্রের জন্মও নয় । নইলে এমন ঘোরা তিমিরা
রজনীর তৃতীয় প্রহরে এমনভাবে তোমার কাছে ছুটে আসতুম না ।
পুত্রস্নেহ যদি পতিপ্রাণা সতীর পতিভক্তিতে ছাপিয়ে উঠতো—তাহলে
সে প্রয়োজন হতো না প্রভু !

অৰ্জুন । তাহ'লে তোমার আমার উদ্দেশ্য বুঝেছি চিত্রা, পতিভক্তির অভিনয় ক'রে পতিপাশে এসেছ পুত্রের প্রাণরক্ষা করতে ।

চিত্রাঙ্গদা । না প্রভু—তা নয়, আমি এসেছি কেন শুনবে ? শোন, আমি এসেছি পুত্রকে বলিদান দিয়ে পতির প্রাণরক্ষা করতে । প্রভু ! এই সম্ভাবনী মনি গ্রহণ ক'রে দাসীকে কৃতার্থ কর ।

অৰ্জুন । চিত্রা ! চিত্রা ! তুমি দেবী—না রাক্ষসী ? যে পুত্রকে দশ মাস দশদিন গর্ভে ধারণ করেছিলে, অনশনে অর্ধাসনে থেকে বক্ষরক্ত দিয়ে যাকে লালন পালন করেছ, যার হাসি দেখে হেসেছ, ক্রন্দনে কেঁদেছ, বুকভরা স্নেহ-রসসিঞ্ঝনে যে কুমুম-সুকুমার ননীর পুতলীকে এতটুকু থেকে এত বড়টা করেছ, যার বিষণ্ণ মুখ দেখলে তোমার স্নেহ-প্রস্রবণ মাতৃহৃদয় পলকে প্রলয় জ্ঞান করতো—আজ তুমি সেই পুত্রবৎসলা জননী হ'য়ে পুত্রকে স্বচ্ছায় কালের মুখে তুলে দিতে অগ্রসর হয়েছ ? রাক্ষসি ! এই কি মাতৃহৃদয়ের পরিচয় ?

চিত্রাঙ্গদা । আমায় রাক্ষসী বল—পিশাচী বল—কিছু যায় আসে না প্রভু ! আমি সতী—পতির প্রাণরক্ষাই আমার ধর্ম । স্বামী তুমি, ধর্ম তুমি, ইহকাল পরকাল তুমি—দোহাই প্রভু ! আমায় সতীধর্ম পালন করতে দাও ।

অৰ্জুন । রমণী ! তুমি কি বলছো, পুত্রের জীবনের বিনিময়ে স্বামীর প্রাণরক্ষা করতে চাও—এই কি রমণীর কর্তব্য ! এই কি মাতৃহৃদয়ের নিদর্শন ? জাননা কি রমণী ! তোমার এই নিষ্ঠুর আচরণ এই বিশাল বিশ্বত্রাস্ত্রাণ্ডে সমস্ত সম্ভানদের আগে একটা বিরাট আতঙ্কের সৃষ্টি করবে ? সম্ভান মাতৃমূর্তির কল্পনা করতে শিউরে উঠবে ।

চিত্রাঙ্গদা । কিন্তু প্রভু, আমি যে ভাবতে পারি না, দাতার চেয়ে দান করা ধন বড়—না স্বামীর চেয়ে স্বামীর দান পুত্র বড় !

অর্জুন । [স্বগত] পতিপ্রাণা চিত্রাঙ্গদা, সত্যই তুমি দেবী ! কিন্তু আমি প্রাণাস্তেও তোমার এ অমূল্য উপহার গ্রহণ করিতে পারিবো না । একটা বালকের ভয়ে ভীত হ'য়ে কাপুরুষের মত একটা রমণীর সাহায্যে আত্মরক্ষা করিতে হবে ? তার চেয়ে ভুবনবিজয়ী গাণ্ডীবধন্বা বিজয়ের মৃত্যুই শ্রেয় । [প্রকাশে] পতিপ্রাণা চিত্রাঙ্গদা, বর্তমানে তুমি আমার শত্রুপক্ষীয়, তথাপি তোমার সৌজন্য ও পতিভক্তিতে আমি মুগ্ধ ; কিন্তু তোমার এ অমূল্য উপহার আমি গ্রহণ করিতে অক্ষম । যাও চিত্রাঙ্গদা, উষা সমাগত প্রায়—এ অমূল্য মণি তোমার পুত্রকে দিয়ে তার প্রাণরক্ষা কর ।

চিত্রাঙ্গদা । [স্বগত] নিলে না—পতিকান্ধালিনীর এত আশা—এত উচ্চম সমস্ত ব্যর্থ ক'রে দিলে । আর কি বলবো—আর কি করবো—ঈশ্বর এইবার তোমার কার্য—আমার স্বামীকে রক্ষা কর ।

[প্রস্থান

অর্জুন । যাও অভিমানিনী, আশীর্ব্বাদ করি তোমার এ অপার্থিব পতিভক্তি অচলা হোক ।

প্রস্থান

চতুর্থ দৃশ্য

পথ

গীতকণ্ঠে মণিপুর সৈন্যগণের প্রবেশ

(চল) বীরকরে অসি, ঝলসিয়া দিশি,
সময় সাজে সাজি ।
অতুল বিভব বীরের গৌরব
অর্জিতে হবে আজি ॥
রাধিতে দেশের রাজার মান,
দিতে হবে রক্ত আপন প্রাণ,
উড়ারে বিমানে কীর্্তি পতাকা
অভিনব শোভায় রাজি ।
বীরের সাধনা জিনিতে সময়,
কামনা মরিয়া হইতে অমর,
অরাতি নিধনে উল্লাস প্রাণে
রক্ত বিনিময়ে বাজী ॥

[প্রস্থান

পঞ্চম দৃশ্য

রণস্থল ।

বৃষকেতু ও সৈন্তগণ

বৃষকেতু ! হের দূরে—কাতারে কাতারে
খেয়ে আসে অরাতির চমু—
পুরোভাগে মণিপুর রাজ
তরুণ যুবক দেবকাস্তি,
উন্মুক্ত কৃপাণ করে—
বীরদাপে বীরেন্দ্রকেশরী
হের আসে ঐ যুধ আরোহণে ।
অগ্রসর হও সৈন্তগণ—
মৃত্যুপণে জ্বিনিতে সমর ।
সৈন্তগণ । জয় বীরকেশরী পার্শ্বের জয় ।

[সকলের প্রস্থান

যুদ্ধ করিতে করিতে বৃষকেতু ও বক্রবাহনের প্রবেশ

বক্রবাহন । ধরহ বচন রাধেয় নন্দন
কেন অকারণ
আকিঞ্চন মৃত্যুরে বরিতে ?
কোমল কোরকসম কিশোর বয়স

এখনও অপূর্ণ তব সংসারের মাধ—
 যাও ফিরে শিবিরে আপন
 পাঠাও পিতৃব্যে
 ভুবনবিজয়ী বীর গাণ্ডীবি অর্জুনে ।
 মমতায় প্রাণ কাঁপে মোর
 আঘাতিতে ওই কুসুম কোমল কায় ।
 বৃষকেতু ।
 বৃথা গর্ক মণিপূবপতি !
 ভ্রম তব ঘূচাব অচিরে ;
 ছিন্নশির যবে তব লুটাবে ধবায়,
 আর্তুরোলে কাঁপিবে ভুবন,
 উন্মাদিনী জননী তোমার
 আকুলা পড়িবে ভূমে হা পুত্র বলিয়ে !
 জানিবে জগৎ তবে
 হীনবল নহে কভু বীর কর্ণসুত ।
 বৃথা বাক্যছটা তব নব সেনাপতি
 উন্মাদ কল্পনা তব !
 -বামন হইয়ে প্রয়াসিচ্ছ চন্দ্রমা ধারণে—
 পঙ্গু হ'য়ে লজ্জিবারে গিরি !
 পাণ্ডবকুলের দীপ তুমি বৃষকেতু
 পিণ্ডস্থল পিতৃপুরুষের,
 উচিত নহেক তব
 আলিঙ্গিতে নিশ্চিন্ত মরণে ।
 যাও ফিরে ত্যজি রণস্থল
 পাঠাও পিতৃব্যে—

এই রণে
অশ্বরক্ষী যিনি সেনাপতি ।
বৃষকেতু । বৃথা বাক্যে কিবা প্রয়োজন
ধর অস্ত্র আশ্বরক্ষা কর—
অস্ত্রমুখে বীরত্বের দেহ পরিচয় ।

[উভয়ের যুদ্ধ করিতে করিতে প্রস্থান

বেগে বৃদ্ধ ব্রাহ্মণবেশী দুর্জনসিংহের প্রবেশ

দুর্জনসিংহ । মূর্থ অর্জুন, নিজে কাপুরুষের মত শিবিরে বসে যুদ্ধের গতি নিরীক্ষণ করছে—আর বালক বৃষকেতুর উপর দিয়েছেন এই বিপুল সৈন্ত চালানর ভার ! বৃষকেতুর ক্ষুদ্রশক্তি বক্রবাহনের দুর্দমনীয় শক্তির সম্মুখে কতক্ষণ । ঐ বীর বক্রবাহনের শাণিত কৃপাণ সূর্য্যকিরণে মুহূর্ত্তে ঝলসিত হ'য়ে উঠলো—সঙ্গে সঙ্গে ঐ পাণ্ডবসৈন্ত আর্তনাদ ক'রে রক্তাক্ত কলেবরে ভূপতিত হ'ল ! ঐ তার উত্তত কৃপাণের মুখে বালক বৃষকেতু—কি কিপ্রত্যয় সে ভীষণ আঘাত প্রতিহত করলে ! ঐ আবার—সাবাস—সাবাস কর্ণপুত্র ! না, আর পাবলে না—বৃষকেতু বিপন্ন—যাই—অচিরেই পাণ্ডবশিবিরে সংবাদ দিতে হবে ।

[বেগে প্রস্থানোচ্চোগ

শ্রীকৃষ্ণের প্রবেশ

শ্রীকৃষ্ণ । তাই তো—অমন প্রচণ্ডবেগে কোথায় চলেছ বন্ধু—হেঁচোট খাবে যে !

দুর্জনসিংহ । আঃ, কর কি ! দেখছো না—পাণ্ডবদের যে বিপদ !

শ্রীকৃষ্ণ । তাতে তোমার কি ?

দুর্জনসিংহ । বেশ লোক ত ! আমার কি ! আরে পাণ্ডবদের যে বিপদ । নাও, হাত ছাড় ।

শ্রীকৃষ্ণ । [দুর্জনসিংহের কটীদেশ জড়াইয়া ধরিয়।] তাই তো ! তাহ'লে কি করা যায় বন্ধু—পাণ্ডবদের যে বিপদ ।

দুর্জনসিংহ । আহা ছাড়—কি রকম লোক তুমি ! বিপদ বোঝ না ?

শ্রীকৃষ্ণ । বুঝেছি বৈকি বন্ধু—পাণ্ডবদের যে বিপদ !

কতিপয় বেদিয়ার প্রবেশ এবং শ্রীকৃষ্ণের ইঙ্গিতে

দুর্জনসিংহকে বন্দীকরণ

১ম বেদিয়া । এইবার বুড়ো—তোকে পেয়েছি । বল বুড়ো, আমাদের শাস্তি কোথায় ?

দুর্জনসিংহ । [স্বগত] একি বিভ্রাট ! [প্রকাশ্যে বিকৃতি স্বরে] আমায় ধরুছো কেন তোমরা, আমি বুড়ো মানুষ—রাজাটা কচি ছেলে যুদ্ধ করতে এসেছে শুনে থাকতে পারিনি, তাই ছুটে এগেছি তাকে ফেরাতে—আমার উপর জুলুম কেন বাবা ?

১ম বেদিয়া । মিথ্যা কথা—বল বুড়ো ! আমাদের শাস্তি কোথায়, নইলে এখনি তোর দাড়ী ছিঁড়ে দেবো ।

দুর্জনসিংহ । শাস্তি কে বাবা ?

১ম বেদিয়া । দেখাচ্ছি [টানিলামাত্র দুর্জনসিংহের কৃত্রিম শ্মশ্রু ও পরচূলা খুলিয়া গেল] একি ! এ যে সেই কুস্তাটা—বুড়ো সেরে আমাদের ঠকাতে এসেছে । আজ কুস্তাকে শেষ ক'রে দেবো ।

দুর্জনসিংহ । দাড়িয়ে দেখুছো কি বন্ধু ! বাঁচাও, আজীবন তোমার ক্রীতদাস হ'য়ে থাকবো ।

২য় বেদিয়া। তুই এ কুত্তার বন্ধু? তবে তোকেও ছাড়বো না।

[শ্রীকৃষ্ণের হস্ত ধরণোচ্চোগ]

শ্রীকৃষ্ণ। বন্ধু। এইবার তোমার মস্তুরই আওড়াতে হ'ল যঃ
পলায়তি সঃ জীবতি। [প্রশ্নান]

দুর্জনসিংহ। দোহাই তোমাদের, আমায় ছেড়ে দাও।

১ম বেদিয়া। এই যে দিচ্ছি। [দুর্জনসিংহের কর্ণদেশ ধারণ]

সুধার প্রবেশ

সুধা। তোমরা করছো কি! তোমাদের বিপন্ন রাজাকে সাহায্য না
ক'রে একটা বিশ্বাসঘাতকের চক্রান্ত ভেদ করতে তোমাদের অমূল্য সময়
নষ্ট করছো? অসংখ্য শত্রুসৈন্যের বাহমধ্যে প'ড়ে তোমাদের রাজা
একাকী ভগ্ন অস্ত্র নিয়ে প্রাণপণে আত্মরক্ষা করছে—মুহূর্তের বিলম্বে
হয়তো সে নিরস্ত্র মহারথী অন্তায় সমরে ধরাশায়ী হবে। যদি যাক্ষুষ হও,
অবিলম্বে তোমাদের রাজাকে রক্ষা কর।

১ম বেদিয়া। চল ভাই আর দেবী করা হবে না। যা কুত্তা,
আজকের মত বেঁচে গেলি—কিন্তু বহিন, শাস্তি ভায়ের উদ্ধারের কি হবে?

দুর্জনসিংহ। [স্বগত] আচ্ছা দেখাচ্ছি।

[প্রশ্নান]

সুধা। সে ভার আমার। এস, চ'লে এস।

[সকলের প্রশ্নান]

ভগ্ন অসি হস্তে বল্লবাহনের প্রবেশ

বল্লবাহন। একখানা অস্ত্র—একখানা অস্ত্র! কে আমায় একখানা
অস্ত্র দেবে? এই ভগ্ন অস্ত্র নিয়ে পাণ্ডবের বিপুল বাহিনীর সঙ্গে কতকণ
যুদ্ধ করবো? একখানা অস্ত্রের অভাবে এরা আমার পুত্র মত হত্যা

করবে । যদি বীরকেশরী গাণ্ডীবির হস্তে মৃত্যু হতো, তাহ'লে আপনাকে গৌরবাস্বিত মনে করতুম ! কিন্তু এ মৃত্যু তো বীরের বাহিত নয়—এ যে গৌরবের উর্দ্ধতম শিখর হাতে অপকীর্তির অধস্তম স্তবে পতন । দয়াময়, নারায়ণ ! এই কি আমার প্রাক্তন ।

বৃষকেতু ও পাণ্ডব সৈন্যগণের প্রবেশ

বৃষকেতু । আক্রমণ কর—আক্রমণ কর ! [সকলে বক্রবাহনকে আক্রমণ করিল]

বক্রবাহন । দানবীর কর্ণপুত্র—ধর্মপ্রাণ পাণ্ডববংশধর ! এই কি রণ-নীতি ? তুমিই না একদিন বুভুক্ষু ব্রাহ্মণের কুল্লিবারণ করতে আত্মদেহ দান করেছিলে ? আজ বুঝি তাই একটা বিপুল বাহিনীর নেতা হ'য়ে একজন নিরস্ত্রকে আক্রমণ ক'রে তার চেয়ে মহত্ব হৃদয়ের পরিচয় দিতে এসেছো ? তথাপি জেনো পাণ্ডবসেনাপতি ! অস্ত্র ভগ্ন হ'লেও বক্রবাহনের শক্তি এখনও ভেঙ্গে পড়েনি ।

[যুদ্ধ করিতে করিতে বক্রবাহনের ভগ্ন অস্ত্র হস্তচ্যুত হইল

তথাপি সে রিক্তহস্তে প্রাণপণে বাধা

দিতে লাগিল]

বেদিয়াগণের প্রবেশ এবং পাণ্ডবসৈন্যদলকে

আক্রমণ—যুদ্ধ করিতে করিতে পাণ্ডব-

সৈন্যগণসহ বৃষকেতুর

প্রস্থান

বক্রবাহন । এখনও আশা আছে ! যখন এই নিরস্ত্রকে সাহায্য করতে অসভ্য বেদেরা ছুটে এসেছে, তখন আশা আছে । শুধু একখানা

অন্ন ! কে কোথায় আশ্রয় আছে—বন্ধু আছে—এসো ছুটে এসো—
তোমাদের নিরস্ত্র রাজাকে একখানা অস্ত্র তিকা দাও ! কেউ নেই—হৃৎকর্ষ
পরাক্রান্ত পাণ্ডবের বিরুদ্ধে একটা অঙ্গুলী উত্তোলন করে এমন শক্তিমান
বুঝি কেউ নেই ?

উলূপীর প্রবেশ

উলূপী । কেন থাকবে না বৎস ! তোমার পাগলী মা আছে ।
এই নাও বীর অস্ত্র—পাণ্ডব নিধনে অগ্রসর হও ।

[অস্ত্র প্রদান ও প্রশ্নান]

বক্রবাহন । চ'লে গেল মা—মৃত্যুর কবল হ'তে মুক্ত ক'রে নূতন
জীবন দিয়ে চ'লে গেল ? যাও মা ! উদ্দেশে তোমাকে একটা প্রণাম
করি—তারপর যদি তোমাব এ অস্ত্রের মৰ্য্যাদা রাখতে পারি তারপরের
কর্তব্য তারপর—

[গমনোচ্ছোগ]

বৃষকেতুর প্রবেশ

বৃষকেতু । কোথা যাও মণিপুত্ররাজ !
অসভ্য অরণ্যজাতি যুঝে তোমা লাগি
দেয় প্রাণ অকাতরে সমর অঙ্গনে,
তুমি হেথা ভজিয়ান রণে কাপুরুষ,
র'য়েছ স্থানুর মত নিশ্চেষ্টে দাঁড়িয়ে ?
এত যদি মমতা প্রাণের
কেন তবে ধরেছিলে বাজী ?
যাও ফিরি কাপুরুষ ত্যজি রণস্থল
মাগি পরাজয়—

দস্তে তৃণ করি

দেহ ফিরি হয় অর্জুনেরে ।

বক্রবাহন । জানি তব পরাক্রম রাধেয় নন্দন !

বাখানিয়া কিবা ফলোদয়,

ধর অস্ত্র—রক্ষ আপনারে ।

[উভয়ের যুদ্ধ ও আহত হইয়া বৃষকেতুর পতন]

বৃষকেতু । কার্য্য শেষ । পিতৃব্য ! আপনার আদেশ অক্ষরে অক্ষরে
পালন করেছি । মমতায় মুহূর্ত্তের অগ্নি হৃদয় স্পন্দিত হয়নি—বজ্রমুষ্টি
শিথিল হয়নি—প্রাণপণে যুদ্ধ করেছি । বক্রবাহন ! ভাই ! আমায়
মার্জ্জনা কর ! কর্তব্যের কষাঘাতে ক্ষতবিক্ষত প্রাণটাকে মমতার নিবিড়
মধুর আলিঙ্গন হ'তে ছোর ক'রে ছিনিয়ে নিয়ে ভাই হ'য়ে ভাইয়ের
বিরুদ্ধে অস্ত্রধারণ করেছি, আমায় মার্জ্জনা কর ভাই—

বক্রবাহন । ভাই—ভাই বৃষকেতু ! আমার বক্ষে এসো !

[উভয়ে আলিঙ্গন পাশে বদ্ধ হইল]

অবিরত রক্তমোক্ষণে অবসন্ন দেহভার আমার বক্ষে গুস্ত ক'রে আমার
স্বন্ধে ভর দাও ভাই ! আমি তোমায় শিবিরে রেখে আসি ।

[তথাকরণ ও উভয়ের প্রস্থান]

ষষ্ঠ দৃশ্য

প্রমোদ কক্ষ

চিন্তানিবিষ্ট দুর্জনসিংহ

গীত

নর্তকীগণ ।—

আর লো সই দিই গো সাঁতার
প্রেমের দরিয়ায় ।

তরঙ্গে গা ঢেলে দে' ভাসিয়ে দোব
আপনায় ॥

পুরুষের নয় লো তেমন প্রাণ,
লাজের বাঁধে পড়'বে বাঁধা
দায় হবে লো রাখা মান,
অকুলে ভেসে গেলে
সাম্ভানো যে হবে দায় ॥

দুর্জনসিংহ । [সুরাপান করতঃ] নাঃ, এও অসহ ! হৃদয়ের
অসহনীয় যন্ত্রণার সম্মুখে চিরশাস্তির প্রমোদ-উল্লাসও অসহ ! যাও তোমরা,

[নর্তকীগণের প্রস্থান

প্রতিশোধ চাই ! বারবার অসভ্য জানোয়ারগুলোর হাতে অপমানিত—
লাহিত হচ্ছি, এর যোগ্য প্রতিশোধ চাই । বক্রবাহনের জন্ত নিশ্চিন্ত,
তার দিন ঘুনিয়ে এসেছে । রাজমাতার কাছ থেকে মণি হস্তগত করেছি
—তার উপর আবার স্বয়ং গাণ্ডীবি অস্ত্রধারণ করবে । কে ?—

দস্যু সর্দারের প্রবেশ

দুর্জনসিংহ । কি সংবাদ ?

সর্দার । সেই বেদের মেয়েটা ধরা পড়েছে । আমার সর্দীদের জিন্মায় রেখে প্রভুকে সংবাদ দিতে এসেছি ।

দুর্জনসিংহ । ধরা পড়েছে ? সাবাস্ সর্দার ! অবিলম্বে তাকে এইখানে নিয়ে এস ।

সর্দার । এইখানে ?

দুর্জনসিংহ । হ্যাঁ, এইখানে—এই প্রমোদ উদানে । আর বেদে-পল্লীতে আগুন লাগাবার কি উপায় করেছ ?

সর্দার । আমার অনুচরেরা বোধ হয় এতক্ষণে সে কার্য শেষ ক'রে ফিরেছে ।

দুর্জনসিংহ । সাবাস্ সর্দার ! যদি মণিপুর সিংহাসন আমার হয়—সেনাপতিত্ব তোমার । নিয়ে এসো সেই বেদেনীকে, এখনই—এই মুহূর্তে । না, দাঁড়াও—আগে ছোঁড়াটাকে নিয়ে এসো ।

[দস্যুসর্দারের প্রস্থান]

দুর্জনসিংহ । একদিকে ভ্রাতার মৃত্যু—অন্যদিকে আমার ভ্রাতৃপুত্র সঙ্গে তার জীবনব্যাপি অশান্তি ! একদিকে ঘোর অতৃপ্তি—অন্যদিকে শোকের তুমুল তুফান ! দেখি বেদেনী কি চায় ?

অগ্রে দস্যুসর্দার তৎপশ্চাতে গীতকণ্ঠে শান্তির প্রবেশ

গীত

শান্তি ।—

বুঝি সকলি ফুরায়ে যায় ।

আমার বিবাদ বেদনা সাধনা কামনা

সকলি মপিনু তোমার পায় ॥

(১৩৯)

মুকুল জীবনে ফুরাইল সাধ,
নিয়তির খেলা হ'ল পরমাদ, ৬
ওহে পারের কাণ্ডারী দিয়ে চরণ তরী
অকুল পাথারে রাখ অভাগায় ॥

দুর্জনসিংহ । এই যে বিশ্বাসঘাতক—এইখানে থাক্ । যাও সর্দার
সেই বেদেনীকে নিয়ে এসো !

[সর্দারের প্রস্থান ।

জান কি শাস্তি, তোমায় এখানে আনা হয়েছে কেন ?

শাস্তি । কেমন ক'রে জানবো । তবে অনুমান হয়, আমায়
বিনাদোষে দণ্ড দিতে আপনি কৃতসঙ্কল্প ।

দুর্জনসিংহ । হাঃ-হাঃ-হাঃ—অবিকল ! তবে বিনাদোষে নয়, তুমি
বিশ্বাসঘাতক ষড়যন্ত্রকারী—তোমার অপরাধ গুরুতর, আর সেই অপরাধের
দণ্ড—মৃত্যু !

শাস্তি । মৃত্যু ! আমায় মৃত্যুদণ্ড দেবেন ? শুনেছি বাঁচা মরা তো
মানুষের হাত নয়—আপনি কেমন করে আমায় মৃত্যু দেবেন ?

দুর্জনসিংহ । তা না হ'লেও তোমার মৃত্যু আমার হাতে, আর
দেখতে পাবে সে মৃত্যু কেমন ভাবে দিই ।

দস্যুসর্দার ও সুধার প্রবেশ

সুধা । কার আদেশে তুমি আমায় বন্দী করলে দস্যু ?

দুর্জনসিংহ । আমারই আদেশে সুন্দরী ! আমিই তোমার অনিন্দ্য-
সুন্দর রূপে মুগ্ধ হ'য়ে তোমায় ছলে বলে কৌশলে যেমন ক'রে হোক
অবরুদ্ধ করতে আদেশ দিয়েছিলুম । সর্দার আমার প্রাণের বন্ধু, তাই



দস্তা সদ্যব । . তলের কড়ানু কাদার জলে আ'ম ঠ ছোড়াটাকে
গাধছিলম ।
জরমানা ০র্থ অঙ্ক, ৬ষ্ঠ দণ্ড - - ১৪১ পৃষ্ঠা ।

বিনা বাক্যবয়ে আমার আদেশ পালন করেছে। শুধু যে তুমি বন্দিনী তা নয় সুন্দরী, তোমার বিশ্বাসঘাতক সহোদরও আজ বন্দী—মৃত্যুদণ্ডে দণ্ডিত।

সুধা। য্যা! শাস্তি! শাস্তি! তুই এখানে? ভাই—একি শুনিছ?

শাস্তি। ভয় কি দিদি, আমাদের বুড়ো দেবতার কথা কি ভুলে গেলে? মানুষ কি ইচ্ছা করলে মানুষের মৃত্যু দিতে পারে?

সুধা। মানুষ কোথায় শাস্তি? এ যে রাক্ষস!

শাস্তি। রাক্ষসই হোক—আর পিশাচই হোক, ভগবান ত নয়।

দুর্জনসিংহ। তা না হ'লেও স্থির জেনো বালক! সে অধিকার আমার আছে। তোমায় অস্ত্রাঘাতে হত্যা করবো না—তপ্ত তৈলকটাহে তোমায় জীবন্ত নিক্ষেপ করবো। সর্দার, অবিলম্বে তৈলকটাহ আনয়ন কর।

[সর্দারের প্রস্থান]

মৃত্যুর পূর্বে শুনে রাখ, বিশ্বাসঘাতক, তোদের পরমহিতৈষী বেদেদের আমি কি সর্বনাশ করেছি—বার বার অপমানিত—লাঞ্চিত হ'য়ে আমি তার যোগ্য প্রতিশোধ নিয়েছি—তাদের সপুত্র পরিবারে জীবন্ত দণ্ড করতে ঐ বেদপল্লীতে আমি আগুন লাগিয়েছি।

সুধা। য্যা! বল কি শাস্তি! ঈশ্বরের করুণার উপর তোর রক্ষার ভার নির্ভর ক'রে আমি চললাম ভাই—দেখি যদি সে হতভাগ্যদের রক্ষার কোন উপায় করতে পারি।

[গমনোচ্চোগ, দুর্জনসিংহের বাধা প্রদান]

দুর্জনসিংহ। কোথা যাও সুন্দরী! ক্ষুধিত কেশরীর বিবরে এসে পা দিয়েছ—এখন আর তোমার সে স্বাধীনতা নেই।

সুধা। সরে যাও—সরে যাও, আমায় স্পর্শ ক'রো না।

দুর্জনসিংহ । সে কি কথা সুন্দরী, শিকার হাতে পেয়ে কি কেউ ছেড়ে দেয় ? এস, যদি ভাল চাও—আমার পাশে এসে বস ।

দস্যুসর্দারের প্রবেশ এবং প্রজ্জ্বলিত অগ্নিকুণ্ডের উপর
তৈলপূর্ণ কটাহ স্থাপন

এখনও দাঁড়িয়ে রইলে কেন সুধা ? এস—যদি স্ব-ইচ্ছায় না এস, আমি বলপ্রকাশেও কুণ্ঠিত হবো না । হ্যাঁ, আর একটা কথা—তোমার ভাইয়ের মৃত্যুদণ্ড তুমি ইচ্ছা করলে রহিত করতে পার—শুধু তোমার ঐ রূপের বিনিময়ে । তুমি যদি স্বেচ্ছায় আমার প্রমোদসঙ্গিনী হও, তোমার ভাইকে মুক্তি দেবো—আর যদি অসম্মত হও, তোমারই চক্ষের সম্মুখে তোমার ভাইকে ঐ উত্তপ্ত তৈলকটাহে নিক্ষেপ করবো । বেছে নাও সুধা, কি চাও—স্নেহের সহোদরের মুক্তি চাও—না মৃত্যু চাও ?

সুধা । কি বল্লি পিশাচ ! সতী রমণী তার সর্বশ্রেষ্ঠ সতীধর্মের বিনিময়ে তার ভাইকে রক্ষা করবে ? তা হয় না পিশাচ—নশ্বর একটা জীবনের জন্য ধর্মত্যাগ করবো না—না, প্রাণান্তেও না । মাথার উপর সূর্যশক্তিমান ঈশ্বর আছেন তিনিই অগতির গতি—বিপন্নের আশ্রয়, দীনের বন্ধু, তিনিই আমার ভাইকে রক্ষা করবেন ।

দুর্জনসিংহ । বটে, তবে দেখ্ ! সর্দার, বালককে তৈলকটাহে নিক্ষেপ কর—আয় বেদেনী, আমার পাশে বসবি আয় ।

[সর্দার শাস্তিকে বাঁধিতে লাগিল, দুর্জনসিংহ সুধার হস্ত

ধারণ করিতে উত্তোগ, সুধার ইতস্ততঃ পরিক্রমণ]

সিংহের গহ্বরে এসে পড়েছিঁস্ পালাবি কোথায় ? [সুধাকে আকর্ষণ]

সুধা । নারায়ণ ! রক্ষা কর, পিশাচের হস্তে ধর্ম যায়—সর্বস্ব যায়

—মা সতীরাগী আত্মশক্তি ! সতীর ধর্মরক্ষা করতে কি তুইও শক্তিহীনা হয়েছিস্ ? দয়া কর মা—দয়া কর, এই দুর্ভাগ পিশাচকে জরাগ্রস্ত ক’রে তার পাশবশক্তির লোপ কর মা ! [সুধা সজোরে আপনাকে মুক্ত করিল
নত দুর্জনসিংহ শোফায় ঢলিয়া পড়িল]

শ্রীকৃষ্ণের প্রবেশ

শ্রীকৃষ্ণ । তার কি আর অণুথা হয় বেটী—সতীর ধর্মরক্ষা করতে মা সতীরাগী আজ তোমার রসনায় আবিভূতা, তাই তোমার কাতর আর্তনাদের সঙ্গে এই অভিশাপবাণী তোমার অজ্ঞাতে তোমার মুখে উচ্চারিত হ’য়েছে । ঐ দেখ, বীভৎস-মূর্ত্তি জরা কামাক্ষ পিশাচকে আক্রমণ করতে ধেয়ে আসছে—আর ভয় নেই । তোমার স্বামী যুদ্ধক্ষেত্রে—তোমার কি এমন ভাবে নিশ্চিত থাকার সাজে ? আয়—আমার সঙ্গে আয় ।

[সুধা ও শ্রীকৃষ্ণের প্রস্থান

দুর্জনসিংহ । একি অলক্ষণ !

কেন ঘন হৃদয় স্পন্দন !

শিবা বায়নের রব পাশিছে শ্রবণে

পেচকের তীব্র আর্তনাদ !

ধরিত্রী যাইছে সরি চরণ হইতে ।

একি ধরিত্রী কম্পন !

কেন কেন শিহরণ !

ভার হয়ে আসে দেহ—

অবশ চরণ—ভুঙ্কয়ুগ হ’তেছে অবশ !

দৃষ্টি ক্ষণতর—ঘূর্ণমান দশাধিশি !

খাস রুদ্ধ প্রায়, ঘন ঘন দেহের কম্পন !

শক্তিহীন হ'য়ে আসে দেহ ।
 অবসাদ আসে ধীরে ধীরে—
 ওই বুঝি ধমনী ভিতরে
 লুপ্ত হ'ল শোণিত প্রবাহ !
 কীণতর হৃদয়ের বেগ !
 ঘূর্ণ্যমান শির
 দাঁড়াতে অক্ষম আমি ।
 একি—তথাপি কল্পন !
 নাহি শক্তি উত্তোলিতে বাহ—
 নাহি মোর উত্থান শক্তি !
 রাক্ষসী বেদিনী !
 সর্বনাশী কি করিলি তুই ?
 যাদুমন্ত্রে শক্তিলোপ করিলি আমার !
 প্রতিশোধ—প্রতিশোধ চাই,
 সর্দার !
 শৃঙ্খলিত কর বেদিনীরে ।
 প্রতিশোধ চাই—

শ্রীকৃষ্ণের পুনঃ প্রবেশ

শ্রীকৃষ্ণ । তার আর কথা আছে বন্ধু ! প্রতিশোধ নিতেই হবে—
 কিন্তু বন্ধু, বেদিনী যে পগার পার ।

চূর্জনসিংহ । য্যা ! বল কি বন্ধু ! বেদিনী পলাইতা ? সর্দার—
 সর্দার তবে তুমি কি কব্বছিলে ?

দস্যুসর্দার । তেলের কড়ায় ফেল্‌বার জগ্গে আমি ঐ ছোঁড়াটাকে বাধ্‌ছিলুম ।

দুর্জনসিংহ । অপদার্থ তুমি, প্রতিশোধ নেওয়া হলো না—প্রতিশোধ নেওয়া হলো না । বালককে তৈলকটাতে নিক্ষেপ কর, আর মুহূর্তমাত্র বিলম্ব করো না ।

শ্রীকৃষ্ণ । তা তো ফেল্‌তেই হবে বন্ধু ! তবে আমার একটা কথা শুনবে বন্ধু ?

দুর্জনসিংহ । আগে এই দুই বালককে তৈলকটাতে নিক্ষেপ করুক—তারপর শুনবো বন্ধু !

শ্রীকৃষ্ণ । আমি তো আর তাতে বাধা দিচ্ছি না বন্ধু, বরং ঐ বালককে তপ্ত তৈলে নিক্ষেপ করতে তোমায় প্রতিজ্ঞাবদ্ধ হ'তে বলছি ।

দুর্জনসিংহ । তুমি তা বল্‌বার পূর্বে আমি বালককে হত্যা করতে দৃঢ় প্রতিজ্ঞ হয়েছি ।

শ্রীকৃষ্ণ । তাহ'লে প্রতিজ্ঞা ক'রেছ ? শেষটায় পেছুবে না ত ?

দুর্জনসিংহ । আমার প্রতিজ্ঞা চিরদিনই অচল—অটল ।

শ্রীকৃষ্ণ । বেশ, তাহ'লে আমার কথাটা শেষ হ'লেই বালককে তপ্ত তৈলে নিক্ষেপ করবে, কেমন ?

দুর্জনসিংহ । নিশ্চয়ই—

শ্রীকৃষ্ণ । তাহ'লে একটা গল্প বলি শোন বন্ধু !

দুর্জনসিংহ । উপকথা শোন্‌বার আমার অবসর নেই বন্ধু ! যা বল্‌বার আছে সংক্ষেপে বল ।

শ্রীকৃষ্ণ । সংক্ষেপেই বলছি বন্ধু—এক সাধ্বী একদিন দস্যু হস্ত হ'তে তাঁর স্বামীকে রক্ষা করতে আত্মপ্রাণ বিসর্জন দিয়েছিল—সেই রমাদেবীকে তোমার মনে পড়ে বন্ধু ?

দুর্জনসিংহ । কি বল্লে, রমা ! আমার জীবনসঙ্গিনী পতিপরায়ণা পত্নী রমা ! তার কথা কেন তুল্ছো বন্ধু, অতীতের সে চিরপবিত্র স্মৃতি । সে মধুময় স্মৃতি ভোলবার নয়—জীবনের পরপারে গিয়েও নয় । শুধু রমার স্মৃতি নয় বন্ধু ! সেই দেবী প্রতিমার পবিত্র স্মৃতির সঙ্গে আরও দু'টি স্বর্গীয় মধুময় স্মৃতি জড়ানো । তারা স্বর্গে—আর আমি হতভাগ্য হৃদয়ে জীবনব্যাপী বিষাদের তুষানল জ্বলে পুনর্জ্বলনের আশায় মৃত্যুর আশাপথ চেয়ে ব'সে আছি ।

শ্রীকৃষ্ণ । তা না হয় আছ, কিন্তু সেই দেবশিশু দু'টি যে স্বর্গে—এ কথা তোমায় কে বল্লে ?

দুর্জনসিংহ । দুর্ভাগ্য দস্যুর অস্ত্রঘাতে ক্ষত-বিক্ষত দেহে কখন যে আমি জ্ঞানহারা হয়েছিলুম মনে পড়ে না । চেতনা লাভ ক'রে দেখলুম, পার্শ্বে হতভাগিনী রমার মৃতদেহ—আর তার বক্ষে দু'টি বালকবালিকার বিকৃতি ছিন্নমুণ্ড । সে দৃশ্য কি ভীষণ ! কি করুণ ! কি মর্মান্বিত ! বন্ধু ! আমি আবার চেতনা হারালুম !

শ্রীকৃষ্ণ । তুমি প্রতারণিত হয়েছিলে বন্ধু, নরঘাতী দস্যু বালক-বালিকা দু'টিকে অপহরণ ক'রে তোমায় প্রতারণিত করতে দু'টি মৃত শিশুর বিকৃতিমুণ্ড রমার বক্ষে রেখেছিল ।

দুর্জনসিংহ । য্যা ! তবে কি তারা জীবিত ? বন্ধু ! বন্ধু ! বল—বল তারা কোথায় ?

দস্যুসর্দার । [স্বগত] একি ! লোকটা কে ! সব ঠিক ঠাক্ বল্ছে ! যদি আমায় চিনে ফেলে ! তাহ'লে ত সর্বনাশ—প্রাণ নিয়ে টানাটানি ! মাথায় থাক্ বাবা সেনাপতির পদ—প্রাণে বাঁচলে সব হবে ।

[অন্তের অলক্ষ্যে প্রশ্বাস ।



অগ্নি ।...তোমাদের নয়নের প্রত্যেক বারিবিन्दু অজগর মূর্তিতে আমার
পাশবদ্ধ ক'রে আমার দংশন করছে । রক্ষা কর মা—রক্ষা কর !

[জয়মাল্য ৪র্থ অঙ্ক, ৭ম দৃশ্য—১৪৬ পৃষ্ঠা ।

৷হ । চূপ ক'রে রৈলে কেন বন্ধু ! বল, তোমার পায়ে ধরি বন্ধু ! বল তারা কোথায় ? যখন এতটা সংবাদ রাখ, তখন তুমি নিশ্চয়ই জান তারা কোথায় ! বল বন্ধু, দয়া কর—পরাশ্রিত হতভাগ্যকে দয়া কর বন্ধু—আমি আজীবন ক্রীতদাস হ'য়ে থাকুবো ।

শ্রীকৃষ্ণ । ব্যস্ত হ'য়ো না, বল দেখি বন্ধু—রমার মুখখানা মনে পড়ে কি ? সে মুখের প্রতিচ্ছবি আর কোথাও দেখেছো কি ?

হুজ্জনসিংহ । তাই কি ! তাই কি ! হ্যা, তাই ত বটে ! সে মুখই ত বটে ! ভগবতী বসুন্ধরা দ্বিধা হও ! বিশ্বধ্বংসী প্রভঞ্জন—প্রলয়ের মূর্তি ধ'রে পৃথিবীখানাকে ভেঙ্গে চুরমার ক'রে দাও । আকাশ ! তোমার বক্ষে কি একখানা বজ্র নেই—যার বিশ্বধ্বংসী কালানলে ধরিত্রী ভস্ম ভূত হ'য়ে যায় ? উন্মত্ত সাগর ! প্রলয় তুফানে বাড়াবাগ্নি জ্বলে এই নরাধম পিশাচকে পুড়িয়ে মার—আব তার প্রতিহিংসাকে পুড়িয়ে মার ! উঃ, কি ক'রেছি— কি ক'রেছি ! আর, যা পিশাচে পারে না, নরকের প্রেত যে কথা ভাবতে স্বপ্নায় আতঙ্কে নিউরে ওঠে—আমি পিশাচের অধম তাই—তাই—না—না—আর ভাবতে পারি না—আজুহতায় মহাপাপের কঠোর প্রায়শ্চিত্ত করবো । এই হাতখানা—কামান্ন কুকুরের হাতখানা—ইচ্ছা হ'চ্ছে কামড়ে ছিঁড়ে টুকুরো টুকুরো ক'রে ফেলি ! এই লুক্ক দৃষ্টপূর্ণ চোখ দু'টো নখে উপড়ে ফেলি ; কিন্তু এতটুকু শক্তি নেই । হ্যা, আছে বৈকি—এই পাথরে মাথাটাকে ছু'খানা ক'রে ফেলবার শক্তি আছে—তাই করি, দেখি, তাতে যদি মহাপাপের এতটুকুও প্রায়শ্চিত্ত হয় ।

শ্রীকৃষ্ণ । [বাধা প্রধান করত] করছো কি বন্ধু ! আমার গল্প ত শেষ হ'য়ে গেল, এইবার তোমার প্রতিজ্ঞা পালন কর—বালককে তৈলকটাহে নিক্ষেপ করতে তোমার বন্ধুপ্রবরকে আদেশ দাও—

হুজ্জনসিংহ । আমায় মার্জনা কর বন্ধু ! মহাপাপী আমি—মার্জনা

চাইবারও আমার অধিকার নেই ! শাস্তি ! বাপ্, আমার ! বুকের
নিধি—বুকে আয় ! সর্দার! সর্দার ! শাস্তির বাঁধন খুলে দাও ।

শ্রীকৃষ্ণ । সর্দার কৈ বন্ধু—সে ত সটকেছে ।

দুর্জয়সিংহ । সে পালানো কেন ?

শ্রীকৃষ্ণ । তোমার উপকারী বন্ধু কিনা—পাছে তুমি রমার হত্যাকারী
ব'লে চিনে ফেল । আয় শাস্তি, তোর বাঁধন আমি খুলে দিই—
তোরা বেদে নোস, ইনিই তোদের পিতা ।

[তথাকরণ ও প্রস্থান]

শাস্তি । আমার কাঁধে ভর দাও বাবা, চল কুটীরে নিয়ে যাই ।

দুর্জয়সিংহ । না শাস্তি, তা হবে না—এখন যে আমার মহাপাপের
প্রায়শ্চিত্ত করবার সময় এসেছে । চল, আমায় রণক্ষেত্রে নিয়ে চল—
আমার মার কাছে, তোমার দিদির কাছে নিয়ে চল—মণিপুররাজের
কাছে নিয়ে চল । আমায় মার্জনা চাইতে হবে—সকলের কাছে মার্জনা
চাইতে হবে ।

[উভয়ের প্রস্থান]

সপ্তম দৃশ্য

অরণ্যের একাংশ

অরণ্যজন্তুর শাবক ক্রোড়ে গীতকণ্ঠে বেদিনীগণের প্রবেশ

গীত

কি হবে গো কোথা যাব গো

দুঃমন এসেছে ।

পাতার কুঁড়ে গেল পুড়ে

মিসেরা লড়ায়ে গেছে ॥

বাঘা মামা ঘুমিয়েছিল,

কি জানি তার কি যে হ'ল,

কচি কচি ছানাগুলো

সিঙ্গি খুড়ো গতির কুঁড়ে,

বেটা বুঝি গেল পুড়ে,

গাছে চ'ড়ে ভালকো ভায়া

আছে কি না আছে ॥

মন্দ কি ক'রেছি ভুলে,

লাগলো আগুন ছার কপালে,

কে জানে কার পাপেতে

বুনো বেদের কপাল ভেঙ্গেছে ॥

১ম বেদিনী । তাইতো ভাই ! কি হবে ভাই—কোথায় যাব ভাই ?

২য় বেদিনী । চল—চল আমাদের বুড়ো দেবতার কাছে যাই, বুড়ো

দেবতা আমাদের উপায় ব'লে দেবে !

নাগপাশে আবদ্ধ অগ্নির প্রবেশ

অগ্নি । রক্ষা কর, বড় যত্নগা—বড় যত্নগা !

১ম বেদিনী । কে তুমি ? কি হ'য়েছে তোমার ?

অগ্নি । মূর্ত্তিমতী কল্পণা তোমরা, তোমাদের অনিষ্ট করিতে গিয়ে
আমার এই দশা ! তোমাদের নয়নের প্রত্যেক বারিবিন্দু অজগর মূর্ত্তিতে
আমায় পাশবদ্ধ ক'রে আমায় দংশন করছে ! রক্ষা কর মা, রক্ষা কর ।

১ম বেদিনী । তোমাকে ত কখন দেখিনি—আর তুমিই বা আমাদের
অনিষ্ট করলে কখন ?

অগ্নি । আমি অগ্নি, তোমাদের কুটীর দাহ করিতে গেছলুম—পারিনি,
এই দশায় ফিরে এসেছি !

১ম বেদিনী । তাহ'লে আমাদের কুঁড়েগুলো পোড়ে নি ?

অগ্নি । একটা পত্রও না । আমায় রক্ষা কর মা—

১ম বেদিনী । এই সাপগুলো খুলে দেবো ? দিই—

[সর্প স্পর্শমাত্র তাহা পুষ্পমাল্যে পরিবর্তিত হইল]

অগ্নি । আঃ, বাঁচলুম—আমার যথেষ্ট শিক্ষা হলো । মা তোমাদের
কোটি কোটি প্রণাম ।

[প্রস্থান

১ম বেদিনী । বেশ মজার লোক ত ! আয়—আয়, আমাদের কুঁড়ে
গুলো দেখিগে আয়, বোধ হয় পোড়েনি ।

[সকলের প্রস্থান

পঞ্চম অঙ্ক

প্রথম দৃশ্য

পাণ্ডব শিবির

আনন্দরামের প্রবেশ

আনন্দরাম। “খুঁজি খুঁজি নারি—পেলেই নাদনা বাড়ি।” যদিও নাদনায় তার কিছু হবেনা, আর আমাব সে ইচ্ছে নয়, তবুও যা কববো মনে ক’রেছি তাতেই তার দফা রফা। এই ছাঁদন দড়িতে আঠে-পৃষ্ঠে বেঁধে তার সর্বনেশে চোখ দুটো উবুড়ে মোব। যেমন কালকুটে চেহাৰা—তেমনি তার বিদখুটে দৃষ্টি! একটিবাব যেমন দেখা—অমনি সপুলী একগাড় করা! কুরুরাজের অমন জল জলাট সংসার—দুর্যোধন দুঃশাসন ক’বে শ’খানেক ছেলে, ভীষ্ম, বর্ন, দ্রোণ ক’রে অমন মতা মহারথী ওই মধুব দৃষ্টির সামনে প’ড়ে একেবারে চিচিং ফাঁক! ও দৃষ্টি মণিপুৰে পড়লে কি আর রক্ষে থাকবে! রাজা ত রাজা—আস্তাবলের ঘোড়ার বালামচিটি পর্যন্ত উড়ে যাবে। তাই আজ মরিয়্য হ’য়ে বেরিয়েছি, পাণ্ডবদের অশ্বমেধযজ্ঞ শেষ হবার আগে আমি সারথিমেধযজ্ঞ শেষ করবো—তবে আর কাজ। গাঢ় অঙ্ককারে গা ঢাকা দিয়ে বেরিয়েছি, এখন দেখি কোথাকার জল কোথায় মরে।

অর্জুনের প্রবেশ

অর্জুন। কে তুমি ভদ্র! রজনীর গাঢ় অঙ্ককারে আপনাকে লুকিয়ে চোরের মত চুপে চুপে শিবির-সীমান্তে ঘুরছো?

আনন্দরাম । একটা কিছু মতলব আছে বৈকি । নইলে এমন রম্যরম্য ঝামাঝামের ভেতর এমন মরিয়্যা হ'য়ে আসবো কেন ? যদিও অন্ধকারে ভাল লক্ষ্য হচ্ছে না, তবুও বুঝছি তুমি লোকটা নেহাত কেওকেটা নও ।

অর্জুন । তাই যদি বুঝেছ, তবে কি সাহসে শক্র-শিবিরে এসেছ বৃদ্ধ ?

আনন্দরাম । বুকে মরিয়্যার সাহস নিয়ে এসেছি—একটা মহৎ উদ্দেশ্যে ; যদি সফলকাম হই, তাহ'লে যে শুধু মণিপুর রক্ষা হবে তা নয়, মণিপুরের মত অনেক রাজাকে অকালে ধ্বংসের মুখ থেকে বাঁচাতে পারুব ।

অর্জুন । তাহ'লে তোমার উদ্দেশ্য বুঝেছি বৃদ্ধ ! তুমি পাণ্ডবের সর্বনাশ ক'রে মণিপুর রাডাকে রক্ষা করতে চাও—কেমন ?

আনন্দরাম । ঠিক তা নয়, তবু একটু তলিয়ে বুঝতে গেলে ব্যাপারটা অনেকটা তাই দাঁড়ায় বটে । মিথ্যা বলবো না—উদ্দেশ্য গোপন করবো না । শুধু আমার উদ্দেশ্য—এই ছাঁদন দড়িতে পাণ্ডব-সারথিকে বাঁধবো, তারপর যা করবো তা আর বলবো না । যদি দীন ব্রাহ্মণ ব'লে একটু উপকার করতে চান, বলুন কোথায় গেলে সে খলচুড়ামণি চতুর শিরোমণিকে দেখতে পাব ?

অর্জুন । ব্রাহ্মণ ! তুমি নিশ্চয়ই উন্মাদ—নইলে যাকে অচ্ছেদ্য প্রেমের বাঁধন ভিন্ন কেউ কখনও বাঁধতে পারেনি—তুমি তাকে ছাঁদন দড়ি দিয়ে বাঁধতে চাও ?

আনন্দরাম । পারি না পারি সে ভার আমার, তুমি এখন দয়া ক'রে তার সন্ধানটা ব'লে দিতে পার ?

অর্জুন । তার সন্ধান কেউ ব'লে দিতে পারে না বৃদ্ধ ! পরিপূর্ণ একাগ্রতা নিয়ে তার সন্ধান কর, সফলকাম হবে । তবে একটু বলে রাখছি, পাণ্ডবসখা যদুপতি কেশব এ যুদ্ধে পাণ্ডবের সারথ্য গ্রহণ করেননি ।

আনন্দরাম । এ যে বিশ্বাস করতে প্রবৃত্তি হয় না বাপু ! তোমার কথা যদি সত্য হয় তাহ'লে আমি নিশ্চিত । এ যুদ্ধে পাণ্ডবের পবাক্ষয় অবশ্যস্তাবী ।

অর্জুন । ব্রাহ্মণ, তুমি গাণ্ডীবধন্বা বীরকেশরী অর্জুনের দোর্দণ্ড প্রতাপের বিষয় অবগত নও ।

আনন্দরাম । খুব জানি । পাণ্ডবের ঐ কুচক্রী সারথিটা যতক্ষণ পাণ্ডবের রথে থাকবে ততক্ষণ পাণ্ডব অপরাজেয়, কিন্তু সারথি অভাবে পাণ্ডব শিশুর চেয়েও দুর্বল ।

অর্জুন । রগনা সংযত কর ব্রাহ্মণ ! জান তুমি কার সম্মুখে পাণ্ডবের নিন্দা করছো ?

আনন্দরাম । এতক্ষণ জানতে পারিনি, এইবার বাপু, তোমার রক্ত-চক্ষু—যদিও অন্ধকারে ভাল দেখতে পাচ্ছি না, তবু চক্ষুহটো যে আরক্ত হ'য়ে উঠেছে সেটা খুব ঠিক, আর ঐ বৃষভনিন্দিত মধুর আওয়াজেই বুঝেছি তুমিই তৃতীয় পাণ্ডব—বর্তমান যুদ্ধে পাণ্ডববাহিনীর অধিনায়ক । তা বাপু, তুমি যেই হও, তুমি যখন সারথিহীন তখন তুমি খোঁড়া ।

অর্জুন । ব্রাহ্মণ ! জেনো ব্রাহ্মণ ব'লেই এখনো—

আনন্দরাম । [বাধা দিয়া] মাপ্ করছো ? নইলে ধড়ের উপর মাথারূপ যে বোঝাটা রয়েছে সেটা নামিয়ে নিয়ে ধড় বেচারাকে ভারমুক্ত করতে, কেমন ? তা দাও না বাপু ! আক্ষেপ থাকে কেন ? কিন্তু আমি তবুও বলবো, সে চক্রধারী সহায় না হ'লে পাণ্ডবের কোন শক্তি নেই ।

অর্জুন । এত স্পর্ধা ! আচ্ছা দেখতে পাবে ব্রাহ্মণ, পাণ্ডবের নিজের শক্তি আছে কি না ! আমি প্রতিজ্ঞা করছি—এ যুদ্ধে আমি যত্নপতির সাহায্য গ্রহণ করবো না ।

শ্রীকৃষ্ণের প্রবেশ

শ্রীকৃষ্ণ । আমি যে তোমার রথের সারথ্য গ্রহণ করিতে ফিরে এসেছি
সখা !

অর্জুন । এ যুদ্ধে তার আর প্রয়োজন হবে না সখা ! একটা বালকের
সঙ্গে যুদ্ধে বীরশ্রেষ্ঠ যদুপতির সাহায্য গ্রহণ পার্থের গৌরবের পরিচায়ক
নয় সখা ! তবে যখন এসেছ, হয় নিরপেক্ষভাবে যুদ্ধের গতি নিরীক্ষণ কর,
নয় হস্তিনায় গিয়ে ধর্মরাজের মহাযজ্ঞের সহায়তা কর ।

শ্রীকৃষ্ণ । সখার যেমন অভিরুচি !

আনন্দরাম । [স্বগত] এই তো সেই কূচক্রৌ পাণ্ডবের সখা ! হাতে
পেয়ে ছাড়া হবে না । [প্রকাশ্যে] শুধু অভিরুচি বলে সারুলে চলবে না
চাঁদ ! একটা পাকাপাকি বন্দোবস্ত ক'রে যেতে হবে ।

শ্রীকৃষ্ণ । কিসের বন্দোবস্ত বৃদ্ধ ?

আনন্দরাম । আমার আত্মশ্রদ্ধের বন্দোবস্ত যুবক ! ঞ্চাকা সাজ্ছো
কেন চাঁদ ? ঞ্চাকা বাঁকা পথটা ছেড়ে সোজা কথায় তোমাকেও একটা
প্রতিজ্ঞা করিতে হবে—আর না কর, এই ছাঁদন দড়ির শরণাপন্ন হ'তে হবে ।

শ্রীকৃষ্ণ । তোমার কথা তো কিছুই বুঝতে পারছি না বৃদ্ধ !

আনন্দরাম । বিশ্ব-ব্রহ্মাণ্ডটাকে নাকে দড়ি দিয়ে ঘোরাচ্ছে, আর
আমার সাদা কথাটা বুঝতে পারলে না ? ভাল, বুঝিয়ে দিচ্ছি । এই
যুদ্ধে যেমন বীরশ্রেষ্ঠ তৃতীয় পাণ্ডব—মশায়ের সাহায্য গ্রহণ করবেন না
ব'লে প্রতিজ্ঞা করলেন, তেমনি তুমিও প্রতিজ্ঞা কর যে, তুমি পাণ্ডব-পক্ষ
হ'তে যুদ্ধ করবে না ।

শ্রীকৃষ্ণ । একমাত্র রথের সারথ্য ভিন্ন কি কখনও যুদ্ধ করেছি বৃদ্ধ ?

আনন্দরাম । তা করবে কেন ? বকাসুর মলো—তোমার হাতে
ক্ষীরের ডেলাটা খেয়ে ! অকাসুর কুপোকাং হলো—দুধের বাটা চুমুক

মারুতে ! রাজা কংস পটল তুললে—তোমার বাড়ী ফলার করতে গিয়ে !
তুমি আবার যুদ্ধ করলে কখন ? ও সব ছল চাতুরী ছাড় না টাঁদ ! যা
বলছি তা শোন । হয় প্রতিজ্ঞা কর—নয় ছাঁদন দড়ির শরণাপন্ন হও !
একটা ছেলেকে মারুতে অত আড়ম্বর কেন বাপু ? কথায় বলে
একা রামে রক্ষে নাই সুগ্রীব দোসর !

শ্রীকৃষ্ণ । ছাঁদন দড়ির শরণাপন্ন হবো কেমন করে বৃদ্ধ ?

আনন্দরাম । সেটা আমিই দেখিয়ে দিচ্ছি । [বন্ধনোচ্চোগ]

অর্জুন । সাবধান ব্রাহ্মণ ! কি করতে যাচ্ছ তা জানো ?

আনন্দরাম । খুব জানি ! যে ভয় দেখাচ্ছ সে ভয় যদি থাকতো তা
হ'লে বাঘের মুখে আসতে সাহসী হতুম না । মরণের ছাবে দাঁড়িয়ে
আবার মৃত্যুভয় কি ?

শ্রীকৃষ্ণ । ব্রাহ্মণকে বাধা দিও না সখা ! যখন তুমি আমার সাহায্য
চাও না—তখন সাহচর্য্য ত্যাগ করতে কুণ্ঠিত হচ্ছে কেন ? চলো ব্রাহ্মণ,
আমায় কোথায় নিয়ে যাবে চলো !

আনন্দরাম । উঁ-হঁ, কোথাও নিয়ে যাবো না । এই বৃক্ষকাণ্ডে
তোমায় বেঁধে রেখে তোমার ঐ চোখ দুটো উব্ড়ে নিয়ে যাবো । আর
যদি প্রতিজ্ঞা কর, কিছু বলবো না ।

শ্রীকৃষ্ণ । আমি প্রতিজ্ঞা করছি, আমি এ যুদ্ধে সম্পূর্ণ নিরপেক্ষ ।

আনন্দরাম । বাহুকল্পতরু ! তোমায় কোটী কোটী নমস্কার ! তুমি
শঠ, তুমি কপট, তুমি কুচক্রী হ'লেও তুমি যে ভক্তাধীন, বাহুকল্পতরু
পরমব্রহ্ম নারায়ণ—তা এই দীন ব্রাহ্মণের হৃদয়ের ভিতর দিয়ে
সমস্ত বিশ্ব-ব্রহ্মাণ্ডকে জানিয়ে দিলে । ধন্য তুমি—ধন্য তোমার
মহিমা ।

[প্রস্থান]

শ্রীকৃষ্ণ । সখা, ভাল করলুম কি মন্দ করলুম কিছুই তো বুঝতে পারছি না ।

অর্জুন । ভালই করেছ সখা ! ইতিপূর্বে আমিই প্রতিজ্ঞা করেছি যে, এ যুদ্ধে তোমার সাহায্য গ্রহণ করবো না ।

[নেপথ্যে । জয় মণিপুররাজ বক্রবাহনের জয় !]

অর্জুন । ঐ বিপক্ষ সৈন্যের উল্লাসধ্বনি ! আর মুহূর্ত্ত মাত্র বিলম্ব করবো না । প্রভাত পর্যন্ত অপেক্ষা করতে পারিনি, রজনীযোগেই শিবির আক্রমণ করতে শত্রুদল ধেয়ে আসছে ! বিদায় সখা, বৃষকেতুর শুশ্রূষার ভার তোমার উপর । [প্রস্থান]

শ্রীকৃষ্ণ । অহমিকার গাঢ় কুহেলিকায় আচ্ছন্ন সখা আমার, ব্রাহ্মণের গুঢ় অভিসন্ধি বুঝতে পারলে না—তাই আজ এরূপ প্রতিজ্ঞাবদ্ধ হলো । অগ্রে সম্মুখের প্রগাঢ় অন্ধকাররাশি ভেদ কর সখা, তবেই অন্ধকারে আলোকের মুখ দেখতে পাবে ।

[প্রস্থান]

দ্বিতীয় দৃশ্য

রণস্থল

সুসজ্জিত বক্রবাহনের প্রবেশ

বক্রবাহন । আসে রণে সুসজ্জিত বীরেন্দ্রকেশরী
পিতা মোর—তৃতীয় পাণ্ডব ।
আমি অযোগ্য সন্তান—
আশ্রয়ান রক্ষিতে পিতায়,

নাহি দানি ভক্তি-পুষ্পাঞ্জলি
 প্রত্যক্ষ দেবতা পদে !
 কারে কব—কাহারে বুঝাব
 কি বেদনা হৃদয়ে আমার ।
 কি লাগিয়া পলে পলে মরম যাতনা
 মর্শ্বস্থল দহে অভাগার !
 এখনও আসিছে ভাসি কর্ণের ছুয়ারে
 মর্শ্বঘাতী তীব্রবাণী মৃদুস পবনে—
 প্রতিধ্বনি কহিছে গস্তীরে—
 কল্লোলিনী কুলুশ্বরে গাহে সে বারতা ।
 মাতৃনিন্দাবাণী
 বিষদগ্ধ শেলসহ বাজিছে অন্তরে ।
 ষাছবলে দিতে হবে আত্ম-পরিচয়
 নতুবা নিশ্চয়—
 এই হীন কলঙ্কের গাথা
 ঘোষিবে ভুবনময় ।
 আপামর একবাক্যে কহিবে সকলে
 আমায় নিরখি হীন বিদ্রূপের বাণী ।
 কাদম্বিনী গস্তীরে নাদিবে—
 শুকসারী অরণ্যে গাহিবে—
 ধ্বনিত হইবে গাথা এ তিন ভুবনে !
 এসো—এসো বিশ্বতি হৃদয়ে !
 এসো অন্ধকার হ'তে—
 যত সাধ যত আশা পিতার লাগিয়া ।

আজন্ম বঞ্চিত হায়, যেই স্নেহ হ'তে
 দানিবারে বিনিময় তার
 অহেতুক স্মৃতির তাড়না ।
 মুছে ফেল—মুছে ফেল সব,
 মুক্ত অসি দৃঢ় করে—
 হের বক্রবাহন
 ওই কর্তব্য তোমার ।

[গমনোচ্চোগ]

অর্জুনের প্রবেশ

অঙ্ক

কোথা যাও ত্যজি রণস্থল ?
 বালকে জিনিয়া রণে মণিপুব পতি
 ভেবেছ কি মনে পাণ্ডব দুর্বল ?
 জাননা কি পশ্চাতে তাহার
 ভুবন বিজয়ী বীর পার্থ মহারথী
 দানিতে উচিত শিক্ষা রণে আগুয়ান ?
 ভেবেছিনু মনে—অস্ত্র না ধরিব কভু
 তোমা সনে । কিন্তু হায়—
 ভিন্নমুখী হলো কশ্মশ্রোত ।
 বেছে লও নবীন ভূপতি !
 যে অস্ত্র চালনে
 নিপুণতা জন্মেছে তোমার
 সেই অস্ত্রে যুঝ মোর সনে ।
 যে অস্ত্রে গাণ্ডীবি নাম তব ধনঞ্জয় !
 ধর সে গাণ্ডীবি তব—

বক্রবাহন ।

আজি রণ অবসানে—মুছে যাক্ নাম
 জগতের স্মৃতিপট হ'তে
 অর্জুন । মতিচ্ছন্ন ঘটেছে বালক !
 প্রয়াসিছ মুছিবারে গান্ধীবির নাম ?
 [গাণ্ডীবে গুণ দিতে চেষ্টা, কিন্তু বিফল মনোরথ হ'উন]
 বক্রবাহন । ধিক্ তোমা গান্ধীব ধারণে
 গুণ দিতে নাহিক শক্তি তব ।
 অর্জুন । গদা অস্ত্র ধর তবে বাচাল বালক—
 বক্রবাহন । সে অস্ত্রের কিবা ধারো ধার
 তনি লোক মুখে—
 অস্ত্র তব—মধ্যম দাদার ।
 অর্জুন । ত্যজি বাক্যছটা
 প্রাণরক্ষা কর আপনার ।

[উভয়ের যুদ্ধ করিতে করিতে প্রস্থান ।

[পাণ্ডবসৈন্যগণের সহিত যুদ্ধ করিতে করিতে
 বেদিয়াগণের প্রবেশ ও প্রস্থান ।]

তরবারি হস্তে অর্জুনের প্রবেশ

অর্জুন । অদ্ভুত যুদ্ধ ! অপূর্ব রণকৌশলী এই বীরবালক ! কিন্তু
 এ কি ? কোন্ অলক্ষ্য শক্তি আমায় এতখানি শক্তিহীন করলে যে, আমি
 আমার চিরপ্রিয় গান্ধীবে গুণ দিতে অসমর্থ হলাম ! তবে কি দৈব
 আমার প্রতিকূলে ? যার কোদণ্ডটুকারে ত্রিভুবন প্রকম্পিত, সে আজ
 এতখানি শক্তিহীন ! এ কি তব পুত্রবাসল্য ! পুত্রস্নেহে অন্ধ আমি,
 ক্ষত্রধর্ম্মে জলাঞ্জলি দিতে বসেছি ? পাণ্ডবের গৌরব-পতাকা চিরদিনের

জন্ম অপমান মসীলিপ্ত করতে অগ্রসর হয়েছি? ধিক্ আমায়—আর
শতধিক্ আমার প্রতিজ্ঞায়! যখন ধর্মরাজ শূন্যে কাপুরুষ আমি—
পুত্রস্নেহে অন্ধ হ'য়ে কর্তব্য বিসর্জন দিয়েছি—ধর্ম খুইয়েছি—তাঁর এত
আয়োজন সমস্ত বার্থ করেছি, তখন তিনি কি আর আমায় স্নেহের
সহোদর ব'লে সম্বোধন করবেন, না আমি তাঁকে এই কলঙ্ক-কালিমালিপ্ত
মুখ দেখাতে পারবো? না, তা হবে না—হ'তে দেবো না—

দূর হ' রে স্নেহ মায়া মনোবৃত্তি যত

হও হিয়া প্রসূর কঠিন--

সাধিবারে কর্তব্য আপন

নিতে হবে পুত্রের জীবন।

কেবা পুত্র--কেবা দারা

ধর্মের তুলনে!

কে আছে আপন ভবে আর।

কাত্তধর্ম--কর্তব্য পালন

যম প্রাণ--

অরাতি-নিধন কিম্বা সমরে শয়ন।

বক্রবাহনের প্রবেশ

বক্রবাহন। হে বীর--

মিটাতে শেষের সাধ যম আগমন।

অর্জুন। জানিহ বালক,

তব নিকটে শমন।

বক্রবাহন। শক্তি পরিচয়ে

তৃপ্ত কি হে বীর ধনঞ্জয়!

বল ত্বরা, পুত্র বলি করিবে স্বীকার?

অর্জুন । অসম্ভব—অসম্ভব বাণী
থাকিতে জীবন—
পুরিবে না বাসনা তোমার ।

বক্রবাহন । তবে কর রণ
জেনো, মৃত্যু তব ললাট লিখন ।

[উভয়ের যুদ্ধ ও অর্জুনের পতন]

বক্রবাহন । ধনঞ্জয় ! এখনও কি তুমি পুত্র ব'লে স্বীকার করিতে
অপারগ ? একি ! পাণ্ডববীর ! হায় হায়, কি করলুম—কি করলুম—
পিতৃহত্যা করলুম ! পিতা—পিতা ! সব স্থির—হিম—অসাড় ! আর
কে উত্তর দেবে ! পিতৃঘাতী নরাধম বক্রবাহন, কি করলি ? যার করুণা
ভিন্ন তোমার এ পরিচয়-কলঙ্ক কখনও ঘুচবে না, তাকে ইহজীবনের মত
পৃথিবী থেকে সরিয়ে দিলি ! কি করলি হতভাগ্য—কি করলি ঐ
শোন, আকাশ জলদগন্তীর স্বরে বলছে—মূঢ়, কি করলি ! বাতাস গভীর
বেদনায় তপ্ত দীর্ঘশ্বাস পৃথিবীর বুকে ছড়িয়ে দিয়ে বলছে—পাষণ্ড কি
করলি ! বিষাদবিক্ষুব্ধ প্রতিধ্বনি দিগন্ত প্রকম্পিত ক'রে বলছে, পিতৃঘাতী
পিশাচ, কি করলি ! উঃ, কি করেছি—কি করেছি—

তার প্রবেশ

ঐ যে—ঐ যে বীরকেশরী ফাল্গুনীর শোণিতাপ্লুত বীর-
দেহখানি রণক্ষেত্রে গড়াগড়ি যাচ্ছে ! তবে কি—তবে কি আমার এত
খানি যত্ন—এত চেষ্টা সমস্ত সফল হয়েছে ! আমার পতিহত্যা উৎসব সম্পন্ন
হয়েছে ! বিপদা হওয়ার এত সাধ—এত আশা কি আজ পূর্ণ হলো !
পতিতপাবনী সুরধনি ! চেয়ে দেখ, আজ তোমার আদেশ অক্ষরে অক্ষরে
পালন করেছি—স্বামীর উদ্ধারের জন্তু বৈধব্যকে কেমন সযত্নে আলিঙ্গন

(১৬৩)

করেছি ! পুত্র—পুত্র ! তুমি উপযুক্ত পুত্রের কাজ করেছ, আশীর্বাদ করি, তুমি দীর্ঘায়ু হও । তোমার এ মহিমাময় কীর্তিগাথা সমস্ত ব্রহ্মাণ্ডে নিঘোষিত হোক । স্বামিন্—প্রভু ! এ পতিঘাতিনী অভাগিনীকে মার্জনা কর । আর কেন—আমার কার্য্য ত শেষ হয়েছে, এইবার অভাগিনীকে শ্রীচরণে স্থান দাও প্রভু ।

[বন্ধে ছুরিকাঘাত করণোচ্চোগ]

বেগে জ্যোতিষীবেশী শ্রীকৃষ্ণের প্রবেশ ও বাধাদান

শ্রীকৃষ্ণ । কি করছো উন্মাদিনী ! আত্মহত্যা যে মহাপাপ ।

উলুপী । কে ? জ্যোতিষী ? এই পতিঘাতিনী রাক্ষসীর ভাগ্যফল কি এখনও কিছু অপ্রাপ্ত থেকে গেছে ? দেখ ঠাকুর, ভাল ক'বে দেখ, তোমার গণনার কঠোর সত্যতা কি প্রত্যক্ষ—কেমন জাজ্বল্যমান ! অক্ষরে অক্ষরে ফলেছে । তবে আর কেন বাধা দিচ্ছে জ্যোতিষী, পতিকালিনী অভাগিনীকে তার পতিপাশে যেতে দাও !

শ্রীকৃষ্ণ । তা কি হয় মা ! এখনও যে তোমার কার্য্য শেষ হয়নি ।

আনন্দরামের প্রবেশ

আনন্দরাম । সাথে কি বলি তুমি কপটের ধাড়ি ! একটু অশ্রমস্ব হয়েছি, অম্নি দে চম্পট । এ কি ! এদিকে যে পাণ্ডবরা চাঁই চৌদ্দপোয়া জমি নিয়েছেন । বাঃ রাজা বাঃ ! উল্লাস কর আনন্দরাম—উল্লাস কর, তোমার রাজা নিরাপদ ।

বক্রবাহন । রসনা সংযত কর ব্রাহ্মণ ! দেখছো না পাণ্ডু, পুত্রহন্তে নিহত পিতার দেবদেহ ধূলিশয্যায় ! আর তাই দেখে তুমি উল্লাস করছো ? রসনা সংযত কর, নইলে জেনো, আমি ব্রাহ্মহত্যা করতেও কুণ্ঠিত হবো না ।

গীতকণ্ঠে পুরবাসিনীগণ ও তৎপশ্চাৎ রক্তাস্বর-
পরিহিতা চিত্রাঙ্গদার প্রবেশ

গীত

পুরবাসিনীগণ ।—

সাজলো সজনী মোহন সাজে
আজি যে সাধের বাসর তোর ।
বীরের শরনে গুরেছে প্রাণেশ
বীরঙ্গনার কেন নয়নে লোর ।
উজল করলো কাজল রেখা,
সীমস্তের শোভা সিন্দূর রেখা,
বন্ধে তুলে নে পতি পা ছ'খানি
সুখের রজনী না হ'তে তোর ॥
নয়ন বাসরে সাধের রচনা,
চিতা শয্যা তোর প্রাণের কামনা,
প্রাণেশের পাশে গুরে পতিপ্রাণা
করলো জনম সফল তোর ॥

বক্রবাহন । মা—মা ! এসেছ—দেখ, তোমার অপমানের প্রতি-
শোধ নিতে গিয়ে কি সৰ্বনাশ করেছি ।

চিত্রাঙ্গদা । চূপ করু কৃতঙ্গ সন্তান ! না—না, তোর মত পিতৃহত্যা
কুলঙ্গারকে পুত্র সঙ্ঘোধন করতেও যেন রসনা আড়ষ্ট হ'য়ে আসে ! দূর হ
পিশাচ—আমার সন্মুখ হ'তে দূর হ' । স্বামী—প্রিয়তম—দেবতা আমার
কেন এ অভাগিনীর দেবদত্ত অমূল্য উপহার প্রত্যাখ্যান করলে ।
বুঝেছি, আমার উপর অভিমান ক'রেই এ সৰ্বনাশ করেছ, তাই এ
অভাগিনীকে এমনিভাবে ফাঁকি দিয়ে চ'লে গেল । চরণসেবিকা দাসীকে

ফেলে তোমার একা যাওয়া হবে না—নাও প্রভু, কাঙ্গালিনীকে সঙ্গে নাও । [গমনোচ্চোগ]

শ্রীকৃষ্ণ । উন্মাদিনী, ফেরো, আমি গণনা ক'রে দেখেছি, তুমি অমূল্য মণির অধিকারিণী, তোমার কি এতখানি আত্ম-বিশ্বাসি সাজে মণিপুর রাজমাতা ? তুমি কি জান না, সেই মণিস্পর্শেই তোমার স্বামী পুনর্জীবিত হবেন ?

চিত্রা । মণি—মণি ! হায়—হায় ! কি সর্বনাশ করেছি—কি সর্বনাশ করেছি !

শ্রীকৃষ্ণ । কি করেছ বুঝেছি রাজমাতা—মণি হস্তান্তরিত, নয় কি ?

চিত্রাঙ্গদা । ই্যা ঠাকুর, আমি নিজের পায়ে কুড়ুল মেরেছি ! তুচ্ছ অভিমানে জ্ঞানহারা হ'য়ে মণি এক ব্রাহ্মণকে দান করেছি ।

শান্তির দেহে ভর দিয়া দুর্জনসিংহের প্রবেশ

দুর্জনসিংহ । দান ব'লো না মা,—গচ্ছিত রেখেছ বল । চলে তোমার কাছ থেকে মণি সংগ্রহ করেছিলুম নিজের স্বার্থের জন্ত, কিন্তু ধর্ম্মে সইলো না—আমার মহাপাপের প্রায়শ্চিত্ত আরম্ভ হ'লো, তাই প্রতারণাময় জীবনে একটা ভাল কাজ ক'রে যাব মনে ক'রে তোমার অমূল্য মণি তোমায় ফিরিয়ে দিতে এসেছি—গ্রহণ ক'রে স্বামীর জীবনরক্ষা কর ।

চিত্রাঙ্গদা । বৃদ্ধ—বৃদ্ধ, তোমার ঋণ আমি জীবনে শোধ করতে পারবো না । তুমি দেবতা ! দেবতা ! অভাগিনী পতি কাঙ্গালিনীর প্রণাম নাও দেবতা ।

দুর্জনসিংহ । দেবতার নামে কলঙ্ক দিও না মা ! আমার পরিচয় শুনলে আতঙ্কে শিউরে উঠবে—ঘৃণায় মুখ ফিরিয়ে নেবে ! আগে স্বামীর জীবন রক্ষা কর—তার পর ইচ্ছা হয় পরিচয় নিও—না হয় আমার কর্তব্য মার্জনা ভিক্ষা ক'রে ফিরে যাবো ।

শ্রীকৃষ্ণ। মনি পুত্র হস্তে দাও মা !

[বক্রবাহন মনি স্পর্শ করাইবামাত্র অর্জুনের পুনর্জীবন লাভ]

অর্জুন। উঃ—কি গভীর সুষুপ্তি ! আমি কোথায় ?

শ্রীকৃষ্ণ। রণক্ষেত্রে পুত্রের পরিচয় নিতে এসেছ, তা কি মনে পড়ে
সখা ?

অর্জুন। মনে পড়েছে ! আমি যুদ্ধে পরাজিত ও নিহত হ'য়ে-
ছিলুম, পুত্র শুধু উপলক্ষ্য মাত্র—আমার নিধনকর্তা ও প্রাণদাতা কেউ
নয়—তুমি। কুরুক্ষেত্র-যুদ্ধে জয়লাভ ক'রে আমার মনে যে শক্তির
অহঙ্কার হয়েছিল, আজ দর্পহারী তুমি আমার সে দর্প চূর্ণ করলে—আর
সঙ্গে সঙ্গে জগতকে দেখিয়ে দিলে—দেহের সঙ্গে আত্মার যে সম্বন্ধ
পাণ্ডবের সঙ্গে শ্রীকৃষ্ণেরও সেই সম্বন্ধ ! পাণ্ডব দেহ—কৃষ্ণ প্রাণ, পাণ্ডব
মন—কৃষ্ণ বুদ্ধি, পাণ্ডব জীবন—কৃষ্ণ তার সঞ্জীবনী শক্তি ! মহিমাময়
বিরাট পুরুষ ! অজ্ঞানকে মার্জনা কর। বৎস বক্রবাহন ! আজ তুমি
জেতা—আমি পরাজিত, তোমার মত বীর্যবান পুত্রহস্তে আমার এ
পরাজয়ও গৌরবময়। কিন্তু হায় ! কি বলবো সখা, এত আনন্দেও
আমার মনে অশান্তির আগুন ছ ছ ক'রে জ্বলছে—বুঝি মৃত্যুতেও সে অগ্নি
নির্বাণিত হবে না। কি হবে সখা, কেমন ক'রে ধর্মরাজের মহাযজ্ঞ
সম্পন্ন হবে—আমি যে পরাজিত ?

শ্রীকৃষ্ণ। তুমি পরাজিত হ'লেও পাণ্ডবের পরাজয় কোথায় ? পাণ্ডব
বংশধর বক্রবাহনের জয় কি পাণ্ডবের জয় নয় সখা ? তুমি স্বচ্ছন্দে যজ্ঞাশ্ব
নিয়ে যেতে পার। সাধবী উলূপী—পতিপরায়ণা চিত্রাঙ্গদা ! আজ
তোমাদের পতিপরায়ণতার মহাপরীক্ষার অবসান—তোমরা আদর্শ সতী ।

দুর্জনসিংহ। আমায় কি তবে কেউ মার্জনা করবে না ? আয়
শান্তি, চ'লে আয়, মেয়েটাকে খুঁজিগে আয়। [গমনোদ্যোগ]

গীতকণ্ঠে জগাপাগলার প্রবেশ

গীত

মাগ চাও না কেন রাজা পার ।

মনটা খুলে প্রাণটা ঢেলে

বিলিয়ে দিয়ে আপনার ।

ধাক্কা কাছে কল্পতরু,

লীলাময় এ নাটের গুরু,

তুমি আস্ত গরু, বুদ্ধি সরু,

পেয়ে নিধি চিন্লে না তায় ।

জগা । প্রভু ! আর কেন, চেনা দাও—অনুতপ্ত হতভাগ্যকে
মার্জনা কর ।

শ্রীকৃষ্ণ । যে ভক্তকে পাপের পথ হ'তে ফেরাতে . দেবর্ষি স্বয়ং
সচেই, সে কি হতভাগ্য হ'তে পারে ? [ছদ্মবেশ ত্যাগ]

দুর্জনসিংহ । একি ! একি ! দয়াময় পতিতপাবন ! পতিতকে
শ্রীচরণে স্থান দাও প্রভু !

শ্রীকৃষ্ণ । ওঠো বন্ধু—তোমায় যে বন্ধু ব'লে কোল দিয়েছি । বন্ধু
ঐ দেখ তোমার কন্যা—মণিপুর-রাজমহিষী, সৌভাগ্যভাগ্যের কন্যার হস্তে
তুলে দিয়ে ধন্য হও । সখা, এইবার বেদিনী বিয়ের অনুমতি দাও ।

সুখার প্রবেশ

দুর্জনসিংহ । সুখা—সুখা, এসেছিস্ মা ! সন্তানকে মার্জনা কর—
রাজার কাছে তো মার্জনা চাইবার আর সাহস নেই ।

শাস্তি । দিদি—দিদি ! ইনি আমাদের পিতা ।

সুখা । বাবা—বাবা ! [দুর্জনসিংহের গলা জড়াইয়া ধরিল]

দুর্জনসিংহ । এই তো স্বর্গ !

শ্রীকৃষ্ণ । বক্রবাহন, অমৃতপ্ত দুর্জনসিংহকে মার্জনা কর ।

বক্রবাহন । দুর্জনসিংহ, তোমার এ দশা কেন ?

দুর্জনসিংহ । জিজ্ঞাসা করো না রাজা—এখনি পৃথিবী কেঁপে উঠবে—শুধু জেনে রাখ এ মহাপাপের প্রায়শ্চিত্ত ।

অর্জুন । এসো বিজয়ী বীর ! তোমায় জয়মাল্যে বিভূষিত করি—

[সূধাকে বক্রবাহনের হস্তে সমর্পণ]

শ্রীকৃষ্ণ । কি ব্রাহ্মণ ! আর রাগ আছে—চোখ উব্বরে নেবে ?

আনন্দরাম । এমন দেখলে কি আর সে ইচ্ছে থাকে দয়াময় ? তবে কখনও কুটিল দৃষ্টিতে চাইতে ইচ্ছা হয়, এই বামুনের পানে চেও ঠাকুর—আমার কোন আপত্তি নেই ।

চিত্রাঙ্গদা । উলুপী ! ভয়ি, না জেনে কত কটু ব'লেছি আমার মার্জনা কর ।

উলুপী । আমরা যে এক সহকারে জড়িত দু'টা লতা, কে কাকে মার্জনা করবে ভাই ?

শ্রীকৃষ্ণ । চল গঙ্কর্ষনন্দিনি ! আজ পরাজিত বন্দীকে তোমার হৃদয়-কারায় আবদ্ধ ক'রে কঠোর শাস্তির ব্যবস্থা করবে চল—এসো বন্ধু !

আনন্দরাম । জয় ভগবান্ বাসুদেবের জয় !

[সকলের প্রস্থান]

